






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.244/6





Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.244/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINAAGL 1.7.244/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.244/a











XIII

LIPS

9

17



IVSTI LIPSI
DE VESTA
ET
VESTALIBVS
SYNTAGMA.



ANTVERPIÆ,
EX OFFICINA PLANTINIANA,
Apud Ioannem Moretum.

CLIO. IOCIII.
Cum Privilegiis Cesareo & Regio.

ILL^{MO} ET REV^{MO}
MATTHIÆ HOVIO
ARCHIEPISCOPO
MECHLINIENSI.



XIGVVM aliquid, & pænè ve-
rens, aut certè verecundans, ad
te adfero ILL^{ME} PRAESVL, istud
DE VESTA ET VESTALIBVS:
quod tamen solus titulus ex-
cuset, non enim dicam com-
mendet. Res sacrorum est: vanorum & vete-
rum, fateor: sed sacrorum, & quæ nostris
etiam piis verisq̃ue sacris faciant illustrandis,
aut approbandis. Illustrandis, quia multa su-
per eâ re in scriptis olim Doct̃orum nostro-
rum; approbandis, quia cùm illi tantum ho-
norem paucis istis coâctisq̃ue à pueritiâ vir-
gunculis detulerint; quid nos æquum verum-
q̃ue est facere, in deuotis Deo puellis, ætate
adultâ, voluntate præuiâ, quæ diuino cultui
corpus atque animum manciparunt? Beata
virginitas, quæ cum angelis de gloriâ certat:
certat? imò superat, virtute, non felicitate.
quia illorum tota à Dei munere est, istarum
ab electione; sine pugnâ aut labore, illa; ista, à
* 2 certa-

certamine parata; & quæ laudem habere, illa
admirationem tantum potest. Iam in veteri
Româ, sex aut septem Vestales, tot præmiis
aut præconiis insignes: istæ quid? aulim asse-
rere, in solâ Belgicâ supra sex septem millia
esse, nec satis etiam dixi. *O illustris portio* (Cy-
priani verba agnosce) *gregis Christi!* ô flos
nunc in terrâ religionis, lucida sidera olim
in cælo: quàm vndique vana & profana illa
superamus, veritate, aut frequentia? Accipe
igitur VESTALES veteres, sed in illis nostras
feliciores cogita; accipe tu PONTIFEX meri-
tò, quod Pontificiæ olim & nunc curæ com-
missum. Certè tu non solum sacris nostris in
Belgicâ rector & director præsides; sed huius
virginei coetus tua inspectio & arbitratio est.
tu ducere, formare, coërcere pontificium ha-
bes; & tot millia, quarum precibus salus pu-
blica nititur, tuâ auctoritate & tutelâ nitun-
tur. Non te mouebit, quòd multa, imò ple-
raque ista, priscae litteraturæ sint: ne cense,
optime Antistes, alienam à Christianis vsi-
bus: imò ornamentum, imò adiumentum
hæc talia, germanæ Pietatis. Vides Græcos La-
tinosque illos religionis nostræ Duces aut si-
gniferos? plerique omnes hac doctrinâ non
insigniti tantum, sed insignes fuere: Tertul-
lianus, Cyprianus, Ambrosius, Augustinus,
Hiero-

Hieronymus: & è Græcis, Clemens, Iustinus,
Basilus, Gregorij, & quotquot ex illo aureo
auro est nominare. Cur diffugimus hodie
aut damnamus? Neque enim solum volupta-
tem ex istis aut scientiam probi prudentes-
que, sed vsum quærunt. & vt floribus alij ad
odorem aut ad spectum tantum, apes ad mel-
lificium, medici etiam ad salutem vtuntur: sic
illi amœniora hæc studia traducunt & aptant
ad serium animorū fructum. Quæ iacent val-
dè, vt pleraque honesta, in publicâ hac tem-
pestate & bellorum nimbis: sed tu ac tales
(nam & hæc tua cura est) tuemini atque eri-
gite, & Ecclesiæ dignitatem si saluam vultis,
etiam illa. Neque semper profectò hæ pro-
cellæ. & erit tempus, quo

--redeat Concordia, Virtus,

Cumq̃ Fide Pictas altâ cervice vagetur.


Deus citò donet: te autem ILL^{us} ET REV^{erendus}
PRAESVL, decus & columnam huic statui
feruet. Louanij, Idibus Iuniis, ∞. 1561.

I. LIPSIVS PP. cliens.

* 3

AD

AD LECTOREM.

APE breue hoc Syntagmation, quod est de vetustissimis & celeberrimis item sacris. Quadam alij sparsim super iis libarunt: sed libarunt: nos ordine & methodo rem aperuimus, atque adeò plenè dedimus, ut licuit obliuia ista & fugitiua. Siquid me quoque fefellit, aut fugit: sit venia. nemo ita industrià aut ingenio potest, ut omnia colligat, intelligat: nec veto, imò posco, ut manum alius addat. Benignè in me consulet, si quis monebit aut suggeret. à te peto tantùm,

Ne mea dona tibi studio disposita fideli,
Intellecta priùs quàm sint, contempta
relinquas.

Nam multi iudicant, priusquam legerint: quid? etiam priusquam inspexerint quidam. contemptores scilicet honestarum artium, & quorum voto iamdiu Doctrina omnis sit funus. Non audi o Deus, neque solem hunc è mundo tolle.


INDEX

INDEX CAPITVM.

- CAP. I.** Quid Vesta? aliis Ignem, aliis Terram esse. deque ea priscae fabulae. pag. 1.
- II.** Quibusdam & Venerem dici. Sed Vestam, pro Igne siue Foco, antiquitus & passim cultam: & à quo exemplo Romae. 5.
- III.** Numam templum sacrasse, atque id rotundum: viris noctu interdictum. Nulla ibi statua: & tamen vulgò eius imago. 8.
- IIII.** Aliud ab Augusto Vestae templum. item de Regiâ, & Arrio Vestae. 11.
- V.** Vestales sacerdotes, Virgines captas. quo auro? quo numero? 14.
- VI.** Alia in capiendo spectata, seruataque. Sortem, aut Oblationem interuenisse. 16.
- VII.** Disciplina captarum: gradatio & ascensus: tempora ministerij: & Virgo Maxima. 19.
- IIIX.** Munera earum, primumque tutela Ignis. Perpetuum hunc fuisse: si defuisset, poena Virginum & flagra: iterumque instauratio. 21.
- IX.** Seruabant & imperij pignus, variâ interpretatione: etsi plerique ad Palladium trahant. Quid illud, vnde, vbi? 24.
- X.** Sacra etiam assidua faciebant. an & Aquae curabant? an Draconi? hæc inquisita: & aliquid de Deo Fonte. 28.
- XI.** Præmia & priuilegia earum. Ius testandi, Licetor, Carpentum, aliaque data. 31.
- XII.** Item ornamenta aut insignia: vt Vittæ, Purpura in veste, Stipendia & Agri, Auctoritas in deprecando. 34.
- XIII.** Contrâ, Poenæ cum peccassent, cum auro variæ: sed sollennis & nobilis à Tarquinio Prisco. Pontifices arbitros fuisse: conuictam, defossam: & quæ huic rei. 37.
- XIIII.** Quando Vestales deserint? in Arnobio nodus, nec solutus. 43.
- XV.** Alibi Ignis cultura, & simulacrum Vestalium. 44.

A D M O-

A D M O N I T I O .



SCRIPSI, Lector, in fine cap. v. de numero Vestalium, & ex Ambrosij verbis suspicari aliquem posse, ab Augusto vnā additam, septemque factas. Quod adprobare videatur *Faustinae Augustae* numus, M. Antonini Philosophi vxoris: in quo templum Vestæ, cum arā mediā, & sacrificantes sex Vestales, cum vnā puellā etiam, an puero? nam dissident, qui viderunt. Puellam esse qui volunt, addant hanc Vestalem septimam: paruam scilicet, & adhuc discipulam, nequedum sacrificantem. Atque ita liceat dicere, sex quidem sacerdotes Vestæ fuisse, hanc autem septimam in minore ætate & primo illo decennio, Vestalem quidem, sed nec Vestalem esse. Ideo Ambrosius scitè, *Vix septem*: adsignificans, propriè sex eas esse, septimam in disciplinā agere, & adhuc formari. Tamen qui *Puerum* esse volunt, de senario numero iterum asserant: & similes herclè Nummi *Lucille* exstant, cum sex modò sacrificantibus virginibus, nullā aliā minore adstante. Quid, quòd Plutarchus *ad suum vsque æuū* (Traiano Principe, & circā, vixit) *sex tantum* fuisse adfirmat? Itaque etiam nunc cō inclinamus.

I V S T I

IVSTI LIPSI
LOVANIVM:
siue
OPIDI ET ACADEMIÆ EIVS
DESCRPTIO.
LIBER PRIMVS.

CAPVT PRIMVM.

Occasio sermonis, & in rem præparatio.



AMBVLATIVNCVLA instituta nobis
fuit sereno die, mense Sextili, ad col-
lem vrbi vicinum: idque visendæ an-
tiquitatis. Fama tenebat & tenet, ar-
cem illuc veterem fuisse, alij à Iulia-
nis, alij à Normannicis temporibus:
cuius vestigia extarent: & cupido nos subijt videre, &
arbitrari. Feceram olim (probè memini) ante annos
triginta, duce *Petro Diuæo*, qui rerum nostratium, &
quæ ad historiam veterem pertinerent, diligens admo-
dum sed & sciens erat: feceram, sed neque attenderam
valdè, & in illo æuo vnicus Romanarum rerum, in con-
A temptu

temptu ferè ceterarum eram. Nam fateor hoc studium meum, siue morbum: nihil afficiebat, præter antiqua, & nostri aut paullò superioris æui omnia, vt Barbarica & fordentia, contemnebam. Nunc in parte mutauì iudicium: & quamquam illa immensum præfero, tamen & hæc in subsecuiis habeo, & iuuat etiam maiorum nostrorum res, ingenia, mores nosse, & quædam ex iis in vsum aut exemplum transferre. Ergo hac mente in collem illum iui: qui ad Orientem vrbi huic imminet, & subiectum *Diliam* flumen parte vnâ ad Septemtrionem habet; alterâ, versus Austrum, *Löam* collem & siluam; antrorsus autem, interiectam vrbi planiciem, pulchram, latam, & viridariis aut pratis peramœnam. *Kesselium-montem* vocant: an non à *Castello* (quasi *Castel-berch*) quod olim illuc fuit? Sic appâret, nec aliud reperio: sed ad rem, illuc iuimus, & comites fuerunt quattuor è studiosâ nostrâ iuuentute selecti. Ministrum meum addo: & quid omitto? canes meos maiores duos, qui auidè sunt affectati, aut præcurrerunt, vt feruor & ingenium illorum amat. *Mopsulus* meus domi seruauit: nec ille visus, corpore paruo, ætate grandiusculâ, ad longiusculum hoc iter esse. Nec mei quidem volebant me, nisi equitem, ire: sed libuit vires post morbum experiri, & montana illa ac prærupta equo non faciebant. Ergo iuimus: in viâ è meis vnus, Lipsi ab exteris ego venio, & è Batauiâ recens: quàm iuuaret scire de Louanio vestro vltiora paullò & veteriora! Louanio, quod famâ sic diffusum est; Louanio, quod mœnibus etiam & ambitu sic magnum. Et fuitne res tanta? an verum est, famam in maius omnia ferre: & maius hîc nihil, quàm quod

quod oculis vsurpamus, affirmandum? LIPS. Imò affirmandum. scitote Louanium rem insignem, rem historiâ & notitiâ dignam fuisse: sed fuisse, & fato rerum humanarum huc redactum. Quid enim nunc, nisi vos pauci studiosi, sustinetis? Pauci, si meum adolescentiæ æuum video: & ante annos triginta septem, scio ad septena aut octona millia eorum, qui Musis operabantur, domicilium hîc habuisse. Pulcher aspectus! cùm Batavi, Frisij, Menapij, vltiores Germani, & magna nobilitas occurreret: cùm Galli, Britanni, Hispani, Itali, & è longinquis etiam gentibus Europæ. Hæc nos vidimus, & mixti ijs fuimus: nunc, *Heu!* neque aliud, quàm *Heu*, dico. AVD. At Lipsi, bone doctor, quin tu inter ambulandum paullò altiùs repetita hæc nos edoces: & tempus viamque fallimus delectabili sermone? LIPS. Licet. nam amo locum, eiusque memoriam cupio ire propagatum. quidni? veteris meæ parentis, & pænè patriæ: nam & *Isca* mea hanc dominam & velut matrem urbem agnoscit: & maiores etiam mei quidam originem istinc ducunt. Vt hæc non sint; Musæ & illæ artes, quas colimus, hîc locum habent: & nos ipsi quot iam annos aut discimus hîc, aut docemus? Certè adficior, & illustrare opidum ingenio, stilo, voce capior, imò concupisco. Et iam ordior. vos ingeniorum Musæ præfides, tu mater earum Memoria, adspirate, & per oblita aut oblita æui euntem ducite, & in tenebris prælucete. Tenebris, quas paucitati scriptorum assignamus: & malo fato, neque nostrâ neque aliâ linguâ, res maiorum curiosè aut fideliter proditæ; & pauca quæ exstant, fabulis aut ludibriis aspersa, melior mens non admittit.

Vulgus probat, inò iactat, scio: & ab Hectore & Phrygibus, aut Romanis, siue etiam Scotis, petimur; & series deinde textitur: dii deeq̃ue, quàm non vana solùm, sed ridicula! & pueri, qui fari incipiunt, aspernantur. Itaque talia ne expectate: vera & seria amamus; & vbi ea defunt, silere aut opinari.

CAP. II.

De auro & nomine Louanij, reiecta opinioniones leues, aut fabella.

**Valdè celebrem.*

VENIAMVS ergo ad inclytam hanc, & Homeri verbo **ἀεὶ δὲ ἵκετο* urbem: à capite inquiramus, *Quando, Quanta, Qualis* fuerit: & distinctè de Æuo, Magnitudine eius, & Progressu aut Regressu dicamus. Hi limites sermonis nostri erunt: non excedam: ordinem amo: si facio, reprehendite me, & intra metas coërcete. A V D. Certè ordinem amas, gloriari potes: & eâ re palmam non aufert hæc, fortassè nec prior ætas. LIPS. Tu amanter, vt soles: sed *baccare frontem mihi cinge*: nos pergamus. Quæsiui, *Quando?* & hanc inter primas laudes opida sibi vindicant, antiquitatem & æuum habere. An nostrum Louanium? Si nomen hoc vides, non opinor: perantiquum non est. si quorundam sensum aut opinioniones, Cæsarem & Romanos licet iactare. *Grudios* ille memorat: ecce sunt, qui Louanienses interpretentur. A V D. Bonâ veniâ. non sunt illi, minimè gentium: & Brugeses iam sibi variis argumentis adsumpserunt. LIPS. Per me habeant: vtrumque opidum amo, & vtrasque, vt olim appellauì, Belgicæ nostræ

stræ Athenas. Sed mihi crede, neque hîc neque ibi firmitas est: ventuli opinionum sunt, quibus nimis indulgent, & ferri se iis patiuntur ingenia quædam huius æui. Conuenit in illos hoc magni vatis:

* ——— ψῶδεα πολλὰ λέγειν, ἐτύμοισιν ὅμοια.

*-dicere
vana haud
absona ve-
ris.

AVD. At alia opinio veracior, *Leuacos* Cæsaris esse: & magis, si *Louacos* scribas. Quid caput moues? LIPS. Etiam abnuo. Ecce *Leuacos* nostros finitimos, *Leuven- ses* esse, nōne vero, certè verbo, propiùs assidet? Quis autem feret te aut alium, pro arbitrio rescribentem? Dicamus, quod res est: ignota hæc esse, & Æui caligine quâdam inuoluta, aut sepulta. At ipsum *Louanij* nomen satis priscum est: & inuenio ante annos circiter DCCCXX. *Reginoni* nominatum. Quin vetustius tamen fuerit, vix ambigo: sed firmo testimonio, aut de scripto, aliam tabellam vix licet proferre. AVD. Imò alia testimonia. Annales nostri habent, *centum sexaginta* ante Christum natum annis, *Lupum* quemdam Scotorum dynastam siue regulum, hoc opidum condidisse, & nomen à se indidisse. LIPS. Qui Annales? illine plebeij & triti, quos plerosque (& initia præsertim) somniculosa anus condidisse videatur? Da veniam rem dicenti: sunt hæc *παῖδων ἀδύνατα, & verè *ἀδρανέοντες ὄνειροι.

* Insus
puerorum.
* Somnis
tenuia.

Atquin etiam hoc audiendum est, *Lupum* istum nomen à se dedisse opido, & *Luposinam* appellasse: quod Gallissantes *Lou-sin* mox dixerunt. O bellaria! diripiamus. Nugæ, nugæ, sine capite, sine auctore: tam herclè quàm illud, tempore Iulij Cæsaris templum *Vestæ* hîc fuisse, ipso loco (viden' quàm signatè?) vbi nunc *Dini Michaelis* est: & quia ibi laudes dijs solent dicere, quod

A 3

nostrâ

nostrâ linguâ *Louenest*, *Louanium* appellatum. Quid tibi dicam? piget vel tangere, quæ alij amplectuntur: & quis huic narratiunculæ color? Scilicet templum. Vestæ in opidi portâ solent condere: (nam ita ibi est) aut laudare deos tantùm in Vestæ. Quòd si alibi, & in aliis opidis: cur hæc nomenclatura hîc eximia? At ego nugas ago, cùm refello: de re censo. Louanium sub illa Normannica tempora atque annos qui in Reginone, conditum fuisse: (mox videbimus) nomen ab ipso situ, linguâ nostrâ sumpsisse. Est ad Orientem, quò nunc imus, ex aduerso ecce collis & silua ista: quam *Loetiam* nunc vocant, & *Lo-bergh*, & *Lo-bosch*: est & subiecta ista pulcherrima planicies, ad flumen, quam vetus lingua *Vên* dixit. Inde *Vênæ* Batauorum etiam hodie, vnde cespes ille vstibilis eruitur: & superioribus annis, certò comperi in pratis hîc Martinienfium, quæ vocamus, idem genus eductum. Ergo *Louanium*, siue vt vulgata & vera vox est, *Louen*: dictum quasi *Lo-uen*, humida planicies ista *Loæ* subiecta. Latini **Louanium* fecerunt, Gallicam magis prononciationem *Louvain* secuti: & nos retinemus. etsi in priscis diplomatibus aut libris, mutato genere, *Louaniam* plerumque legi. Neque aliter sanè Thomas Cantipratanus, qui ante centum quinquaginta circiter annos hîc vixit, scripsitque. Virum perdoctum etiam noui, qui in suis ad me litteris semper *Lo-uvanium*, duplici vv. scribit: sed quâ causâ, & an causâ, fateor me ignorare.

*Vetus
Louenium.

C A P.

CAP. III.

Conditus opidi ad Normannica tempora relatus : & de iis igitur predictum, & immani tunc vastitate.

DE nomine, hoc scio : de primo conditu, diuinum oporteat esse, qui certò dicat. Illud habeo asserere, Normannicis illis temporibus clarum fuisse, aut certè inclaruisse : & maximè à strage, quam piratica & prædatoria ea gens ingentem & memorabilem hîc est passa. Res ita habet. Normanni, colluies hominum, à Septentrionis oris, itemque viciniore Germaniâ, exigua primò manus, mox pro successu auctis viribus, ingentes classes, multa hominum millia, per annos aliquot, imò sæcula, in Galliam, Britanniam, Italiam, Siciliam, Græciam ipsam immiserunt. Incredibile dictu est, quas clades dederint : & Gothi, Hunni, Vandali, modestiæ laudem habeant (siquis comparat) præ istorum rapinâ, cæde, flammâ. Horror me tenet, fateor, recolentem : & priores illi Barbari impetu valuerunt, & velut fulmen percusserunt, abierunt; isti iterarunt, redierunt, & repetitis tamquam ictibus Europam, irâ quâdam Numinis, non dicam afflixerunt, sed perdiderunt. Prima origo à *Saxonibus*, qui classibus littora infestarunt, iam tum à *Constantini* temporibus : & scriptores ab eo æuo, aut infra, meminerunt. Ijdem iusto exercitu Britannias inuas-
Anno Christi, ccccxvii.
 erunt, ceperunt, tenuerunt : denique mox Normanni in vicem locumque veniunt, & ab anno Christiano dccc. auditum hoc nomen & formidatum. *Caroli Magni* imperio primùm innotuere, & nihil vim aut magni-

magnitudinem viri reueriti, Gallia & Germaniæ limitem inuaserunt. Sed primò limitem: mox per fluuiorum ora se insinuantes, ipsa penetralia petiuerunt florentissimarum regionum. Quod maximè accidit *Caroli Calui* imperio, circa annum DCCCXLVI. cùm *Godefridus* eorum rex in Frisiam appulit, classe ducentarum nauium: proeliis aliquot incolas & accolas vicit: ac denique vectigalis nomine *centum viginti argenti libras* accipiunt, & in annos paciscuntur. *Frisiam* autem latè illa ætas appellat, & *Hollandiam* ipsam (obseruauit) includit. Nam & *Rineburga* & *Fladertinga*, Frisiæ (siue, vt ipsi, *Fresia*) vrbes memorantur. Atque hæc vastatio viginti annos tenuit: cùm domum reuersi, ciuili factione & bellis distinentur: non tamen in longum: iterumque Galliam repetunt, atque oram *Ligeris fluminis* occupantes, *Nannetensem*, *Andegauensem*, *Pictauensem*, *Turonicam* prouinciam crudeliter sunt depopulati. Ita *Regino* & *Sigebertus*: & vidēsne florentissima Galliarum attrita? atque illinc in Germaniam ausi, à *Ludouico Secundo* Imp. repulsi sunt, sed non cæsi aut fracti. Nam ecce iterum mox in Galliam, & duo simul reges (verba *Reginonis* dabo) *Godefridus* & *Sigefridus*, cum INÆSTIMABILI MULTITUDINE peditum & equitum aduenēre. Peruagati deinde sunt (è *Sigeberto* assumo) *Franciam* & *Lotharingiam*, *Ambianum*, *Atrebates*, *Corbeiam*, *Camaracum*, *Taruennam*, fines *Morinorum*, *Menapiorum*, *Brachatensium*, omnemque circa *Scaldis fluium* terram. Inde *VValam fluium* ingressi, totam *Batauiam*, palatium etiam *Neomagi* (ingentis magnitudinis, ait *Regino*, miræ operis) incendunt.

Anno DC-
CCLXVI.

Anno DC-
CCLXXX-
II.

dunt. Heu cladem! & vis metiri? metire animo maximas & pulcherrimas regiones. Breui sermone hæc dicuntur, & transeuntur: sed attenta miserationem habent, & stuporem. Neque etiam finis. *Per Mosam* mox ascendunt, & *Leodicum, Traiectum, Tungros, Coloniam Agrippinam, Bonnam*, cum adiacentibus castellis comburunt. *Aquis in palatio equos stabulantur, & palatium incendunt*: præterea *monasterium Stabulaus, Malmundarium, Jndam, Pruniam*. Hæc ita *Sigebertus*: *Regino* & alij addunt, *combustum Tulpiacum, Iuliacum, Nouesium*, alia minora. Et modica quiete sumpta, anno sequenti *Mosellâ* flumine subuecti, *Treuerim* incendunt, & *Metim* usque perueniunt, ibique prælio vincunt, & *Episcopum* occidunt. Bone Deus, quod flagellum, imò quam procellam iræ tuæ in Europam immisisti? neque alia exsequor: iuisse in *Italiam, Siciliam, Græciam*, & *Byzantium* ipsum:

CAP. IIII.

Louanij Normanni fuerunt, sederunt, & graui ibi prælio attriti, aut deleti.

AD rem meam & institutum apto. Illigitur, anno post, *Franciam* repetentes (ait *Regino*) * *Sonum* *Hodie Sonum: in feldis, Sonum. *fluuium* intrant, ibiq; confederunt. Et post multas incursiones, à *Carlomanno*, rege *Francorum*, duodecim millia argenti probati pondo, pro tributo, exigunt: & sic in duodecim annos pacem promittentes, mare repetunt. Ecce pactiorem: etiãne pacem? non fuit: & ô perfidiam! Pecuniâ illâ, aliisq; muneribus acceptis, sta-

B

tim

Anno DC-
CCLXXXV.

tim post annum, mortuo Carlomanno, redeunt: cauillati, *se cum rege Francorum, non etiam cum Francis fœdus pepigisse*. Atque ita, vt ad nostra iam veniamus, *à Sono exeunt* (ait Regino) *& in regnum Lotharij rursus reuertentes, in loco, qui dicitur LOVEN, castra metati sunt: & continuis infestationibus vtraque regna fatigant*. Quæ vtraque? Galliæ, & Lotharingiæ: quæ iam auulsa erat, vt in loco dicemus. AVD. Satis hæc mihi mira: quippe piratas, & nauibus aduenisse eos facis: & tamen narrationes tuæ ad penetralia terrarum ducunt. Sanè Louanium nostrum satis longinquum à mari est: quid *Treuiri, Atrebates, Camaracum*, & quæ narraſti? LIPS. Et verè narraui: sed tetigi obiter & prædixi (parùm à te obseruatum) fluminibus se insinuasse, atque ita ad vltiora & interiora venisse. Præsumendum igitur, magnas minoresque naues habuisse: atque illis in statione alibi relictis, his minoribus ascendisse, & quæ etiam tuta ab eâ peste videbantur, vastasse. Sic Louanium nunc venisse: etsi Dilia noster grandiorum nauium non est tolerans, sed modicas tamen admittit. Ergo iam Louanij sunt, & hærent. placuit amœnissima planicies, & in ambitu agri fertiles: nec procul Scaldis & mare, ad quod in discrimine recurrant. Misit quidem in eos exercitum *Carolus Crassus* Imp. sed, præter dedecus, nihil retulit: atque ipsi animo auctiores, biennio post, *à Louanio exeuntes* (iterùm Regino) *Sequanam ingrediuntur, & Parisios obsidione cingunt*. Mittit & tunc Imp. *Henricum Ducem*, cum valido exercitu: sed illi astu militari, fossas leui stipulâ & terrâ integunt, & Henricum nescium præcipitant, turbant, cædunt. Denique post

post annuam ferè obsidionem, argento accepto, abeunt: pars in *Normanniam*, quam ad incolendum à rege accepit; pars aliò delapsi, & hostiliter *Burgundiam*, *Senones*, *Trecas* urbem incendunt, & *Viridunum* ac *Tullum* usque omnia populantur. Videtis per florentissimi regni membra, & ipsa, vt sic dicam, vitalia, grassari Barbaros? Pergunt etiam, & *Britanniam* atque *Aremoricos* petunt: sed repulsi, *duodecim millia suorum amittunt*. Ita *Lotharingiam* nostram iterùm repetunt, & circa *Mosam* fluuium, obuiis *Arnulphi* Imperatoris copiis, cum torrentem qui dicitur *Gulid* transissent, substiterunt. Ingens ibi pugna, sed Barbaris pro meliore fuit: & cadit inter alios *Sundolchus* (quibusdam *Sundaroldus*) Archiepiscopus *Moguntinus*; cadit & *Arnulphus* Comes, limitis Præfectus; & ex aliis multa millia. A V D. Ne graue sit, quis ille *Gulid* torrens? & iuuat nosse à clade istâ memorabilem, nec longinquum nobis locum. LIPS. Haud liquidò dicam. suspicor esse in *Falckenburgensi* tractu, paullo infra *Traiectum* opidum: vbi Vll riuus cernitur, & quâ Mosâ excipitur, pagus qui *Guel* nomen etiam nunc habet. Est & *Guelpen* in viciniâ riuus, & pagus: vestigia illius nomenclaturæ. Sanè *Regino* paullo pòst, *Gulia locum* etiâ dixit. Sed iam adeste, & tot istis tristibus latiora subnectamus. *Arnulphus* enim Imp. seriò iam excîtus, & de salute non de dignitate solum anxius, pace cum *Sclauis* *Morauis*que factâ, vires utriusque regni (*Germaniæ* & *Galliæ*, cōtrahit, & ipse appropereat, suo ductu rem gesturus. Quod illi cernentes (*Reginonem* recito) super fluuium, qui *Thilia* dicitur, ligno & terræ congerie, more solito se communiunt: &

Anno DC.
CCXCV.

*Vult Di-
liam dice-
re.
*Est Lona-
nium.

cachinnis & exprobrationibus agmina laceffunt, ingemi-
nantes ut memorarentur *Gulia*, turpisq; ibi fuga. Hæc
& in Fuldensibus Annalibus reperio, sed corrupta, his
verbis: *Normanni*, deuastatâ ex maximâ parte regni
Hlotarici regione, prope fluvium* *Clyla*, loco qui dicitur
**Louonnium*, sepibus (more eorū) munitione ceptâ, secu-
ri confederunt. Facile ea ad verum dirigere: nos ad pu-
gnam & victoriam eamus. Imperator enim, propinquo
discrimine, suos excitat: iniurias illorum, atque impia
facta, commemorat. Nam cui sexui, ordini, etati tot
annos, in tot regionibus, pepercisse? non senibus, non
pueris, non sacrati ordinis viris feminisq;: quos viles ad
pradam, ludibrio mactassent. Immanes, inquit, bel-
luas, non homines, nisi à facie, videtis. Nihil auaritie,
nihil libidini, nihil seuitie exceptum: nec imperium aut
gloriam, pradam suam & alienum exitium querunt
tantum. Et hominum dico? tectorum & ædium: tem-
plorum etiam, & contemptu religionis in Diuos ipsos
ferrum ignemq; capiunt, & grassantur. Exardescite. &
dolorem vestrum in ultionem, iram in virtutem confer-
te. Agite Dei hominumq; causam, & pulcherrimum ti-
tulum induite, Orbis terrarum defensores. En robora hic
Germania, & *Gallia*; quidquid virium aut spei est, in
manibus vestris posuimus: has exserite, viros ostendite
victores olim & nuper tot gentium, & noui imperij con-
ditores. Pacem aut pacta cum hac latronum & sacrilego-
rum colluue nemo cogitet: vincendum, aut moriendum
est: & vincetis, si persuasi eritis mori. Iterum dico,
VINCEtis, & in hoc omine signa canant. Dixerat
Imperator apud alacrem iam instinctumque exercitum:
& quia

& quia hostes flumine aut palude claudebantur, nec in equis facile eos aggredi; omnes clamant equos dimit- tendos, hostem in recessu ac latebris suis quærendum in- uadendumque: & faciunt. Nec illi segniùs pro salute arma expediunt, ordines instruunt, subsidiis firmant, tot præliis & victoriis docti, vel feroces. Concurritur, im- pellunt & impelluntur; cædes, gemitus, clamor miscen- tur; & ambigebat etiam Victoria, donec *Deo vires ca- litus administrante, usque ad internecionem ferro hostes caduntur: ita ut ex INNUMERABILI multitudine, vix resi- duus esset, qui ad classem nuncium reportaret.* Hæc Re- gino, quem libenter aduoco, haud longè nimis ab eâ æta- te remotum. Sed & Fuldense Chronicum quædam sup- peditat, scribitque in fugâ plerosque flumine merfos, *ita ut cadaueribus interceptus alueus, siccus appareret.* Cæ- sos etiam *duos eorum reges, Sigefridum & Godesfridum; regia signa xvi. ablata, & in Baioariam, testimonium victoriæ, transmissa.* Addit & illud mirum, à parte Christianorum *vnvm tantum hominem occisum, idq; compertum* affirmat. Quid Helmodus cognomento Presbyter? *Centum millibus paganorum prostratis in bello, vix vnus de Christianis cecidisse repertus est.* Quem Helmodum ante annos circiter cccc. in Germania sci- tote scripsisse: & ex eo obseruate de c. *millibus* (alij xc v. numerant) occisis. Egregia victoria, & quæ furorem Barbaricum non repressit solum, sed exstinxit.

Lib. i.
Chron.
cap. vii.

CAP. V.

Diei eius latitia, & nunc etiam memoria. Initium interioris opidi, & postea portarum è lapide, ac murorum.

AVD. Certè egregia victoria: & ô felix Louanium, in cuius finibus ea parta! LIPS. Imò in oculis eius, & pænè dicam nostris, parta. Videtisne planiciem istam ad sinistram, Diliam versus, quæ montem *Kesselum* (quò nuncimus) interiacet, & *Arschotanam* portam? Prata sunt, & quædam etiam nunc palustria: ego nihil ambigo in eo ipso loco pugnam hanc pugnata. Sanè porta ea ab antiquo dicta, *Duilach-poorte*: siue à palustribus (*Doy-laeghe* nos sic appellamus) siue à mortuis, *Doo-laeghe*: & quòd cæsi ibi sepulti. Victoriæ quidem eius illustis memoria hodieque agitur, sed non omnibus gnara aut obseruata. Nam dies ille festi publici, qui nunc instat, Kalendis Septembribus, quem Supplicatione annuâ, ludis, conuiujs, latitiaque celebramus, originem istam habet: & monumentum est felicissimæ illius pugnæ. Hoc Annales dicti Fuldenses mihi asserunt, & diem hunc celebrem, auctore ipso Arnulpho, probant. *Eodem in loco*, inquiunt (vbi pugnatum) *die . . . Kal. Leitanias rex celebrari precepit: & ipse cum omni exercitu, laudes Deo canendo PROCESSIT, qui talem victoriam suis tribuit.* Habetis *Leitanias* & preces, habetis *Processionem*: quæ pius Princeps pro militari triumpho vsurpauit, & diem eundem posteris sacrauit. Quem diem? in Chronico deficit, & lacuna est: sed facilè supplebitur, *die*
Se-

Septembr. Kalendarum. Nam sic res fuit, & memoria nunc manet. Atque hæc igitur (vt in argumenti mei lineam redeam) prima Louanij mentio est : neque opidum, sed loci. Obseruate Reginonis verba : *in loco, qui dicitur Louen* : & potuit ipsa planities sic dici. Potuerunt & domus paucæ, aut vicus esse : de opido sanè aut castro, nihil etiam lectum. Et vultis sententiam meam promam? Opinor ab hac victoriâ, & à Normannorum istâ sessione, Louanio ortum, aut certè frequentiam datam. Nam manserunt, vt in opportuno loco, per annos circiter vndecim : si pugna ista fuit anno DCCCXCV. vt Sigebertus atque alij numerant; aut octo, si anno DCCCXCII. vt quidam. Quomodocumque; probabile, imò verum est, quòd sese tanto illo tempore munierint, ædes aut tabernacula struxerint, sibi receptaculum & suis prædis. Hoc disertim in Reginonis verbis erat, si attendistis : *Ligno & terra congerie* munitos fuisse : hoc in Fuldensi Chronico, *sepibus munitionem cepisse*. Intelligent vallum fecisse, more inferioris æui; terrâ infrâ, superne sudibus infixis firmatum. Atque ego hoc initium opidi fuisse arbitror : & confluisse ad felicem locum, & victoriâ recenti insignem, plures accolæ aut aduenas, & castra illa in urbem vertisse. A V D. Visne ergo interius istud opidum (nam de exteriori aliud est) Normannica illa castra & munitionem fuisse? L I P S. Hoc volo. quid ergo? inquires. etiâne Portæ, & muri isti sunt ab illis? Hoc nolo. imò de muris constat ex archiuis vrbicis (etsi pauca talia ibi notantur) constat, inquam, è lapide primum structos anno ∞. c. LVI. quod fuit *Godofredo Tertio* Duce nostro imperante. Diu herclè post Normannos:

*VVolff-
poort.

mannos : & eouſque è terrâ aut ligno manſiſſe. Quid Portæ? palàm vetuſtioris operis ſunt, & facilè ſexcentefimum, aut vltra, annum (ſiquid mei iudicij eſt) æquant. Inſpiciſcite. & præſertim illam quæ* *Lupina* dicitur, domui meæ vicinam; illam *Sancto Quintinianam*; illam *Michælinam*: manifeſta veſtigia æui & antiquitatis præ ſe ferunt. quod idem in reliquis etiam (credo octo eſſe:) ſiquis examinat, & à fundamentis curioſè luſtrat. Nam ſuperiùs, nouella manus ſapè interuēnit, & per partes, cùm labi cœperunt, ſunt inſtauratae. A v d. Sanè de *Lupinâ*, veterem addico: & ſunt qui eam quoque trahant in argumentum *Lupi* illius conditoris. L I P S. Gerræ. *Lupi* duo inſculpti, etſi nunc exoleſcentes, comparent, cum viro aliquo, ſiue Deo medio: & ſunt qui Martem fuiſſe opinentur. Tempus exēdit, neque lapis firmiſſimus eſt contra eius cæliq̃ue iniurias: & ideò haud liquiddò diſcernamus. Ceterùm reliquæ, duæ præſertim quas prædixi, nihil antiquitate huic cedunt. Quid tu Rubeni? nam dictur ire aliquid videris. A v d. De lupis illis inſculptis, cauſſam requiro. L I P S. Apollo ego ſum? & vis diuinem? Potuit fortuitum aliquid eſſe: & lupus aut lupi eo loci capti, ſiue interfecti. Potuit inſigne eſſe Martialis gentis: potuit & ab arbitrio ſculptoris ornamentum aut parergon apponi. Quid etiam? Dei illius (ſiue Mars, ſiue Faunus potiùs capripes fuit, vt mihi videtur) comites atque aſſecclas liceat cenſere. Nam in iſtis trepido pede imus:

*Quale per incertam lunam, ſub luce malignâ,
Eſt iter in ſiluis. ubi calum condidit umbrâ
Iupiter, & rebus nox abſtulit atra colorem.*

Vnum

Vnum illud scio, primum opidum sine muris, sine lapideis portis fuisse: & has tamē ante illos structas: quid ita? quia maioris scilicet vsus, & penē necessarij sunt, ad claudendum, ad referendum. AVD. At satis mirum, tam serotinos muros circumiectos. LIPS. Non mirum. maiores nostri non sic curiosi, aut politi: neque Italiam cogita, aut Romanos. Adspice vicinum istud & vetus *Leodicum*: neque id quidem muros habuit, nisi à sexcentis paullò ampliùs annis. Sigebertus: *Anno DCCCCCLXX. Rogerus ordinatur Episcopus Leodicensium. hic muro urbem circumcinxit, & adificiis honestauit.*

CAP. VI.

De arce siue Burgo, non videri per antiquam: nec nisi Comitum domicilium fuisse.

OPIDI igitur hæc origo: quæ *Burgi*, vt vocamus, siue Arcis? Nam ea extra vetus hoc Louanium est, in colle qui flumini imminet, ad Septentrionem obuersa. *Julium Cæsarem* auctorem inscribunt, scio, & indignentur abnuenti: tamen ego, vt *Æneas*, has umbras sermonum gladio diuerberem, & leui ictu fugem. Cæsarem hîc fuisse, non equidem eo negatum: quis dicit castra aut præsidium habuisse? quis arcem condidisse? Ipsa structura scilicet! quæ adeò Iuliani aut Romani operis non est, vt vix Barbarici vllius vetusti. Sunt in parte occiduâ muri, fateor, lapides aliqui exesi, attriti: sed ne imponent, & antiquitatem persuadeant, ex illo fragili genere, arenoso, cinericio aut subruffo, & quod in puluerem ex facili soluatur. Non sunt, inquam, ferendo æuo. Enim-

C

uerò

uerò si quis in Italiâ aut prouinciis antiqua opera vidit; primo adspectu istud despuet: rude, vile, informe, & vt iterum dicam, Barbaricæ ac nouitiæ structuræ. Videtur tamen meminisse eius ante annos ferè quingentos Sigebertus: *Anno, inquit, ∞. C. XII. Henricus Imp. Godefridum Ducem cum exercitu in fines Bratuspantium mittit, ad obsidendum castrum Louanium: sed inefficax redijt.* Hoc sciinus fuisse tempore *Lamberti* nostri, primi Comitis: sed cur de Arce magis, quàm opido accipiunt? Ego de isto. & scio sæpè *Castra* ab illius æui scriptoribus nominari ipsa opida (quia Castrorum militarium ritu, vallo & fossis clausa:) arces autem, *Castella*. Ita *Castrum Antuerpiam, Gandam, Valentianas*, atque alia lego. Arcem igitur istam, si quis meum sensum quærit, censeo à Comitibus nostris ante quadringentos aut circiter annos structam, sibi domicilium: vt solent illâ tempestate libenter in edito ædificare, & habitare. Argumentum, quòd *Henricum Primum* Comitem Annales tradunt, *in Arce interfectum*. Ergo in eâ agebat: atque etiam absens *Burggrauium* (sic vocabant: id est, *Arciscomitem*, siue Præfectum) habebat, qui vice suâ incoletet & curaret. Lego instauratum hoc ædificium, publico Senatus huius decreto & sumptu, anno ∞. C C C. LXXV: atque ea est, quam nunc videtis. O antiquitatem! rideamus. Quid autem antea fuerit, liquidò nescio: maius aut elegantius suspicari vix possum, etsi in æstimatione locus habitus, quia vetusta scilicet Comitum sedes. Itaque & liberos suos ferè hîc locabant, & alebant: etsi alibi iam, aucto imperio, domicilium suum haberent. Quod ad inferiora tempora obseruatum, *Carolus* noster

Quintus

Quintus dicet: qui cum sororibus suis puer hîc est educatus. Lego & exteros Principes, si qui aduenirent, meditationem accepisse, & velut per honorem in veteri Aulâ collocatos. Sic *Eduardus* ille, rex Angliæ, qui *Philippo* Galliæ bellum fecit, cùm in Belgicam venisset, societatem & auxilia rogaturus; cum vxore totam hiemem in Arce egit. Et verò prospectus circùm pulcherri-
 mus est, aer etiam purus & salutaris. Puteus in eâ miræ profunditatis: egregium opus, & quod vnum ibi notes.

Anno ∞.
 CCC.XXX.
 VIII.

CAP. VII.

Opidi exterioris initium, mœnium operositas & magnitudo.

QVID iam? de Exteriore etiam opido requiritis? neque illud antiquum esse, sed æuo pòst, alteri circumiectum, oculi statim affirmant. Scilicet vetus illud Louanium florere cœpit opibus virisque, & auctâ deinde per lanificium maximè multitudine, opus fuit pomœrium producere, & vastum hunc ambitum includere, quem videtis. Quando id factum? Archiua produnt, cœptos muros eos strui anno ∞. CCC. LVII. & biennio statim perfectos. Id fuit *VVenceslao* & *Joannâ* Principibus, quorum imperio & floruisse & defloruisse hanc urbem, verè dicam. Quid tibi est Santene? quid corrugas, & aspernaris? A V D. Non equidem reiicio temerè, sed diffido & subsisto. Tantùmne opus *biennio*? nam ego oculis pedibusque peragraui, & cogitatione mensus sum: magnum, diffusum, elegans, validum, multiplex: nec mihi videatur vel decennio vnum opidum confecisse.

cisse. Opidum? prouincia si concurrat & conferat, multum sit vel sic absolutum in eo spatio esse. LIPS. Atqui fuit, ne ambige, nec publicis scriptis fidem detrahe, quæ clarè adfirmant. Et quid potuit illo æuo testatius esse? At tu nostram inertiam aut impotentiam consideras fortasse: qui validi sumus tantum in vitia & luxum. Maiores nostri priuatim haud diuites, publicè erant: & in patriæ vsum aut ornamentum liberaliter sua impendebant. Sed caput rei, se quoque impendebant. id est, ipsi ciues atque incolæ, credo & accolæ, manus accommodabant: & gratuito labore magna pars hæc operum surrexit. Ipsi qui mercedem capiebant, exiguam, vt tunc res erat, & annonæ laxitas. atque ita hîc & alibi templorum moles, ædificia publica struxerunt, quæ miremur magis, quàm imitemur. Sed totum igitur hoc opus biennio. quale? videte mihi fossas istas primùm latas, profundas; atq; eas sæpè per viuum filicem, aut scruposam terram percussas. Videte muros lateritio pulchro opere, & sectis deinde lapidibus albis, latis magnisque, interstinctos aut intectos. eosdem validis fundamentis ab imâ fossâ eductos: sic vt operis tertia pars vix veniat in adspectum. Videte turres densas & altas, quæ distinguunt: atque infra eas fornices & cryptas, robusto opere, ad condita, aut vsus militares. Videte & portas, & pontes alibi, magnifica omnia, & è candenti secto lapide: denique opus ipsum totâ facie æquabile & vniforme, quod nec Inuidia carpat. Iam ambitus, quantus est? non de opinione, sed mensione dicam: quæ instituta anno ∞. CCCC. XXVII. procerum certamine fuit. Erant hîc Aulici complures cum ipso Duce, per occasionem institutæ nuper
Aca-

Academiae : & fortè sermo de vrbis huius magnitudine, & ecquid aliae finitimae æquarent, aut superarent? Sermo primum, mox sponsio : atque ea inter quattuor Dynastias, *Schonuorstium, Vesemalium, Diesthemiensem, Bergizomiensem*. Incaluerant, & miserunt gnaros talium, & metiri iusserunt : compertumque est, *Louanium superare Gandauum tribus virgis, Leodicum octo, Lutetiam decem, Coloniam octodecim*. Hæc fideliter ex Archiuis : videtis, quid inter finitima opida intersit, quæ magnitudine se iactant : videtis etiam, palmam Louanio esse datam. A V D. Videmus, & fauemus : sed *Virgas* hîc quid appellas? L I P S. Perticas, quæ alibi *sedecim pedum & semis* sunt; hîc ferè *octodecim*, aut & *viginti*. Neque tamen adhuc iustam magnitudinem Louanij habetis : sed ea vel ex ambulatione prompta est, & interiore mœnium ambitu (plus in exteriori) *sesquimilliare* nostrum circiter continere sæpè sumus experti. A V D. Et ego tecum. sed Roma illa quanto maior? L I P S. Et aliae vrbium veteres : sed has omitte, nostra pro æuo mirare.

CAP. VIII.

Nomen Louanij paullo vetustius, itemq, Comitum, qui huic loco fuerunt. Aliquid de Lotharingia præmissum.

ET opidum habetis. cui, vt nunc est, etsi principium à Normannis dedi; tamen antea aliquid hîc fuisse non abnuam, conuentum, siue pagum, siue editionem ipsam hoc nomine insignem. Nam *Comites Louanenses* iam antiquitus reperiò : vt in Flandriæ Annalibus, vi-

uente Pipino, Burchardum Liderici primi Forestarii filium, Comitem Louaniensem fuisse: ei^q successisse filium Estoredum, quem Vandali & Hunni Louanio pepulerunt. Hæc uenisse aiunt annis DC. XLVII. & DCCXXXVII. sed me non nihil ambigente, nec vndique huic narratiuncula assentiente. Qui enim, vel vnde, in hoc tractu sub id tempus Vandali, siue Hunni? non inuenio. Itaque magis fortasse certa memoria in vitâ *Diui Huberti*, cui uxorem *Floruinam* tribuunt, & socerum *Floribertum*, Comitem Louaniensem. quod fuerit circa annum DC. LXX. diu ante tempora Normannorum. A v d. Ergo ne *Comites* suos Louanium etiam habuit, titulum dignitatis? LIPS. Quod postea habuerit, liquidum: & iam tunc etiam, si vera dictis fides. Sed nostri Annales tam altè non repetunt, incuriâ an inscitiâ, non dicam. Primum faciunt *Lambertum*, circa annum DCCCC. LXX. & ex eo seriem deinde continuam & stirpem texunt. A v d. Solent initia talium obscura sæpè esse: sed placetne inquirere, & facem nobis allucere? LIPS. Si habeam vnde accendam, velim: sed tenebræ meræ sunt circa id eui, & intrantibus labyrinthi. Qui etiam scriptores, ad dirigendum aut firmandum? pauci, & sparsim aliquid aut obiter tangunt. Sed colligam, disponam, nectam: & ordine & fide, ut possum, dicâ. Ab alto res petenda est. *Carolus Magnus*, qui rebus & virtutibus hoc cognomen meruit, imperium nouum in Occidente instituit: quo Italiam, Galliam, Germaniam est complexus. Tenuit vel auxit, quamdiu vixit: non sic posteri, & primum *Ludovicus Pius* filius (præter hoc cognomen haud multa in eo pulchra) remissior fuit, & ab hostibus, ciuibus, liberis,

ris, clades aut ignominias accepit. Vt cumque tamen, imperium iunctum habuit: voluitque filius eius *Lotharius* natu maximus; sed alij duo, *Ludovicus & Carolus*, restiterunt, & ad diuisionem verbis, mox armis, vocarunt. Pugnata acris pugna in pago *Alcedronensi* (alij, *Antissiodorensi*) ad villam *Fontanatam*: ita inquam acris, vt nulla *etas* meminerit (verba veterum Annalium) *tantam stragem in gente Francorum esse factam*. Pleraque nobilitas, & vetus miles, periit: ipsum Imperium in diuisionem venit, quia fratres duo videbantur vicisse. Diuisio, vt *Italia, Prouincia, Burgundia citerior*, Lotharij esset; tum magna illa *Belgica*, ab ipsâ *Burgundiâ* ordiendo, & quidquid terrarum intra *Mosam & Rhenum* supernè, infernè inter illum & *Scaldim* esset. Vastum spatium: & quia hæc pars à reliquâ *Galliâ* iam diuidebatur, quæ regem suum seorsim habebat cum *Franciæ* titulo; placuit nouum huic nomen imponere, & à *Lothario, Lothariam*, vel nostro verbo *Lotharijckiam* (quasi *regnum Lotharij* dicas) appellare. Posteriores aut exteri deprauarunt, & molliùs *Lotharingiam* dixerunt. Hæc pars, quia plurimum *Galliæ Belgicæ* tenuit (non enim omnia, & vltra *Scaldim* ad *Sequanam* vsque desunt omnia, itemque suprà ad *Matronam*) sed quia plurimum; confundunt scriptores. vt *Otho Frisingensis: Lothario obuénit Gallia Belgica, quæ ex eius nomine Lotharingia est dicta*. Non verè aut exactè, vt dixi.

CAP.

CAP. IX.

Reges & mox Duces Lotharingia, itemq; Archiduces: Comites nostri in hac parte, & stirpe.

Anno DC.
8C. LV.

HÆC ita diuifa : sed & iterum mox diuifa , & vires magis magisque , præsertim in Lotharij parte fractæ. Nam ille iam senior , tædio rerum aut pietate , Deo se consecrat , & spreto imperio in Pruniense monasterium concedit. Partitus tamen illud inter liberos prius , his finibus. vt *Ludonicus* Italiam haberet ; *Lotharius* cognominis , hanc nostram ; *Carolus* , Prouinciam Burgundiamque. Ita , quæ pulcherrimè antea hærebant , diuulsa. nam consideratione dignum , in primi Lotharij parte , liuisse ab Oceano ad mare Mediterraneum venire , itemque ab vltimâ Italiâ ad Belgarum extremos , non alio Dynastâ , qui interpellaret. At nunc abiuncta : iterumque magis , mortuo Lothario iuniore , qui cum legitimis liberos non haberet , *Ludonicus* & *Carolus* , vterque Lotharingiam ad se trahere , & armis super eâ certare. Mox pace factâ , partiuerunt : quomodo , nescio , & valdè ex vsu fuisset prodi. Sed credo equidem inferiora hæc nostra ad Franciam transisse ; superiora Germaniæ adnexa , magis illi opportuna. Atque ita fortasse iam tunc *Superior* & *Inferior* Lotharingia factæ : etsi postea sub vnum etiam dominum redactæ. Enimuerò confusio hîc rerum , & scriptorum : & addo , nimbi ac tempestas temporum. cum Normanni (vt prædixi) has partes passim inuaderent , & Galliæ reges , per ignauiam aut imbelliam , tuendis suis non essent. Itaque factum , vt Germani
totam

totam eam sui iuris facerent : quod coepit *Arnulphus* Imp. ille victor Normannorum : nec iniuriâ, nam ipse è faucibus eorum eripuerat, & iure quodam manuum habebat. Tenuit & *Henricus* Imperator. sed ita vt *Duces* ei non Reges darent, & in *Comitatibus* etiam diuisam, beneficij sui facerent hanc ditionem. Ita mox *Otho* Imperator, *Henrici* filius, *Brunonem* fratrem suum, Archiepiscopum Coloniensem, donasse Ducatu Lotharingie legitur : quem tamen ille titulum mutauit, & *Archiducem* nouo nomine se scripsit. Obseruate iuuenes. non antè ea vox aut dignitas : nec in Lotharingiâ quidem post illum hæsit. A V D. Sed quâ causâ aut exemplo excogitauit? LIPS. Opinor solo *Archi-episcopi* nomine motum : & visum ei decorum, illud *Archi* etiam in *Ducem* transferre. Exemplum quidem (quod sciam) antè non fuit : & illi *Austriæ*, diu pòst vsurparunt, mirum ni isto præeunte. Et si fortassè alia etiam causâ, aut ius : nam & insignia Lotharingiæ iidem Austriaci gerunt. Sed ad rem nostram, hoc *Brunonis* tempore, duo fratres fuere, *Reginerius Longicollus* cognomine, & *Lambertus* : ille *Montensium* (id est, *Hainauia*) iste *Louaniensium* Comes. Hi duo è regum Franciæ prosapiâ, ius sibi in Lotharingiam esse dicebant, & armis vindicabant. *Bruno* dolo grassandum ratus, ne longo aut difficili bello implicaretur, specie pacis vtrumque *Valentianas* euocat, & *Reginerium* in vincla coniicit : *Lamberto* quid factum, non produnt. *Reginerius* igitur ibi fato aut fraude obiit : sed duos filios reliquit, *Reginerium*, & *Lambertum* : qui concorditer inter se partiti, ille *Montensium*, hic *Louaniensium* Comitatum vt haberent. Frustrâ. *Bruno* turbauit,

Anno DC-
CC. XCVI.
& seqq.

Anno DC-
CCC. LVI.

Anno DC-
CCC. LIX.

D

bâuit,

bauit, & *Reginerium* vi pepulit: nec alter ausus exspectare, vterque patriam Franciâ, & dynastiam exsilio mutarunt. Inde iræ, minæ, & apparatus: & Franci fauebant: sed hæc tantùm. Interea *Otho* Imp. obiit, itemq; *Bruno*: & in successore *Othone Secundo* non eadem vis vel auctoritas erat. Itaque liberè tunc duo fratres prorupere, & suis ac Francorum copiis, *Carnerium* & *Reinoldum*, paterni patrimonij occupatores, acie vincunt. Id factum anno DCCCC. LXXII. Vincunt, inquam, acie: nec tamen loca omnia occupant: & ad obsidia conuersi, castellum *Buxidis* (*Bossutium* hodiernum esse censent: quò ducit magis vetus scriptio, *Buxûdis*.) hoc, dico castellum muniunt, & refugium sibi, ac prædis receptaculum, habent. Quas cum effusè agerent, aliiq; Imperatorem, vt læsum, in partes vocarent: venit *Otho*, & castellum obsidet, expugnat, euertit. Fratres tamen elapsi. Imperator Montensem Comitatum in duos diuidit, *Godefridum* & *Arnulphum*, illum *Arduenna*, hunc *Flandria* Comitem, opibus potentes, coque dilectos qui controuersam ditionem tuerentur. Neque nostros tamen animus, etsi melior fortuna, deserit: colligunt iterùm copias, & montem *Castrilocum* obsident. dicti duo Comites suppetias veniunt, pugna committitur, ambigua victoriâ: nisi quòd obsidio tamen soluta, & nostri in Franciam relapsi. Illic nouum regni fatum, res eorum & fata correxit. Erat *Hugo Capetus*, Parisiorum tunc Comes: sed potens opibus, & gratiâ, & addo astu & ingenio: quæ regnum ei mox pepererunt. Huius filiam *Hauidam* *Reginerius* vxorem capit; noster *Lambertus Gerbergam*, *Caroli* filiam, qui frater *Lotharij* regis tunc Franco-

Anno
DCCCC.
LXXIII.

Anno D-
CCCC.
LXXVI.

Francorum erat. Ita fulti opibus, & aduersariis iam ter-
ritis, faciente etiam palàm & fauente Rege, vterque Co-
mitatum suum recipit: & receptum, firmiter ipsi & po-
steri tenuerunt.

NOTA.

Hic & alibi *Hainauiam* appellauimus, quæ vulgò *Hammonia* est, &
incolæ *Hammones*: sed vulgò, neque voces eas, aut analogiam, aut
paullò vetustiore auctoritatem habere, opinor. Appello ad
scidas. Vera sanè vox, *Hainau*: quasi dicas, *Haine regionem*,
qui fluuius eam interluit. Illa, inquam, vocula nobis hoc notat:
atque ita *Bat-au*, *Mor-au*, *Rijn-au*, & plura formauimus: *Bati-*
regionem (vel *commodi bonique*. nam & id prior vox notat) *Palu-*
strem regionem, *Rheni regionem*. Ab his exemplis *Hainauia* Latinè:
etsi reperio etiam *Hainegoiam*, vel *Henegoiam*: nimirum à litteræ
G. inlitione, quæ interponi inter duas vocales *επεσπας* solet. Ita
cùm *Haine-au* vellemus, *Hainegau* fecimus, & crassiusculè, *gou*, vel
goi; vt *Auster*, *Oister*, & quæ talia facilè notes. Sic & *Rjngauiam*,
pro *Rijnauia* leges.

CAP. X.

*Comites hic perpetui: & de Carolo Duce dictum, à
quo nostra magnitudo.*

ET iam certus primusq; (vt apparet) perpetuus Comes
Louaniensium, *Lambertus* iste est: & Annales ab eo
numerant, neque vltra tendunt. Nam quæ dixi de *Flori-*
berta, aut talibus; alia ratio est, & more prisco, post *Con-*
stantinum, Comites, id est Iudices prouinciis siue opidis
dabantur, quos Germanica lingua *Grauiones* appellat.
Quidam à canicie vocem petunt, quia Seniores in hoc
munere; alij à fossis, quia ad limites; ego malim Græ-

ciffante voce, quasi *Graphiones* dictos, & quia rara tunc inter barbaros, peritia scribendi, & Iudicibus vsurpata. Vt cumque ea res sit, *Comites* mox facti perpetui, & in Principatum ac Dynastiam vox iuit. Sed de *Lamberto* priusquam alia exsequar, de *Carolo* eius socero præmittam: quia illinc, & ab hoc capite, magnitudo præcipua Belgicæ est, quam miramur. *Carolus* igitur, è stirpe *Caroli* illius *Magni*, filius *Ludouici Quarti* Francorum regis fuit, frater autem *Lotharij*, qui tunc maior natu regnabat. Hic *Lotharius* bellum cum *Othone* Imp. habuit: sed pace factâ, frater eius *Carolus* Ducatum Lotharingiæ, velut pignus illius, aut donum, accepit. Neque tamen totum accepit: multum Imperator deminuit, & aut Imperio, aut aliis adsignauit. Imperio, *Aquasgrani*, *Nouesium*, *Antuerpiam* nostram cum *Marchiâ Rienti*, Comitatum (vt ego opinor) *Brabantia*: alijs, *Leodicensi* & *Coloniensi* Episcopis multum adiacentium terrarum, aut opidorum, quæ etiam nunc latâ satis iurisdictione tenent. Scilicet de alieno, facile & in proclui erat, largum esse: & circumcidere etiam Lotharingiæ vires, inter consilia habebatur. Tamen *Carolus* cetera tenuit, & quindecim ferè annos possedit. Intereâ *Lotharius* rex nullis liberis, aut non diuturnis, obiit: & iste regnum iure & more vindicabat. Sed vis aut fraus plus potuit: & *Hugo Capetus*, de quo dixi, cum iamdiu ambitioni suæ viam præstruxisset, non solum regnum obtinuit, sed istum in vincula dedit, obiitque in iis *Aureliani* sexto circiter post anno. O res humanas, & infida sceptrorum! Spectarunt alij, alij adiuuerunt: & quamquam huic propria soboles esset *Otho*, qui

qui Ducem Lotharingiæ agebat; tamen adspirandi ad regnum, aut conandi, vel animus vel vires defuerunt, obiitque in suo Ducatu, cum annos XIII. circiter tenuisset. Hic est, quem *Epternaci* in Leucorum ditione sepultum ^{Anno 88. v.} credunt: vbi hodieque tumulus, in Benedictinorum cœnobio, cum inscriptione:

Otho Comes, tibi sit requies per secula perpes.

Defuncto, Lotharingiæ Ducatus datus ab Imperatore *Henrico* Comiti Arduennati *Godfrido*: etsi *Carolus* ^{Anno 88. v.} *Gerbergam*, vt dixi, collocasset *Lamberto* Comiti ^{v.} nostro, anno 88. 11. vt ab *Edmundo Dintero* annotatum reperio: quæ iure sanguinis eum vindicabat. Sed in alia hoc non valuit: dumtaxat *Comitatus Brachbantis*, & *Bruxellensis*, cum iis quæ adhærebant, apud *Carolinam* hanc stirpem manserunt, & Comitatum *Lotianensem* insigni accessione auxerunt. Idem alij tradunt de *Ninigellensi*: quem *Ninellensem* hodiernus sermo dicit. Sanè de *Bruxellensi*, certum est. vbi crebrò egit *Carolus*, & iam tunc iste locus Genium habuit, vt sic dicam, ad Principes alliciendos, & suavi ac splendido domicilio retinendos. Scribit *Dinterus*, *Carolum hic principale dominium tenuisse, inter duo brachia Zennæ fluminis, prope Ecclesiam S. Gaugerici*. Locus etiam nunc notus, & vetus ibi (notent curiosi) in parua insulâ *Aula* fuit. Idem *Diuiam* opidi tutelarem *Gudilam*, à *Morzel-lâ* in urbem transtulit, & in æde *S. Gaugerici* collocavit, donatam ipsam & sacrorum ministros, fundis & vectigalibus, quæ etiamnum tenent. At non locum; & mox translata in superam partem fuit, vbi templum nunc superbum visitur, eius nomini sacratum.

CAP. XI.

*Lambertus Comes, aliq̃ ex ordine, ad Godefridum
primum Ducem.*

Anno ∞.
XII.

LAMBERTVS igitur iam Comes, & viribus finibus-
que auctior: sed & plura appetebat. Nam spes de
Lotharingâ non deserebat, & omnia occupandæ moue-
bat & turbabat: ideoq̃; *Godefridus* nouellus Dux, suis &
Imperij viribus, in fines nostros venit, summam, vt pu-
tabat, manum bello impositurus. Itaque Louanium ip-
sum obsedit, & Lambertum inibi clausit. Qui sunt au-
xilium? Deus, & ciues. atque isti mirâ virtute & constan-
tiâ, post varios conatus aut adfultus, hostem irritum ir-
risumque dimiserunt. Ita finis belli, non spei. quam ta-
men interpellauit Leodicensis Episcopus *Baldericus*,
qui statim anno sequente bellum intulit, & iuxta *Hun-*
gardas castra est metatus. Noster aduenit, manum con-
feruit, & cum eade aliquâ (trecenti obiisse dicuntur) An-
tistitem fugauit. Ille, quod bello non potuit, à religione
voluit impetratum: & sacrorum communione arcuit,
donec Comes *Horrentium* villam, velut luendæ culpæ,
ipsi posterisque adsignauit. Iterumque cum *Godefrido*
occupatore Lotharingæ bellum. qui Hainouiam inua-
serat, quam *Reginerius*, ex fratre nepos huius nostri, te-
nebat: ideoque statim suppetias venit, & infelix præ-
lium iniit, in quo vitam amisit. Id pugnatum circa *Flo-*
rennas: scribitque Sigebertus, *Phylacterium* à collo pen-
dulum habuisse Lambertum, in quo *Diuorum* reliquia:
atque id in medio ardore prælij excussum vel amissum
diui-

Anno ∞.
XIII.

diuinitus, & vitam ei mox ereptam. Obijt pridie Idus Septembres, vir à puero variè exercitus, & animi magnus, medius fortunæ. Sepultus est *Niuigellis*, vbi & vxor eius *Gerberga*. Filium reliquit

HENRICVM. quem didici cum matre *Gerbergâ* res aliquamdiu administrasse: sed in pace. Memorabile quidem nihil inuenio, præter in vsus sacrorum donationes quasdam, vt pietas illa maiorum fuit. Præfuit ita *viginti quattuor* circiter annos, noster, vt sic dicam, *Numa*. Mors tamen tragica: & à captiuo quodam suo, viro nobili, *Hermanno* domi insidiosè interfectus est, siue vt alij exprimunt, in Arce. Factum anno ∞. XXXV III.

OTHO successit, *Henrici* filius, brevis æui puer: neque annum ipsum in Principatu exegit.

Ergo patrius eius LAMBERTVS, *Baldericus* cognomento, cum excepit, filius illius *Primi*. Aliqui confundunt, malè. Hic est qui *Decimas agri Louaniensis, Collegio Canonorum Diui Petri adsignauit*, octauo imperij sui anno. Idem Diuæ *Gudilæ* corpus, quod *Bruxellæ* asseruatur, è *Gaugerici* æde sublatum, in *S^{ti} Michaelis* (ita tunc dicebatur) reposuit: & ipsum illud templum auxit, vel ornauit, Canonicos instituit, & ampliter satis donauit. Factum anno ∞. XLVII. vt monimenta in eo ipso templo nunc docent: adiuvante & fauente in talibus optima coniuge *Odâ*, quæ filia fuit *Gozelonis Lotharingiæ Ducis*. Sed neque Martis expers hic Princeps fuit. Nam cùm *Flandria* bello arderet, quod *Henricus Tertius* Imp. inferebat *Baldvino* Comiti, noster
arma

arma cum vicino iunxit : sed arma parùm fausta. Flander variè petitur, vincitur, terrâ & mari : cùm Hollandi & Zelandi in partes Cæsarianas ducti aut tracti essent. Itaque *Clausulis captis* (ait Sigebertus : & puto *Slusas* hodiernas esse) multam cædem Imperator fecit : ipsum *Lambertum*, cùm Tornacum obsessum pergeret, obuium sibi; aut in ipsâ obsidione (vt alij) interfecit. Obiit autem (memoriæ Louanienfes notant.) XIII. Kal. Iulij, anno ∞. LIIII. Iacet Niuigellis. Et cur ibi primi ferè nostri Comites? qui obseruo *Defensores* & *Aduocatos* eius cœnobij fuisse.

Successit HENRICVS *Secundus*, eius filius : cui vxor *Adela*, filia Landtgrauij Thuringiæ. Neque aliud de eo lego, quàm cum Hollandis variè pugnasse: & obiisse anno ∞. LXVIII. Hunc *Ducem Carinhiæ* (addunt aliqui, & *Austriæ*) ab Henrico *Quarto* factum, sunt qui tradunt: & inter eos *VVolfgangus Lazius*, vir multæ industriæ, & lectionis : iudicium & fidem est vbi requiras. Sed tradunt: & hinc euenisse, vt insignia vtriusque Principatus (Louanienfis, & Austriaci) eadem sint & concordent. Dubito, & Annales nostri nihil produnt.

Huic HENRICVS *Tertius* sufficitur, filius natu maximus : cui vxor *Gertrudis*, filia *Roberti* Comitis Flandriæ. Annos *viginti octo* rexit, pacatè, id est beatè : nec belli aut tumultus sub eo sermo. Mortem in ludicro hastarum certamine quæsiuit, à *Gosvino* viro nobili : quem dum temerè prouocat, & inuitum secum concurrere adigit, vno ictu confossus, obiit. Is fuit annus ∞. XCVI. Et huius monumenta pietatis exstant, donationes cœnobij
bijs

biis factæ, inprimis *Affliginiensi*. Sepultus est Niuigellis: liberos non reliquit. Itaque

Venit in locum frater GODEFRIDVS, duplici cognomine, *Barbatus*, & *Magnus*. Illud habuit à voce, quâ se obligauit *barbam non ponere, donec Lotharingia, Ducatus diu debiti, compos esset*. Alterum ab isto ipso manauit, quod eâ adiectione verè iam magnus esset; tum & animo ac virtute merebatur. Auctores habeo, qui tradant, quo tempore frater Henricus obiit, in Syriâ, nobili illâ *Godefridi* expeditione, captiuum fuisse: eoq; communi patriæ decreto, matrem *Adelam* rebus præfectam, donec de filio certiora adferrentur. Ad quem liberandum reducendumque *Oliuerius Leefdalus* vir nobilis, Bruxellâ missus, feliciter rem confecit, & optantibus suis Principem restituit. Statim redux *Sophiam*, filiam *Henrici Quarti* Imp. vxorem cepit: atque ea ad Ducatum Lotharingiæ gradum struxit. Nam cum *Henricus Quintus* patri bellum faceret, & à partibus huius *Henricus* Limburgensis, Dux tunc Lotharingiæ, staret; patre mortuo, cepit eum, & Ducatu spoliauit, transtulitque in hunc affinem suum *Godefridum*. Id factum anno .c. vi. Ab hoc tempore potens iam iste, & contra *Henricum* (custodiâ elapsus) fortiter sua defendit: itémque cum *Bertoutijs*, qui Mechliniæ, Grimbergæ, aliisque locis latè imperabant, acre bellum, etsi parùm felix, habuit. Cum Leodicensibus autem, vario euentu. Nec in bellis *Cæsarem* facimus: in virtutibus, pietate, iustitiâ, benignitate, Annales nostri palmam super omnes donant. Cœnobîa & religiosos cœtus instituit, vel auxit. Auxit

E

Affli-

Affliginium, S. Trudonem, Bigardense monasterium supra Bruxellam, in ipsâ Bruxellâ *Præposituram Capellæ*, alia: instituit *Parcense* hoc nobile, item *Fliederbecense*, vtrumque nobis in propinquo. Obiit anno ∞ . C. XL. cùm annos XLIII. imperasset. Sepultus est Affliginij. Ab illo series Ducum Lotharingiæ & Brabantia, mox & Burgundiæ atque Austria, qui in præsentem hanc magnitudinem creuerunt. quos nunc sepono: neque ad rem Louaniensem propriè spectant. Septem dedi Comites: atque ecce breuiter, & in vno aspectu, stirpem &

STEM-

S T E M M A.

MANASSES, Comes Hainauia.		LVDOVICVS IIII. rex Franciae.	
REGINERIVS ibidem Comes.	LAMBERTVS Lo- uania Comes, si- ne liberis.	LOTHARIVS item rex.	CAROLVS, Dux Lo- tharingiae: vxor filia Comitis Trecentis.
REGINE- RIVS, ibidem Comes.	LAMBER- TVS, loco patruī, ibidem.	GERBER- GA V- xor Lam- berti.	OTHODux Lotharin- gie, sine li- beris.
ERMINGAR- DIS, nupta Al- berto, Comiti Namurensi.			
MACHTHILDIS, nupta Comiti Eu- stathio Bononiensi, & Bullionensi. qui filium Eustathium habuit, & ex eo nepotes reges Hierosolymorum.		HENRICVS, nescitur v- xor. obiit a- tatis.	LAMBERTVS Baldericus, vxor Oda.
HENRICVS Secundus, vxor Adela.			
HENRICVS Tertius, vxor Gertrudis. A- tatis.	GODEFRIDVS Bar- batus, idem Ma- gnus. Vxor Sophia. primus Dux Loth.	REGINERIVS, qui in Hasba- nia cecidit. A- tatis.	
HENRICVS, vno patre Monachus Affliginij.	GODEFRIDVS Secundus, suc- cessor.	ADELA nu- pta regi An- glie. Addunt aliqui & Machthildim.	IDA nupta Comiti Cli- uensi.

Genus ex his videre est, & sanguinem vtrunque *Regium*:
illum è vetustis *Merouëis*, hunc *Carolinis*. Ad finitates deinde,
& sanguis mixtus cum omnibus, ferè dicam, *Europæ Impera-*
toribus, Regibus, Dynastis.

CAP. XII.

*De Marchionatu Riensi, quis ille, & quando
accesserit.*

ORDINE isti Comites: & augmenta paullatim habetis, denique Lotharingiam, tot annis debitam, expectatam, tandem impetratam. Quid etiam? *Brabantiam*, & *Marchiam Rensem* addere debemus: sed utram prius: difficile est dicere, & vno ferè tempore inuenio (de Comitibus nostris loquor) titulos vsurpatos. In manuscripto Chronico legi:

Henricus genuit Henricum Louaniensem,

Quilibet istorum Romani Marchio regni.

Hæc spectant ad *Henricum Secundum*, & *Henricum Tertium*, Comites (Catalogum in mente habete:) qui præcesserunt *Godefridum Magnum*, Lotharingiæ primum Ducem. Itaque titulus ille anterior isto Lotharingiæ: sicut & Brabantia, quem *Henricus Tertius* in Diplomate sumit, anni ∞. LXXXVI. Donatione Affligiensi: *Henricus*, diuinâ propitiante Clementiâ, *Brabatenfis patriæ Comes & Aduocatus*. Postea de isto, nunc de *Marchiâ*. *Marchiam* vocamus, limitem Lotharingiæ ad Scaldim fluuium: quem *Pagum Rensem* olim dixerunt: qui continebat *Antuerpiam* hanc nobilem, *Liram*, *Bredam*, *Herendatum*, *Bergam*, & *Campaniæ* multos pagos. Laziùs *Marchiam limitis Anglicani* appellatam vult: & *Vtilonem* Marchionē agnoscit, iam olim anno 10. XI. Adduntur alij: & denique ipsi Duces Lotharingiæ ab Imperatore impetrarunt, inter quos
Carolus

Carolus Lamberti socer, & *Otho* filius, de quibus prædixi. Neque tamen *Lambertus* ipse Comes obtinuit, ut apparet: legiturque *Godefridus Gibber*, Dux Lotharingæ, Antuerpiæ interfectus, tamquam ibi Dynasta & Marchio; itemque *Godefridus* filius Eustathij, *Marchio Antuerpiæ* scribitur, & militem ibi collegisse, cum ad sacram & inclytam illam expeditionem iret. Ideò dubitatio subit de *Henrico Tertio* (etsi Epigrammatium suprà dixit:) cum *Godefridus* ille *Gibber*, anno ∞. LXXVI. interfectus scribatur: qui tamen Lamberto Schafnaburgensi *Gozilo* dicitur, re & tempore iisdem. *Gozilo*, inquit, Dux Lotharingorum cum esset in confinio Lotharingæ & Flandriæ, in ciuitate quæ dicitur Antuerpha, occisus est. At alij *Godefridum* hunc fratrem faciunt *Gozelonis*, quibus magis accedo. Sed quomodocumque, non potuit *Henricus Tertius* Marchio esse, aut non diu esse: præsertim cum *Godefridus* ille alter eodem titulo ornetur, sub annum ∞. xcvi. Nisi existimat aliquis (nec de nihilo) Lamberti posteros usurpare voluisse, tamquam deberetur; etsi in possessione alij essent. At illud iam constat, *Godefridum Magnum*, vnà cum Lotharingæ & hunc sumpsisse, atque adeò rem tenuisse. Diplomata eius: *Godefridus Dei miseratione*, Dux & Marchio Lotharingæ, Comes Louanij: anno ∞. c. xxxviii. In alio, Cœnobij Parcensis donatione: *Ego Godefridus Dux, qui & Marchio*: & posterì deinceps usurparunt. Magna accessio fuit: notandumque à Brabantia & Lotharingâ (etsi nunc in illâ censetur) Marchiam diuulsam fuisse. De Lotharingâ, disertè Schafnaburgensis: in confinio Lotharingæ & Flandriæ fuisse.

Non quin olim in Lotharingâ non fuerit: sed nimirum Imperatores Germanici auellerunt, & sibi aut suis, quibus gratificari vellent, eam seruarunt. Mos etiam vetus habebat, ad limites imperij aut flumina, *Marchias* istas habere, & in iis præsidia contra hostes.

CAP. XIIII.

Idem in Brabantia quaesitum: qualis, & ubi ea?

SEQUITUR de Brabantiae accessione, à me positum & huc dilatatum. Video quidem *Henricum Tertium* v-
surpasse, verbis quæ dedi: iterumque in manumissione
puellæ cuiusdam, quam manuscriptam vidi, *Ego Henri-
cus Comes & Aduocatus Brabantinensis patria*: sed
Comitem se, non *Ducem* scribit. Et verò idem titulus in
Sigefrido, actis anni DCCCC. XCVII. *Ansfridus, cum
Comes fuisset Bratuspantium, deposito militia cingulo,
factus est Episcopus Ultraiectensis*. Idem titulus, sed in
alio (quod miremur) sub idem tempus: nam ille *Henri-
cus* noster obiit anno ∞. XCVI. Quomodo expedimus?
neque enim vno tempore duo Comites, vt opinor. AVD.
Ex facili. nam *Bratuspantes* diuersi à *Brabantis* sunt,
quod velex Cæsare constat. LIPS. Verè tu, si Cæsarem
spectas. nam ille iuxta Sueffiones collocat, procul à no-
bis: sed Sigefridus aliter: & illam Iulianam vocem, ne-
scio quâ affectatiunculâ, ad nos transfert. Ne ambigas,
ecce clarè in actis anni ∞. XII. *Godefridus Dux in fines
Bratuspantium venit, & Louanium obsedit*. Cedò, an
non Louanium in nostrâ Brabantia est? Equidem hæ-
reo: & magis, quòd in *Dintero* scriptum, *Gerbergam
successe*

succesſiſſe fratri ſuo Othoni , in dominio Comitatus Bracbatenſis , & Bruxellenſis , cum ſuis appendicibus. Si iam tunc Gerberga , id eſt vxor Lamberti Primi , ſucceſſit : cur non ipſe , non alij ante Henricum dictum vſurparunt ? Tenebræ : & omnia faciamus , nullum ingenium vel induſtria examuſſim hæc adæquet incurioſè ſcripta , aut nec ſcripta. Illud tamen video & teneo , Comitatum modò Brabantiam tūc fuiſſe : neq; Ducatus nomen apud noſtros reperiri ante Henricum Quintum Louanij Comitem , qui accepit. Nam hoc Hiſtorici noſtri docendi ſunt : & eſt epiſtola Imperij nomine ſcripta ad Innocentium Tertium Pontificem , & ſubſcripta inter plures ab iſto : Ego Henricus Dux Lotharingia , qui & Brabantia. Item in ſepulchro eius , in hac vrbe , ad e Petrinâ :

*Circa annum 1000.
e.c.*

Brabantinorum dux , regni Marchio , morum Regula.

Neque de ſequentibus deinceps ambigitur : omnes vtrumque illum , *Lotharingia & Brabantia Ducis* , aſſumpſerunt. A v d. Satis mihi mirum , quòd ſic nouellum titulum facis ; cū Gallici atque alij Annales tradant , *Arnoldum* , & mox *Arnulphum* , denique *Angiſum* , & *Pipinum Craſſum* , Brabantia Duces , & Antuerpia Marchiones fuiſſe. L i p s. Scio eſſe , qui fortiter tradiderint , ſed veteres auctores equidem requiro. Illud de iſtis verius , *Auſtraſie Duces* & rectores , ſub Gallia regibus , fuiſſe : quæ tamen Auſtraſia hanc partem ferè tenuit , quæ *Lotharingia* poſtea dicta. Vbi & Brabantiam eſſe ſcimus : ſed an nomine tam antiquo ? Erui olim aliquid è Pythæanis Annalibus Gallicis , vbi in Diuiſione Ludonici Imp. ante mortem factâ , ſcribitur : *Friſia , Ardenna ,*

*Sunt Me-
napy.

*denna, Asbania, Bragmento, Franderes, *Menpiflou: & videatur ex connexione locorum Brabantiam & Flandriam sic nominare. Magis etiam accedit Diuisio vetus Caroli & Ludouici regum, anno DCCC. LXX. In Brabantio Comitatus IIII. Camaracesium, Hanioum, Lomensem. Vox sanè est hæc ipsa, & magis si quis Brabantio me volente scribat. Sed quid igitur? tam latè patuerit, vt Cameracum, & Hainouiam (nam istud est Hanioum) incluserit? De Lomensi, hæreo: & pronus sum scribere Louiensem, vel *Louinensem, & capere hunc nostrum. Enimuerò etiam Rodericus Toletanus Brabantiam valdè producit, & cum ipsâ Lotharingiâ adæquat. Nam in descriptione Germaniæ ait: Teutonia continet has regiones, Lotharingiam siue Brabantiam, Westfaliam, Frisiam. Sed exteri parùm hæc accuratè exsequuntur: & ille fortasse titulos Ducum nostrorum saltem adspexit, quibus iunctim tunc utebantur. Illud comperior, Brabantiam hanc posteriorem ad Scaldim & Teneram fluuios sitam fuisse, & versus Tornacum etiam se extendisse. Ex Sigefrido, in actis anni ∞. LIX. In pago Brabatenfi, iuxta Tornacum. Pago, id est regione & tractu: quomodo pagos Heluetiorum Cæsar dixit. Ita & Flandriæ Chronica scribunt, Diuum Liuinum ad Escam, in pago Brabatenfi, martyrio coronatum. Quæ si fida scriptio, nonne Brabantie hoc nomē iterum antiquum adstruimus? nam id euēnit anno DC. XXXII. Flandriæ item scriptor Brando, nominat in actis anni DCCCC. LVI. & ponit in Pago Brabantensi, Meren, Crainham, Bellaucum, Bruggicinam, Milunā, Mersken, *Ayngam, Badingam, Morteslam, & Masminam.*

*A pronun-
ciatu
Louin.

* Et circa
tempora
Pipini.

* Hodie
Ayga.

nam. Itemq; diploma *Othonis Secundi*, anno DCCCC. LXXIII. commemorat, *confirmasse eum possessiones Gandensis cœnobij: in pago quidem Bracbatensi, villam Veruiniam, & Fletersele, & Papingham, & Bauingam, & Gifensele, & Holthem.* Quæ loca distinctè si inquiris, reperies pleraque palàm in hodiernæ Flandriæ finibus, inter flumina à me dicta. Quid concludimus? *Brabantia* nomen antiquitùs videri latius patuisse: postea restrictum, vt solent hæc talia, bello aut diuisione, hæsisse in finibus Flandriæ, vbi nunc ferè est *Comitatus Alostensis*. A V D. Mira. & vnde nostri Principes hunc titulum, si Flandriæ tu accenses? LIPS. Dicam. Scito Lotharingiam nostram olim certò ad Scaldim se extendisse, atque ita illam *Brabantiam* * in eâ tunc fuisse; sed tempore ad Flandriam iuisse. Nostri certè Annales habent, *Teneramundam cum agris, in pretium fide opera atque opis contra Grimbergios, Theodorico tunc comiti Flandriæ accessisse, atque abiunctam deinceps à nobis esse.* Ita vera Brabantia non est vltra nostrorum Principum: nomen tamen tenemus, imò diffudimus in reliquos veteres Comitatus. A V D. Quomodo id factum, aut quando? sodes, doce. LIPS. Difficile est (& pudet me toties queri:) sed suspicor, cùm Duces iam Lotharingiæ nostri essent, impetrasse ab Imp. vt ille *Comitum Brabantia* titulus in *Ducatum* item mutaretur. Factum. & placuit nouellus hic præ illo veteri, quia ambiguuserat, & *Duces Superioris Lotharingiæ* etiam vsurpabant. Adeoq; inualuit, vt oblitterato Lotharingiæ & aliis, hunc retinerent, & terris suis communicarent.

* Ideoq; & nunc *Imperialis* dicitur, eo titulo à Flandriâ discreta.

F

N O -

NOTA.

Brabantia, vel *Brachbantia* antiquioribus ferè scribitur : ideoque *Brahabanda* Becani, originem sic petentis, locum vix habet. *Bant* limitem significat : sic *Oisterbant*, & *Westerbant* appellata : quæ *Austrouantiam* & *Westroutiam* non benè efferrunt aut scribunt. Et fuit sanè limitanea hæc regio, inter vtraque regna : ideoque *Brac*, *A.* crasso, fortassè dicta : quia sæpè cessabant ij agri & inculti erant. quod nos *Braecken*, & *Braeck-landt* vocamus. Sed origines obscuræ, nugari omittamus.

IUSTI LIPSI
 LOVANIVM:
 siue
 OPIDI ET ACADEMIÆ EIVS
 DESCRIPTIO.
 LIBER SECVNDVS.

CAPVT PRIMVM.

*Dignitas Ducum Brabantia, atque opidi Louanij:
 Cuius nomen in titulis prauauit. Ea ipsa caput
 Lotharingia.*

Quando Louanium nostrum fuerit, & progressus eius dixi: *Quantum, & Quale*, iam addam. Neque enim à præsenti fortunâ aut specie æstimate: res magna, insignis, laudabilis fuit, & pauca in hoc axe opida, quæ potentiâ aut opibus, & addam virtutibus, æquauerint se aut æquent. Vt capiat credatisque, à capite deducam. Postquam Lotharingia annexa Louanio, itemque Brabantia fuit; magna iam Ducum nostrorum dignatio, validæ copiæ atque opes: vsquecò, vt

F 2

inter

inter Germaniæ primos Principes (nam ad Germaniam Inferior Lotharingia pertinuit) primos, inquam, censerentur. Clarum & notabile argumentum, quòd cùm *Innocentius* III. Pontifex, in Concilio Lugdunensi, Imperij *Electores* constitueret, quattuor sæculares istos nominavit: *Ducem Austriæ, Ducem Bavariæ, Ducem Saxonie, Ducem Brabantie, qui & Louanie*. Hec ita ex ipsis Actis verbatim, inter alia recitat *Matthæus Parisiensis*, qui Historiam ante *trecentos quinquaginta* circiter annos in Angliâ, nec infideliter, scripsit. Atqui Electorum honore affecti, non nisi primi & potentissimi Germaniæ, quod ex adiunctis collegis liquet. Ergo dignitas magna Brabantie, & in eâ Louanij fuit. Discitis ex ipso titulo, quem dedi: *Dux Brabantie, qui & Louanie*. quasi hæc additio lucem aut splendorem priori daret. Et ita fuit. tam celebre enim & diffusum nomen huius urbis, ut non solum adtexeretur illi Brabantie, sed præponeretur sæpè, aut & pro eo solum poneretur. Præponi video in Diplomatis. ut Gemblacensi donatione, anno ∞ . c. xx-III. *Godefridus gratiâ Dei Comes Louaniensis, Dux Lothariensis*. Adtexi, in Othone Sancto-Blasiano, actis anni ∞ . c. xc v. de expeditione Syriacâ illâ sacrâ: *Cui interfuit Dux Brabantie de Louin, cum multis Baronibus*. Solum poni, in Diplomate quod in *S^{thi} Michaëlis* Antuerpiæ seruatur: *Ego Godefridus Tertius, Dux Louaniensis*. In Guilielmo Malinesburiensi, Anglico scriptore: *Desponsa est Henrico Primo Adela, filia Ducis Louaniensis*. In Rogerio, eiusdem gentis: *Rex Richardus venit è Germaniâ ad portum de Anuers, & est ille portus in terrâ Ducis de Luuain*. Clarum est, Antuerpiam

Anno ∞ .
c. LXVII.

Anno ∞ .
c. XCIV.

piam dici, & nostrum tunc Ducem *Henricum Primum*.
 Repperi & epistolam *Comitis de Sancto Paulo*, in terrâ
 Sanctâ scriptam, & sic inscriptam: *Henrico Duci de Louanio, viro nobili*. Quorsum ista? ut eminentia quæ-
 dam opidi ostendatur, sensu & voce exterorum etiam
 adfirmata: qui hanc, ut præcipuum & excellens Braban-
 tiæ aut Lotharingiæ decus, suspiciebant. Itaque diser-
 tē etiam lego in Malmesburiensi (notent & iactent ci-
 ues:) *Louanium caput Lotharingiæ*. Ita inquam, *caput*:
 & fuit, & mansit, etsi fortuna non eadem mansit. Varia
 autem causâ huius dignitatis. vel quia prima ipsa pos-
 sessio Principum nostrorum fuit, & ideo velut agmen
 iure temporis ducit: vel quia potentissima, & inter alias
 frequens ac florens. Sanè quia prima fuit, & reliquæ di-
 gnitates post accessere: ecce ipsa retinuit insignia Comi-
 tum etiam Louaniensium, siue Lotharingiæ dicam. Sunt
 enim eadem. quare? nimirum quia nostri Comites pri-
 mi, Lotharingiam sibi iure successionis vindicabant; &
 cum rem non possent, insignia saltem (ita solet) quasi
 capiendæ possessioni inuaserunt. At cum isti tempore
 mutassent, Louanienses tamen illa priora tenuerunt. Ab
 hoc ipso primatu est, quod & nunc obtinet, ut cum Prin-
 cipes imperium Belgiæ auspicantur, hîc faciant, & pri-
 mam fidem à subditis sollemniter capiant, ac donent. De-
 nique in omni publico conuentu aut consessu, non Bra-
 bantiæ solùm, sed aliarum prouinciarum, Louanium vel
 ab eâ missi primas habent, in ordine vel consessu. Ma-
 gna dignitas, & non controuersa: ac reliquæ fasces spon-
 te submitunt. Scio Antiquitatem vulgò etiam inter
 causas censerî: sed quæ mihi ambigua est, & Annalium

Anno 100.
 CC. III.

Anno 1000.
L. testimonia controuertant. Nam *Antuerpia* ante mille
Anno 1000.
XC. paullò minùs annos mentio est in vitâ S. Eligij: itemq;
Anno 1000.
LXXX. in testamento S. VVillebrordi. qui scribitur *Ecclesiam
 struxisse in Antuerpo castello, super Scaldim.* Neque
 æuo *Bruxella* cedit: legimusque S. *Vinditianum apud
 Brosellam* (ita illæ scidæ) *in morbum incidisse.* At Lo-
 uanio hanc vetustatem firmiter vix ibis adstructum.

CAP. II.

*Frequentia olim Louanij, & incolentium mira mul-
 titudo.*

RETTULI & causam ad *Frequentiam, & Florem*.
 de quo vtroque nunc videamus. Et plenam fre-
 quentemque fuisse hanc urbem, quid clariùs quàm ma-
 gnitudo & productio ista mœnium ostendit? quæ non
 in vanitatem aut ostentationem profectò facta est, sed
 quia res & copia poscebat. Sunt nunc vacua multa, fa-
 teor: sed exstant in Archiuis Censuales tabulæ anni ∞.
 CCC. LX. quæ palàm ponunt & docent, *omnem hunc
 exteriorem ambitum adibus refertum.* Vultis & alterum
 argumentum? Annales habent, tempore & Imperio
Ioannis Tertij, anno ∞. CCC. L. *tantam textorum
 multitudinem hîc fuisse, ut ad tria, imò quattuor mil-
 lia textrinorum in vrbe essent.* Addunt autem, *cuique
 textrino opus fuisse non minus triginta aut quadraginta
 homines*, qui lanam præpararent, qui carminarent, qui
 nerent, qui fullonicam, aliasque tales operas exercerent.
 Quæ si vera (neque ego ambigo) oportuit ex solo illo
 genere adcentum sexaginta millia in hac vrbe deguisse.

AVD.

A VD. Percutis me, & percellis. LIPS. Atque ipsi sæpè alios, mi Vvvene. Nam audiui à maioribus, quod & ipsi à maioribus, tantam hîc eam turbam fuisse, vt cùm horâ vndecimâ signum campanâ daretur desinendi operis, parentes sollicitè minores liberos in ædes ducerent aut traherent, ne impetu & impulsu venientium obruerentur. Atque hi si tam multi: quid aliarum deinde artium censes? nōne αἰαλόγως & pro numero oportuit caupones, sartores, sutores, lanios, omne aliud genus esse? mihi videtur. Quid deinde honestiores ciues, quid magna illa & frequens (mox dicam) nobilitas? quid asseclæ eorum & famuli? Profectò si alterum tantum addam, non peccem fortassè: sed non addam; & illos etiam primos, si vis, imminue: quid tamen minus potes hîc, quàm *ducenta millia* locare? at meo animo, excesserunt. A VD. Dij boni, quæ copia præ hac infrequentia? LIPS. Quæ nunc sunt, omitte: aut ego sermonem omitto. Fuisse, inquam, grandem hunc numerum, etiam à Magistratu argumentum est, qui hîc, suprà quàm in aliâ vrbe, grandis & numerosus. Sunt enim *viginti & unus Senatores*, præter *Scabios septem, & duos Consules*: & omnes olim è nobilitate, vt mox dicam: quare autem tam multi, nisi quia ciues erant multi? Nam hoc sequitur, rectores plures esse, vbi regendi plures.

C A P.

CAP. III.

Nobilitatem multam fuisse, in septem familias diuisam: eiusq^{ue} origo quasita.

SED de Nobilitate, quæ copiosa, & super opinionem hîc fuit, accuratiùs & ab origine eius videndum est: quæ tamen parùm certa adfertur, & vereor vt fabellæ misceantur. Aiunt *Bastinum* quemdam olim fuisse (tempus aliter non designant) corpore & animo pariter validum, qui septem filias habuit, & eas totidem viris e-locauit: sed cum lege, quoniam ipse virilis sexus liberos non haberet, hæ nobilitatis suæ ius tenerent & diffunderent, atque ex iis nati, tales censerentur. Siue res fuit, siue inuentiuuncula est; non tamen absona à vero & more. quia septem Familiæ primariæ sunt: quibus ius etiam est, vt nobilitatem per fæminas transmittant. sic, inquam, vt si quis plebeius aut impar fæminam talem nobilem ducat; liberi è coniugio nati habeantur nobiles, & Senatoria atque alia munia vsurpent. Vna traditio hæc est: alia origo in Annalium quibusdam, refertur ad *Lambertum Primum* Comitem. quem *Patricios* & *Petermannos* instituisse volunt: idque ex merito virtutis. Nam primum in obsidione illâ *Godefridi Lotharingi*, * de quâ prædixi, Louanienses magnum specimen virtutis in repugnando edidisse: iterumque in prælio illo ad *Hugar- das*, contra Leodicenses. Iuisse igitur Comitem honestatum eos, quorum virtus eminuisset, & in certas familias distributos, hoc nobilitatis decore ornasse. Vnde unde origo, de numero familiarum constat, & de iure fæmineo:

* Videli. r.
cap. xi.

mineo : atque vtraque etiam nunc durant. Familiæ autem, siue Gentes veriùs, sunt istæ : *Limingij, Calsterij, Radingij, Steenij, Vernsalij, Gielij, Rodij* : è quibus singulis, alij familiarum velut rami orti, latè sparguntur, & quamquam ad vnum caput relati, nominibus diuiduntur. Reperio in primâ *Limingiorum*, & quæ sub eâ censentur, Familias *triginta & vnâ*; in secundâ, *vinginti octo*; in tertiâ, *nouem*; in quartâ, *duodecim*; quintâ, *quattuor*; sextâ, *septem*; septimâ, *nouem*. Sunt ita centum familiæ : & vos iam quamque earum in domos & capita diuidite, efficietis ingentem nobilium manum, nec in aliâ vrbium reperiendam. Certè in vnâ seditionum, de quâ postea, lego *Equites ad vigintiquinque, Scutarios centum quinquaginta, captos fuisse* : & elapsi, aut absentes, quàm multi erant? Scio hæc nunc noua aut inopinata videri : sed nos vetera loquimur, & illa pro merito laudatum imus, & ab obliuione vindicatum.

CAP. IIII.

*De hominibus S. Petri, qui item nobilitatis ius habent.
Origo, & honores.*

ATQUE isti sunt, quos *Patricios* vulgò dicunt, & qui soli in Patres siue Senatores legebantur : sunt & *Petermanni*, plebeio verbo, quasi dicas *Homines Petri*, siue vt scripta nostra Latina appellant, *Homines de familiâ S. Petri*. E quâ dictione causam & finem instituti agnoscitis : quòd videlicet, vt alij adscribi honoris ergo in Aulam & familiam Principum solent ; sic isti in eius Diui fidem ac clientelam. Sunt qui confundunt eos

G

cum

Anno ∞.
cc. XIII.

cum Patriciis: & vt hodie res est, vix dissident: olim aliter, vt videtur, & latius *Petermanni* patuerunt. Nam etsi facilè hoc donabo, omnes Patricios in communionem huius honoris venisse; non tamen contrà, omnes *Petermannos* Patriciis accensitos. Origo etiam vtrorumque diuersa est. & istorum refertur ad *Henricum Primum* Lotharingæ Ducem, & Louanij Comitem: item ex operâ militari. Bellum ei erat cum Leodicensibus: & ipse animo ac copiis paratior, fines istorum inuasit, & *Tungros* opidum oppugnavit, & cepit. Hic successus dedit audaciam, vt matrem vrbium *Leodicum* ipsum, raptim ducto exercitu, aggrederetur. Spes in celeritate erat, & vt imparatis superueniret: contrà fuit, intenti instructique exspectant, reiiciunt, & reiectum ipsi iam animis aucti insequuntur. Nostri sub noctem *Stippis* castra locant: hostes assident, & vt è vicinis frequentibusque locis, nobilitas ac plebs adfluit, & in horas copiae augentur. Adest ipse Episcopus *Hugo*, adest *Ludovicus* Comes Loffensis, item *Philippus* Namurensis, ipse *Henricus* Dux Limburgensis, & clientium cuique selecti. Nostri numero valdè impares; castris primò se continent: sed post bidui inopiam, omnibus circà hostilibus, ausi aciem, egrediuntur, & hostem vltro lacefunt. Stant in principiis *Louanienses*, iisque adiuncti *Lirani*, & *Sandthouiani*: pugnant acriter, cædunt & cæduntur: sed hostes paullatim circumfusi, reliquos nostrum turbant, & dant in fugam. Multi cadunt, aut capiuntur: ipse Dux *Henricus* in discrimine, equo lapsus, & sunt qui captum etiam tradant, sed ferri & fidei operâ Louaniensium ereptum. Illud constat, horum ope
Ducem

Ducem seruatum, sed cum multâ nostrorum cæde, è quibus ad *duo millia* periisse scribuntur, interque eos è Patriciis multi. Ducem igitur reducem, memorem virtutis, nec ingratum in eam fuisse: omnesque qui sub *vello Diui Petri* (id insigne Louaniensium erat) militassent, prærogatiuis donauit, & *Petermannos* appellauit. Hanc narrationem illud affirmat, quòd etiam nunc sint è *Liranis* & *andthouianis*, qui idem nomen & ius iactent. Ius autem olim singulare, & perhonestum: sed æuo aut neglectu defecit. Lego in litteris quibusdam publicis: *Homines B. Petri Louaniensis, liberi & priuilegiati esse debent, & sunt, præ aliis hominibus.* Censebantur, vt dixi, in familiâ Diui Petri, imò & Ducis, quasi Palatini quidam & domestici eius. Senatorum litteras vidi, anni ∞ . CCC. XXXIII. quibus eximitur quidam iurisdictioni communi, qui *diceret se esse Hominem S. Petri, & ad familiam liberam Domini Ducis pertinere.* Habent inter cetera eximium. vt nusquam vadari, conueniri, iudicari, nisi coram sui collegij hominibus possint. Quos conuocat Prætor, & præsidet Consul opidanus. Ita postremum obtinuit: initio, quia res tangere sacra & diuum Petrum videbatur; Decanus & Canonici moderari solebant, & cognitioni huic præesse. Sed indecorum visum, rei diuinæ addictos litibus operari, & iussi abdicare, ac suarum curarum esse. Isti *Petermanni*: quorum nomen viuit, iura extincta, aut certè languida sunt. & quamquam Princeps ex formulâ iaret, *Observaturum se iura Ecclesiarum, & hominum spectantium ad familiam B. Petri Louaniensis:* fit moris prisca causa, & res in usu aboleuit.

CAP. V.

*Plebs olim in militiâ: & hoc sine exercitia, & Gilda.
Tum de Lanificio.*

NOBILITATEM habetis: Plebem iterum lustramus? Ea quoque antelanifices, honesta & modesta fuit, & bonis artibus addicta. Militiam aut agros multi, alij fellularia opificia exercebant: sed honestiores, & qui præter caput aliquid in censu habebant, arma etiam festis vacuisque diebus tractabant. Militia tunc & tela (quod ad plebem attinet) ferè sagittæ erant, eæque arcu vel ballistâ emissæ. Igitur Collegia talia instituta, in quæ nomen darent, qui hoc vel illo telo vterentur. Erat vnum *Sagittariorum* simplice arcu; duo *Ballistariorum*; postremò *Sclopetariorum* accessit, eâ quoque machinâ ^{*}reperitâ. Hæc Collegia *Gildas* nostrâ linguâ dicunt: & imago manet, vsus periit, ille quidem verus qui ad militiam spectat. Nam in oblectationem aut pompam nunc vsurpant. His talibus areæ siue *Horti*, ut vocant, destinati, loca idonea exercitio: ad quæ conveniebant, & discabant docebantque. Præmiis etiam se mutuò prouocabant, & æmulatione excitabant. quod non priuatim solum, & in suo quique opido; sed publicè faciebant, & plurium opidorum conuentu. Louanienfes certè & Bruxellenfes, finibus & amicitia semper iuncti, statum quotannis tempus habebant, quo *Furam* convenirent: amœnum locum, & parî ferè spatio ab vrbe vtraque seiunctum. Vetusta ibi arx est Principum nostrorum, & affita *Sogniacensis silva*: & iuxta eam area, & certamen.

Quod

^{*}Et visâ in
Belgiâ,
anno ∞.
ccc. lvi.

Quod ballistarij selecti certabant, & præmium victoribus vinum erat. Vidimus nos in adolescentiâ comiter celebrari: & *Joannes Quartus* instituerat, ac leges dederat in rixam aut tumultum. Quid etiam? *Issam* meam sileo, quæ consors certaminum istorum fuit? nam municipium est, & opidorum iura habet. Itaque publica ista panegyris siue commissio ibi etiam celebrata, anno .m. ccc. xvii. & præmium *Cervus vivus* fuit. satis decorè, quoniam & silvis ij adhabitant, & venationem in promptu habent. Vicerunt, tuleruntque Louanienſes. Atque hæc, vt dixi, olim plebs erat: nec studia ista culpes, imò laudes. Accessere deinde magis magisque lanifices, & quia lucrum adfluebat, omnes ferè eò, etiam nobilium multi versi. Alius opus exercebat, alius pecuniam dabat, alius emebat aut vendebat. Imò & ad opida ac pagos vicinos artificium iuit: & *Diesthemij*, *Tillemonte*, *Trudonopoli* passim in lanis occupati. Quid verba facio? quæ gloria aut frequentia panno nunc Britannico tribuitur, ea Louanienſi fuit: & hinc (*in loco dicendum) ad illos iuit. Constat ex Archiuis urbicis, ciues istos annuatim *Frankfurtum*, *Lutetiam*, *Londinium*, alia loca mercatui destinata adisse, & Basilicas ibi suas ac tabernas, pannificij huius gratiâ, habuisse. In ipsâ hac vrbe, proprium iis tribunal fuit, quod octo *Decanos* (ita vocant) habet, & causas omnes tales cognoscebat ac decidebat. Manet & illud, res abiit, vt sunt humana. Avd. Atque ego doleo, in flore sanè tunc vrbs erat. LIPS. Ne dole, mi Del-Plani. quid? nōne melior Minerua successit? denique ea turba & copia urbem perdidit, & quidquid honesti ac prisce moris erat, corrupit.

*Lib. ii.
cap. xii.

CAP. VI.

Opes Louanienſium, ut illo auro, notabiles: & pauca exempla.

LASCIVIA orta, & luxus, & quæ alia Opes ſequi amant. Nam & cæ ex his commerciis ſatis iam auctæ erant, & ut tunc cenſus Belgicæ, *Louaniennes diuites* habebantur. Ipſi nobiles prædijs & villis, atque etiam dominiis (ut noſter mos habet) opulenti, & pleroſque vicinorum pagorum poſſidebant. Lego *Gualterum Heremachium* ex iis, in Angliam nauigantem, captum à *Moranto*, famoſo piratâ eſſe, & redimias *quattuor millia aureorum Scutatorum* exactum eſſe, ac ſoluiſſe. Anno ∞. CCC. LVI.

Item bello Iuliacenſi infauſto, cùm Dux noſter *VVenceſlaus* ipſe in manus venit, duos Louanienſium captos, ad luendum ſe dediſſe *decem millia aureorum*. Et addunt Annales, *grandem hanc ſummam petitam, quia conſtabat Louaniennes diuites eſſe*. A v d. Bis iam hoc elogium reperis, & rideo: quis neſcit meram paupertatem hîc nunc habitare? LIPs. Semper me ad iſta reflectitis: ego in imagine eius æui hærerere vos velim. Neque item in iſtis opibus, Hiſpaniam hodiernam aut Italiam cogitare, nec Antuerpiam quidem tuam Rubeni: ſed illa tempora & homines, virtutum magis quàm auri copioſos. Et tamen pretia, quæ dixi, etiam hodie ſint aliqui ex proceribus redimendo. Iam & illud argumentum Opum, quòd publicè ex ærario largiri magna & multa ſolebant. *VVenceſlaus*, in auſpiciis hîc imperij, accepit à Senatu *Scyphos plures argenteos, itemq; vinarie* Anno ∞. CCC. LVI.

rias amphoras : praterè vini Rhenani sex & viginti
Amas, Pannos coccineos (Scarlatos nos vocamus) sex,
denique totidem boues pingues. Eidem post paucos an-
 nos, pro pace inter ciues conciliatâ (etsi hercules parùm
 utili) *ex arario trigintaquinque millia aureorum, quos* Anno 800.
ccc. lxx.
Verueces vocant : iterumque biennio post, *tria millia;* 11.
 & non longè, *sex millia* donata. Hæc extra ordinem,
 præter publica & sollennia tributa : sicut & illud dona-
 tium *undecim millium aureorum,* quod in vitam eius
 quotannis pependerunt. Omitto, quæ ministris & Pala-
 tinis huius Principis dedisse varia reperio: qui & ipsi, pro
 ingenio Domini, petaces aut auari erant. Cogitate &
 consummate, etiam in istâ pecuniæ adfluentiâ, quam
 nouus Orbis inuexit, iustæ sunt istæ opes. Itaque apud
 exteros etiam magnifici & munifici nostri habebantur:
 quidni? exempla cedebant. Vnum referre libet *Ludouici*
Pinnoccij patricij, & in hac vrbe per annos XLIII. Præ-
 toris. Multa ille bella obiuit, suo impendio & sumptu:
 etiam legationem in Austriam, cùm publicè honestis-
 simi quique mitterentur, ad *Maximilianum Austrium*
 arcessendum, qui *Mariam* nostram Burgundicam, &
 vnâ Belgicam, desponderet. Viennam venerunt: beni-
 gnè excepti sunt à *Friderico* Imperatore. qui loca lantia
 & munera dedit; inter primos *Pinnoccio*, vti dignitas
 eius & vrbis erat. Id munus fuit, magnus crater ex auro
 solido, & intus aurei Ducati Hungarici stipabant. Ac-
 cepit noster, & gratias egit dicam, an reddidit? nam se-
 quenti statim die ipsum Imperatorem (ea tunc comitas
 erat) cum plurisque Palatinis ad conuiuium vocat, splen-
 didè & dapilè accipit, omnibus mirantibus, & vel du-
 plum

plum doni sui fatentibus impendisse. Opinionem peperit, esse è Principibus patriæ: & iidem Germani cum paullò post huc venissent, magis mirati sunt, cum non nisi Prætorem Louanensem agnouerunt. Sed ea viri liberalitas, an profusio fuit. quâ factum (nam adsiduè utebatur) vt mortuo eo vix esset vnde iusta funeri fierent: nisi soror subuenisset, quæ *Domino Melderatensi* iuncta nuptiis erat. Habuerat & ipse duo Dominia, *Horstum & Velpam*: vtraque vendiderat, splendori & famæ sustentandæ.

CAP. VII.

Pietas & Probitas Louanensium.

ISTA de Opibus: sed magis laudare eos à Virtute capior, & Probitate: quâ semper eximiâ splenduerunt. Deo & religioni addicti, exemplo suorum Comitum: quibus non alios dabitis, qui sacra magis coluerunt, auxerunt vel ornarunt. Scribebant se, & superbiebant in hoc titulo, *Aduocatos*, aut *Defensores Ecclesiarum ac Cœnobiorum*: quod Diplomata eorum passim ostendunt. Scribebant, & reipsâ exhibebant. quot ab iis monasteria instituta, vel aucta? quot templa, aut sacella? quot passim donaria? infinitum sit referre: & quædam tetigi, sed quædam, & postea tangam. His ducibus, meritò igitur ciues secuti & æmulati sunt pietatem: quam inuiolatam ad hoc æui, inter ruinas aut lapsus, etiam inter ciuicas istas procellas & communem, pænè dicam, furorem tenuerunt. Atque olim leges etiam sanxerunt pro diuino cultu: ac reperio istas. *Templis adibusq; sacris*

cris honos esto. & nequis pilam, néve trochum in areâ, aut circum illa ludito. Ecce, etiam pueris reuerentiam illam volebant insitam, & sacra loca nec lusu temerare: quis nunc vetat? Alia grauior: *Diebus festis sacratisque nequis aliud agito. nemo cauponam, aut tabernam, promercalem, ante publici sacrificij finem reserato, néve quid emitto aut vendito.* De Tabernis, seruatur forasse: de cauponis quàm aliud est, & quàm vulgò se in eas immergunt? Iam alia ad Probitatem. *Nequis noctu personatus, néve mutat â veste, obambulato.* Item: *Ne taberna, nec caupona, post vespertini æris signum patens esto.* Item vna singularis, in raptos: *Stupri raptusve conciliator aut adiutor, exsul esto; qui autem patrauerit, ligneâ serrâ caput abscinditor.* Nouum hercules de ligneâ serrâ, & abstertere graui & lento hoc supplicij genere voluerunt. Plures memorare possim ad modestiam, contra luxum, & vitia: sed quia etiam alibi, omitto: nec copia sanè legum bonos beatosque facit, sed obsequium & cultus. Id hîc fuit: & paucis legibus, populus naturâ atque institutione bonus, virtutem coluit, siue ciuilem hanc vides, siue militarem.

CAP. VIII.

*Facta militaria eorum, & expeditiones pro religione.
Virtus Guilielmi Rodij.*

NAM & Militiâ ciuitas ista excelluit, super omnes finitimos, & video te auertere Vvene, ac ridere. AVD. Da veniam, nihil tam alienum nunc videtur. LIPS. Gratia nostris Musis togisq; esto, quæ pacem intulerunt,

H

&

& ad hanc ciues formarunt : sed quoties dixi, aliam olim faciem fuisse? Louanium, præter nomen, vetera pauca habet. Sed de militiâ, assidui in eâ olim, & præsertim multa hæc nobilitas, quæ vnum id studium, aut præcipuum, colebat. Ideò & honos iis atque æstimatio: & in omnibus bellis (inquisita narro) proximi tabernaculo Principis, vt fidi maximè & strenui, tendebant. In acie etiam, honestiorem locum atque ordinem sortiebantur. Quod tamen controuertere Bruxellenses cœperunt, anno demum ∞. CCC. XL. Tornacensi bello. Dux *Ioannes Tertius*, qui neutros volebat illo tempore alienatos, ita tunc definiuit: *Vt si in Flandriam, Hollandiam, Hainouiam arma inferrentur, primas, vt semper, Louanien- ses haberent: sin autem in Geldros, Leodicenses, Namu- renses iretur, Bruxellenses præferrentur.* Appâret in vltimâ clausulâ non ius, sed comitatem spectatam: & vt Louanienfes longinquis, & velut hospitibus, cederent, quoties per eorum fines, aut ad propiora iis, iretur. Sed bellatores igitur magni: & quod in laude meritò pono, in sacrâ militiâ exerciti, & semper in eam proni. Dico, quoties bella hostibus religionis illata, siue in Oriente, siue in Septentrione sunt, siue in propiore Europâ nostrâ hæreticis & turbatoribus; semper isti in armis, & vel Principum suorum asseclæ, vel & exterorum fuerunt. Quid asseclæ? multi & suâ sponte & sumptu iuerunt. Prima, ecce, expeditio Duce *Godefrido Bullionio* in Syriam fuit, anno ∞. XCVI: cui noster *Godefridus*, post- eâ Dux, interfuit. quod Annales quidam nostri tradunt (neque enim omnes:) sed pronâ meâ fide, quia *Henricus* frater eius adhuc imperium tenebat, & probabile in tam lauda-

laudabilem militiam, cùm aliud non alligaret, nomen dedisse. Certè idem postea iterùm fecit, aut conatus est: & Regesta vrbs huius habent, anno ∞. C. VI. *crucem eum cum Lotharingis & Francis pro terrâ sanctâ assumpsisse*: neque vltra addunt. Idem in *Godefrido Tertio*, qui anno ∞. C. LXXXIII. expediuit, & cum eo è Louaniensibus tres equestri dignitate, *Ioannes Radingius, Arnoldus Rodius, Henricus Netenius*, & mox *Joannes Calsterius*, item eques. Et quid ordine recenscam? fidei hoc meæ credite, vix annus est, quo non legam aliquos ab hac vrbe in *Asiam* iuisse, alios in *Prussiam*, in *Saxoniam* contra *Stadings* (tunc hæreticos) in *Boëmiam* contra *Hussitas*. Nam ad ea vsque tempora pius ardor hic mansit: imò manipulatim ibant, & lego anno ∞. CCCC. XXI. perrexisse in *Hussitas* *centum octoginta voluntarios ciues*, multosq; è *patriciis*: & anno sequenti, iterùm *octoginta popularium*, è *nobilitate autem septenos*. Et cur priuatam etiam gloriam meam silcam, referendam ex fide? Fuit è maioribus meis *Guilielmus Rodius*, cuius eximia facta memoriam merentur, & publicè eam in æde sacrâ Dominicanorum, choro medio, habent. Lapis ibi sepulchralis, in hanc faciem & inscriptionem:

H 2

Videte



Videte & miramini vel pietatem, vel robur, atque etiam felicitatem viri : qui *decies octies* in longinquam illam Borussiam iuit, rediuit, quoties mercatorem aliquem aut lucripetam fecisse, miraculo sit. Quid etiam ? *semel in Terram sanctam*, vt habet inscriptio : etsi Annales libri vrbici augent, & *ter iuisse*, palàm scribunt. Nec refuto. & quod est in epitaphiâ illâ, capiendum, vt verba sunt, de profectione *sub propriâ habenâ* : id est, quòd semel suo ductu imperioque iuerit, sæpiùs alieno. Scito autem *Borussos* illos, siue *Prussos*, gentili superstitione tunc etiam infectos fuisse, & hæc bella inferendæ nostræ suscepta. Vir hic Patricius & Eques fuit : habuit *Ægidium Rodium* filium; & iste filias duas, quarum prior nupsit *Ægidio Linckebekio* viro nobili, atauo meo: a quo etiam nunc *Rodia villa* (vidisti eam Rubeni) in possessione est & manu nostrâ, sita in municipio Iscano. Nam ea loca iuris Louanienfium sunt, quod ad solum ipsum spectat.

CAP. IX.

Facta alia militaria, & virtus in præcipuis præliis.

IAM alia bella videre si lubet (& multa nostri Principes habuerunt) vbi non dicam præsentia, sed gloria Louanienfium, non eminuit ? Vnum aut alterum è pluribus adferam, & reliqua iustæ Historiæ referuentur. Ecce,

GODEFRIDVS Tertius Dux noster erat, anno ∞. c. XLIIII. sed in primâ infantiâ, & vitæ ordientis annum nondum egressus. Ea res animos spesque mouit veteri hosti, *Bertoutiorum* genti, cum quâ bellum auo

H 3

patrique

patrique eius fuerat : & septemdecim etiam iusta proelia , neque nobis semper secunda . Hæc familia *Grimberga* , *Mechlinia* , aliisque locis præerat ; tum & fœdera cum *Francis* , *Hollandis* , *Geldris* , & ab iis auxilia habebat . Itaque grandes copias in aciem educebant : occultè aut palàm illis aliisque iuuantibus , quibus magnitudo nostri Principis inuidiosa , aut formidolosa etiam esset . Ergo nunc opportunum rati , & infantia infidiati , insurgunt . Nostri Proceres Louanij conueniunt , deliberant , ante omnia Principem nouum in paterno solio locant , & fidem ei popularium obstringunt . Hoc factò , ad bellum accingunt : & hostis vrgebat . nam arcem *Netelariam* , itemque *Viluordiam* iam ceperat , vsseratque . Nostri obuiam progressi , in propinquo castra metantur , & iustè ac piè Fecialem primò ad hostem mittunt , qui conditiones æquas pacemque offerret : redirent modò ad vetus imperium , & Dominum quem Deus & mos huic regioni dedisset , ipsi in eà mediâ , colerent agnoscerentque . Ferociter reclamatum est , & vix manus à Feciale abstinerunt . qui vt rediit , & pugnandum denunciauit , in crastinum diem alacriter prælio se parant . Haud procul Bruxellâ res gesta , in patentibus ad Viluordiam campis : placuitque , consilio *Baronis Gaesbekani* , puerum Ducem illuc deferri , & animandis nostris ostentari . Quod sanè factum est vel ipso aspectu miserabilis infantis , in cunis allati , & ad salicem arborem (ita tradunt) suspensi . Quæ concio potuit disertior hac facie esse ? Coniiciunt oculos , manu qui possunt tangunt ; omnes , vt numen , suum Principem voce & affectu venerantur : & animis inflammatis in hostem eunt .

Magna

Magna pugna, magna cædes: illinc veteranum robur, & multæ victoriæ; hinc virtus, ardor, & pro omnibus du-
cibus Dux infans. Quoties pedem referre cœperant, fle-
xiad hunc oculi reprimebant: vagitus, qui interuenie-
bat, & ne sacrum pignus proderent, pro omni exhorta-
tione erat. Denique vi vincunt. cecidère ex hostibus ple-
rique omnes duces, aut capti sunt: ipsa capita rebellio-
num, *Bertoutij*: *Zennam* fluvium cruentum fluxisse è re-
liquâ vulgi cæde, Annalium habet fides. Neque nostris
sine nube victoria, cæsis Procerum primis, & inter eos
Patriciis duobus Louanienfibus, *Rudolfo Radingio*, &
Simone Grindelio. Ante etiam prælium, baltheo eque-
stri cincti è Louanienfibus fuerant, *Gerardus Dorma-
lius*, *Radulphus Erpensis*; insigni in ipso prælio virtu-
te. Pugna hæc pugnata xvii. Kal. Sextiles.

IOANNES *Primus*, anno ∞. cc. lxxxviii. bel-
lum habuit cum *Reginaldo* Comite Geldriæ, qui de
Limburgensi Ducatu controuersiam nobis faciebat.
Erant in partibus huius plerique vicinorum Principum,
atque ipse Antistes Colonienfis *Siffridus*. Falcoburgi
conuentum habuerunt, arma & militem parantes: sed
noster occupauit, & totâ Brabantia dilectu indicto, insi-
gni exercitu, Mosam flumen *Traiecti* transmisit. It in
hostes, illi in fugam: & Antistitem, vt columen partium,
noster persecutus, Bonnam vsque peruénit, & prourbia
exussit. Cùm pugnae copia non fieret, reduxit suos, iussos
prius equos omnes, militari quâdam iactantiâ, in Rheno
potare: factoque, **Voringam* arcem, validissimum in iis
locis propugnaculum, obsedit. Non deserit se & suos

* Ad Rhe-
num, duo-
bus circiter
infra Co-
loniam
militari-
bus.

Anti-

Antistes, amicos & fœderatos è Germaniâ conuocat, & ingentem exercitum facit, venitque proelio certaturus. Septem primarij duces erant, totidem cateruæ conspiciabantur: ipse *Antistes*, *Henricus* deinde *Lucemburgensis*, *Reginaldus Geldrus*, *Adolphus Nassouius*, *Valerianus Falcoburgensis*, & duo huius fratres. Vt in propinquo fuere, noster Dux animandos suos ratus, ita inquit: Breui & simplici oratione apud vos utar, commilitones; Viri este, aut viui nec este. Quid verbis opus est? animis & oculis circumspicite: cincti undique ab hostibus sumus, à fronte, tergo, latere, & in mediâ eorum terrâ. Fugam aliquis cogitat? nisi alas sumitis, non euadetis: ideòque vana aut fœda omittite, ferro viam hanc fecimus, ferro reditus est parandus. Gloriosum hucusque penetrasse, & hostibus profugis solum eorum calcasse aut subiecisse: sed tanto maius periculum aut infamia est, remittentibus & ignauis. Procul amici, procul patria: cuique in se spes. & Deum, causam, & me videte. Iniustus armis laceßiti sumus: & ideò timor in illos ingruit, atque aris focusque patriis desertis fugerunt. Quid iam? venit imbellis dux, non quia audet, sed quia latere ultra non potest; & animos à desperatione simulat magis, quàm sumit. Trahit secum septem agmina: & gaudeo, diuulsi sunt. Facite coherere: nempe sub illo capite, quod sacra magis, quàm arma, tractare didicit. & addam, debuit: quid tibi vis *Antistes*? Aciem, cruorem, cadem omitte: puras manus Deo offer, & ab armis ad aras iterum refer. Si non vis, adigemus: & hoc quoque victoria huius decus erit, Deo & diuinis suum vindicasse. Agite ô equites peditesque, vos ô mei è *Brabantia*,

bantiâ, qui estis & fuistis, exhibete. Quot victorias ego aut pater meus vobiscum peperit? agnosco ora manusq; & cinctus vobis vel in mediâ Barbariâ confidam. Semper supra pericula, extra dedecora fuistis: idem nunc, aut mihi quidem suprema hæc lux esto. Sed abominor, hostibus eueniat: en ibi sunt, in illos imus. qui me amat, verè nunc Ducem sequatur, IMVS. Dixit, & adhuc dicentem voces interpellarunt, & tympana vndique ac tubæ. Nam & hostes magno animo ingruiebant. Concurritur, & negant Annales ab ullâ hominum memoriâ talem in istis partibus pugnam pugnata. Noster, vt promiserat, eminet: & inter primos voce, manu, incitat aut pugnat. Atque ad eò in manus hostium, pressus cinctusque multitudine, venit: sed Brabantini eò acriùs irrumpere: interque eos primus *Arnoldus Hoffstadius*, Louaniensis Eques, vetere militari gloriâ. Is disiectis aut cæsis proximis, magnâ vi Ducem eripit, & in equum suum ipse desiliens imponit. Iamque pedes pugnabat, & periclitabatur: sed iterum egregio facinore, imminentem sibi hostem interficit, equumque eius conscendit. Eo exemplo & aspectu Principis sui, animati Brabantini, nouo impetu inuadunt sternuntque hostem. *Quadringenti* ordinis equestris viri cæsi, è ducibus *Lucemburgensis*, & duo *Falcoburgij* fratres: vulgum non numerant. Capti ipse Antistes *Coloniensis*, *Geldrus*, *Nassouius*, *Falcoburgensis*. Memorabile satis est de Nassouio, quod narrant. captus videlicet, cum Duci nostro sisteretur, rogareturque ab eo *Quis esset? Comes sum*, inquit, *Nassouius*: & addidit, *Tu autem quis es? Noster: Dux sum Brabantia, quem bello iniusto petiisti*. Ille:

Tūne autem? miror & indignor gladium meum euasisse, quem in te unum acueram, & sanguine isto tingere auebam. Ferox & militare dictum, alium irritasset: nostri altum animum ad clementiam mouit: & virtute ac libertate viri inductus, veniam ei, imò & amicitiam suam dedit. Hoc initium aiunt, familiæ eius in Belgicam traductæ, vbi opibus gloriaque diu floruit. Sed ad institutum nostrum. claruerunt hoc bello è Louanienſibus, præter eximium illum *Hofſtadium*, *Arnoldus Steenius*, *Leonius Harſius*, *Henricus Oppendorpius*, *Henricus VVilreus*, *Ioannes Rodius*, *Guilielmus & Arnoldus Radingij*, *Henricus Bialandensis*, omnes Equites. Alij è patriciis Scutarij aut **Cnapones* (vt non inſcitè Annales quidam formant) multi fuère; & pluri mi è plebe.

*Nam Germanicè *Schildknapen* dicuntur, & ſimpliciter *knapen*.

CAP. XC.

Labes urbis, & in eâ ſeditiones. Prima leuior, ſecondæ grauiffima, Conterelliana: eaq; accuratè deſcripta.

ET Frequentiam ac Florem ſatis iam vidiftis: quid exſpectatis, niſi (vt in aliis humanis) imminutionem aut lapſum? Quæ mox ſecuta à grâdi populo, opibusque: & laſciuia, diſſidia, ſeditiones fuère, venena omnis ſtatus. Cauſſam vel initium hæc à plebe habuerunt, iam contumaci, & cū frequentiam ſuam vidiffet, intrepidâ: atque ita paullatim in rectores & optimates primò minas, tum & manus auſa inferre. Adnoto primos motus fuiſſe anno ∞. CCC. XL. cū plerique nobilium

(ij)

(ij ad hoc tempus rempublicam soli rexerant) in obsidione Tornaci essent, Anglo regi hanc operam gratificantes. Sed dum, inquam, absunt: plebs suum tempus rata, remp. inuadit; & cum alia mutat, tum in primis exfules quosdam sui corporis, superiore anno legibus pulsos, reducit. Patricij cum redissent, querelæ, iurgia, arma: & pugnatum atrociter in foro medio, sed vicerunt Patricij, manu clientium subnixi, & longâ armorum tractatione superiores. Fuga tamen maior, quàm cædes fuit. nisi quod in victoriâ sæuitum, & abstracti ædibus suis, atque etiam sacris, qui in eas fugerant, gladio, carcere, exfilio pœnas dederunt. Quies deinde per vicennium, sed infida. quippe animis exulceratis, & plebeiorum non occulto fremitu: qui in motum turbasque iterum erupit, à principio vnde non timebatur. *Petrus Couterellus* Prætor erat anno .ccc. lx. qui homo etsi nobilis, & è Patricijs, tamen, prauitate ingenij vel ambitu, iam à primâ Præturâ (nouennium tenuerat) omnem ansam la-cessendi aut lædendi Patrum quærebat. Oblata est, aut arripuit, anno iam dicto, istam. Ciuis quidam pisces venales in urbem carro aduehens, cum is in luto hæsisset, equum subito pascuis eductum, subiunxit, & carum extraxit: statimque equum bonâ fide & illæsum reduxit. *Couterellus* hominem, ut furti reum, in carcerem coniicit: Scabini appellantur, cognoscunt, in fontem pronunciant. & cum Prætor non remitteret, iurisdictione ei interdicunt, quod contra leges, ciuem in vinclis haberet. Prætor illicò Bruxellam, ad Principem. qui tunc *Venceflaus* erat, *Ioanna* maritus, gente Bohe-mus, frater *Caroli Quarti* Imperatoris: quem produnt

cæso matris vtero in lucem venisse . Hunc neque pace, neque bello optimum, certè non felicissimum, fuisse, licet dicere : & Louanienſibus cauſſa non eſt, cur valdè ament. Ad rem. aures iſte Prætori credulas præbuit, potentiam Patriciorum calumnianti, & reprimendam à Principe, bono ſuo, aſſerenti. Neque fautores talium deeſſe in Aulâ poterant : inter quos *Sconuorſtius* quidam, vir præpotens, ſed animi aut conſilij parùm rectus. Is palàm dicere, *Cornua Patriciis* (verba eius ſunt) *minuenda, quinimiùm iam ferocirent*. *Poſſe id Principem, ſine ſuâ operâ aut inuidiâ, plebe efferri permiſſâ*. Princeps in aperto ſententiam non tulit: hoc tamen Couterellus facilè vidit, non iniquis auribus animiſque ſe auditum. Itaque alacer domum redit, ad ſuos refert, & factioſiſſimo cuique faces ſubdit. Iam in eo erat vt ſeditio erumperet: neque neſcire Patres poterant, ſed remiſſiùs agebant, ſiue mitigare bonitate parantes, ſiue fatali, vt ſolet, ignauità. Aderat fortè per hos dies *Gerardus Vorſelarius*, vir & miles nobilis, cum ſelectâ Equitum alâ: qui operam ſuam Patribus vtrò obtulit, & ſuaſit vti: iſti dimiſerunt. At non incepta ſua Couterellus. qui die quodam Senatus habendi, ſuos conuenire ſenſum in forum iubet: idque cum armis. Adſunt, & iam turba eſt, atque ipſe concionabundus excitat, & *ſuperbiam Patrum, & dura imperia*, inculcat. *Hos eſſe, qui ſoli rem publicam occupent, qui honores, qui pecuniam, ſua faciant, qui tot fortiſſimis viris imperent, vt ſeruis. An excidiſſent, ante paucos annos, tot innocentes ſui corporis, gladio, laqueo, ex ſilio puniti, ob liberiores quaſdam voces & facta? Eadem manere ipſos, niſi viri ſint: ſed eſſent,*

'essent, & quem timerent? In manu, inquit, vestra est, finem malis facere: audete tantum, multi in paucos, parati in improuidos; lesi in laceffentes; Deus hominesque fauebunt. Ipsum Principem, diuinâ benignitate, mitem animi habemus, & equo eo laturum, siquid illi patiantur, vos faciatis. Iniurias vestras in oculis habete, LIBERTATEM in ore, & hæc tessera esto: ite, istam asserite, illas propulsate. Dixerat, & loquente adhuc eo fremitus, clamor, minæ, & ad curiam versi manus & voces intentant: Prodirent ciuium oppressores, ærarij pradoes, pœnas datu i scelerum, aut iniuriarum. Et iam se quisque hortari, & vim parant. Curia clausa erat, & trepidi Patres, neque ad resistendum pares: cùm Couterellus prouolat, & quasi benignitate deditionem suadet, & nihil vltra mali passuros adfirmat. Prudentium esse, cedere huic tempestati. Cedunt, & se dedunt. At turba statim irruit, manus & vincla iniicit, & in Arcem captiui deducuntur. Tum aumaria & archia Senatus frangunt aut referant, armamentarium pariter: compilant, dilacerant, aut vsui suo quod erat, tollunt. Exstant nomina & numerus captorum, paullò minus ducentis: interque eos Equites vigintiquinque: reliqui in proximas vrbes dilapsi, aut in prædiis villisq; suis latebant. Couterellus sedato tumultu, & vt forma aliqua reipublicæ esset, nouum Senatum legit, mixtum è plebe & Patriciis. nam & ex istis molles aut ignauos quosdam repperit, consiliis suis opportunos, quiq; communem iniuriam præsentis honore mutarent. Tum ad captiuos submittit, qui periculum à plebe denuncient; ipsos quosdam è plebe, qui turbidis vocibus circum Arcem, ad cæ-

dem eos deposcant. Ita illi trepidi, Couterello supplices fiunt: & denique grandi pecuniâ, seorsim quisque pacti, dimittuntur. In Leucis *VVenceslaus* erat, dum hæc geruntur, casu an consilio longinquus: sed adeunt statim exsules, & facta docent, & remedium atque ultionem exposcunt. Cum frigore audiuntur: etsi nobilitas pleraque faueret, & è consiliariis, quibus æqui honestiq; cura aliqua esset. Venit & ipse Couterellus, qui auro multos suos fecerat: & res dilata est, dum Princeps rediret. Quod factum sequenti anno, & interea imperium Couterellus continuauit. Iam Bruxellam *VVenceslaus* venerat, atque ibi agminatim nobiles adeunt, orant,urgent, rem pessimi exempli vindicare, néve seditioni aut licentiæ campum aperiret. Instant seorsim & Bruxellenses, ac pro sociâ vrbe acriter nituntur. Denique perpel-lunt, vt conductis in vnum copiis, Louanium moueret: venitque *Bancum*. Dum ibi est, statim Couterelliani, quibus aduersus Principem nec vis nec animus erat, ad eum veniunt, & imperata facturos spondent. Ita Princeps admissus, exsules reducit, sed in turbatores iram aut vindictam non ostendit. Ipsum Couterellum, caput malorum, Præturâ dumtaxat abdicatum, in nouo Senatu Scabinum creat; & eius instituto, Senatum ipsum mixtim è Patribus & plebe legit, seminarium deinde turbarum. Amor pacis & concordiae prætexebatur: sed prudentioribus eo facto apparuit, non imprudente, certè non illibente Principe, priora illa administrata. Ita quies vrbi, sed parùm certa aut longa, restituta. nam plebs exsultare, & illis vt victis insultare; ipse Couterellus dominationem exercere, & augere: donec tædio præ-sentium,

sentium , & futurorum etiam metu , Patricij plerique sponte vrbe cedunt. Letū id Couterello fuit, & iam liberè agere, amotis æmulis: seq; in sequentem annum Consullem, cum *Geldolpho Roggâ*, textore designat. Et quia præsidium in auro expertus esse sciebat , vndique illud quærere; nec domi tantum, sed apud exteros , fide ciuitatis publicâ, corrogare. nam sigillum in eius manu erat. Eoque opum & potentia venit, vt *Henrico Dynastæ Hooghstratano* filiam suam cum grandi dote elocaret, & quantam iste poposcisset. Sed inuidia etiam comitata, & crebræ apud Principem querelæ : neque gener aut *Sconuorstius* excusare satis, aut tueri poterant: eoque ventum , vt iterum castra ad urbem moueret. Fiunt & iterum eadem, illi Principem admittunt : iste vtramque partem in pacem iuramento adigit , & obsides etiam capit; è Patriciis *duodecim*, è plebe *quadraginta*. Couterello Consulatus mansit, & in communione honorum nihil mutatum. Tamen ipse, conscientia terrente , & quia alieniorem iam Principem senserat, sponte, rebus collectis , vnâ cum aliquot factiosorum antesignanis, aufugit in agrum Leodicensem. Ibi cum infesta itinera haberet, & mercatores Louanio Germaniam petentes sisteret, aut in vincla daret, pecuniæ extorquendæ: iram VVenceslai serio mouit, qui ipsum ac viginti quinque textorum proscripsit. Nec sic quidem quieuit, sed conatus urbem irrumpere & suam facere, subsidio clam in eâ conspiratorum, successum non habuit, & supplicium de istis sumptum. Ita rebus desperatis, ad preces versus, & *Hooghstratani* maximè operâ, veniam exsilij impetrauit, rediitq; Louanium anno ∞. CCC. LXIX: vbi

vbi vitam ingloriam, & in publicâ execratione, finiuit. Mireris vel ausum talia, tam magno animo; vel desuisse, tam vili.

CAP. XI.

Seditio tertia, & diro facinore horrenda.

Anno ∞.
ccc.
LXXII.

IAM exitialis seditio narranda est, quæ nouem annis posterior, ab illo fonte manauit. VVenceslaus, vt dixi, honores cum plebe communicauerat, & sic aliquot annis habuerat: donec bello Iuliacensi infauito, ipse captus, & multa nobilitas cæsa, etiam Louaniensium, esset. Hoc igitur bello, cum Patricij fidem & animum approbassent, plebs tarda aut refractaria fuisset, nec nisi sexaginta Sagittarios dedisset; Princeps è custodiâ reuersus Louanium, illis honorem pristinum & magistratum restituit, tantum quod duo deinceps Senatores è plebe essent. Plebs ægrè tulit, sed tulit sexennium, ad comitiâ vsque anni ∞. ccc. LXXVIII. quibus ipsis, cum ex formulâ dictâ Senatus creatus esset, sed Patres inter se discordes palàm agerent; plebs diu occasione intenta, arripuit, & ipso *Magdalena* sacro die, regionatim, tres quattuorve textores, totâ vrbe discurrentes, clamore & peluium sonitu, *Ad arma, Ad arma*, reliquos concitarunt. Concurritur, & statim captâ Curiâ Consules cum Scabinis in vincla dantur: VValterus *Leidanus* textor, Præfectus vrbis dictus. Placuit mox, Gandensium exemplo, albos galeros siue caputia, insigne factionis assumi: factumque est. & adeo proni in res nouas turbidasque tum ferebantur, vt Patriciorum non pauci degenerarint, & idem
insigne

insigne capiti, animo factionem induerunt. Interea *VVenceslaus* è Franciâ redux (eò iuerat) ista edoctus, Louanium venit: ordinemque Senatus legendi iterum, plebi placandæ, mutauit, & in dimidiam partem admisit. Mireris inconstantiam: & magis, si non tempori solum, sed pecuniæ hæc data, scribentibus credas: quam è publico aliquam multam sanè accepit. Ceterum ciues iureiurando adegit, pacatè inter se agere, & vt membra vnus corporis deceret: quod tamen Patriciorum aliqui abnuerunt, & patriâ carere, quàm subici iniuriis aut contumeliis plebis, elegerunt. Ita *Areschoti*, aut *Namuri*, plerique horum agentes, hanc infestabant, & in agris aut viis deprehensam abducebant, redimias poscebant. Contrà isti, prædiis illorum ignem iniicere, item quos possent capere; & quosdam gladio carnificis subiecere. Denique in ipsâ vrbe, qui reliqui Patriciorum essent, suspecti agere, aut suspectantes: vtique post cædem *VValteri Leidani*, qui inter capita *Galeritorum* erat. Is fortè Bruxellam missus, rei publicæ gratiâ, noctu à cænâ reuertens interfectus est, insidiis, vt putatur, *Joannis Calsterij*, & *Guilielmi VVilrei*, Patriciorum, qui tunc in eâ vrbe versabantur. Re perlatâ, turbatum Louanium, plebs minari & fremere, optimates timere: atque hi, vt insontes insciosque se ostenderent, Legatos ad *Ioannam* mittere (nam maritus in Galliâ etiam aberat) qui peterent inquire in auctores cædis, & vindicari. Illâ tardante, plebs ludibrium rata, aut ex compacto geri, arma corripit, & in forum venit. Vocantur & in curiam Patres: quorum aliqui venere, quidam triste & ferale ominantes, mutato habitu, vrbe profugere. Statim apposita

K

Sena-

Senatui custodia: & seditiosi furioso animo ad fores pro-
uolant, & adsistunt: pars etiam, nemine prohibente,
ingressa. Ibi auditæ voces, *Cedo nobis illum, & illum,*
statim, statim. Atque ij qui intromissi, ad nomen sin-
gulos capiebant, & præcipites è fenestris (horreo dicere)
datos, plebs infernè lanceis spiculisque exceptos laniabat.
Perière hac rabie ad *septemdecim*: additusque vnus è ple-
be, quod is * *Plautonium*, misertus veteris patroni, scam-
nis abditum, veste contexerat. Hæc facta xvi. Kal. De-
cembris: & qui Patrum reliqui domi reperti sunt, in cu-
stodiam dati. Post factum, frigus & mox poenitentia
aut metus subiit. Nam quomodo Principem hæc latur-
um? qui breui rediturus, poenas de fontibus infonti-
busque caperet. Itaque deprecatores parant *Leuvenses,*
Tillemontanos, Diesthemenses, Liranos, Bruxellenses,
Eburones quoque & Tungros: & citiùs, ecce, opinione
Vvencelaus Bruxellam venit. Arma & machinas ille
parabat, ultioni intentus: cùm legati à prædictis ciuita-
tibus adsunt, & veniam suppliciter petunt, expiationem
cædis, quam vellet, offerentes. Tandem, diu delibera-
to, præscriptum, vt quattuordecim è plebe, præcipui au-
ctores, in Cyprum relegarentur; agnatis cæsorum, certa
pecuniæ summa daretur. Mitis transactio, & intra ma-
gnitudinem noxæ omnibus visa: tum illud turpe, quod
ipsis relegatis pecunia in viaticum, quasi Legatis à repu-
blicâ, attribueretur. Itaque non fuit animis placandis.
Nam Patriciorum iuuentus fremebat, sanguinem pa-
rentum vænalem non habere, nec modicâ istâ pecuniâ
redimendum. Iamque vicinis locis aut arcibus occupa-
tis, bellum in suos ipsi ciues gerebant, & prædas vndi-
que

* *Plautum*
Latinis.

que agebant. Nec cessare etiam plebeij : quin vim & maleficia reponere, vel augere; & denique longius ire, & contra Principem etiam occulta fœdera cum Gandensibus (qui arma in Comitem tunc habebant, & totâ pænè Flandriâ dominabantur) ferire. Denique post mutuas utrimque cædes, doctus tandem VVenceslaus frustra & temerè plebi indultum, arma cepit, urbemque assedit. Illi repugnant, propugnacula erigunt, & auxilia à Gandensibus, à se impares, exspectant. Sed cùm ea fallerent, & ipsi à *Ludonico* Comite ac Francis premerentur: decursum iterùm ad preces, quas *Arnoldus Hornanus*, Leodicensis Antistes, ipse in castra veniens, ad Principem tulit, & veniam certis legibus impetrauit. Pauci pœnâ affecti; plures indignatione aut metu, patriam mutarunt; & præsertim lanifices, qui in Angliam iuerunt. Obseruate. hæ sunt illæ à nobis coloniæ, quæ gloriam panificij aut intulerunt, aut valdè quidem auxerunt.

Anno 99.
CCC. LXXX.
II.

NOTA.

Dixi de *albis galeris* assumptis, exemplo turbidorum Gandensium : & inde obtinuisse vernile dictum, siue conuicium, quo *Albati* Louanienſes appellantur ab accolis : siue nostrâ voce *Wittingi*. Quod non aliud valet, quàm *Seditiose*, & tu quoque ex illis fuisti.

CAP. XIII.

*Seditio quarta, & ultima, cum motu minisq; magis
quàm presenti noxâ.*

Anno ∞.
CCCC.
LXXVII.

NEC DVM finis. à lanariis ad lanios imus: atque
ex isto etiam corpore fuere, qui reipublicam
turbarent. *Paullus Loenkenus* ex infimâ plebe lanius,
post cædem *Caroli Audacis*, & dum de matrimonio
Mariæ cum *Maximiliano* deliberatur, partem se reip.
fecit, & plebem suam. Rumores dissipat, falsò exspe-
ctari *Maximilianum*, illudere sic Senatores: & melius
tutiusque, ipsos imperium habere & exercere. Conci-
tat deinde dictam populi faciem, capit & abducit ex im-
prouiso quosdam è Senatu, & gladio subiecturus erat,
nisi licitor publicus se subduxisset. Iam & *Academiæ*
primores se miscuerunt, & auctoritate suâ tumultum
sedarunt. Superuenit paullò post ipsa *Maria*, vt auspicia
capefferet, de more, Principatus: neque seditiosi admi-
serunt aut agnouerunt, nisi noua iura & immunitates
extorsissent. Quinetiam cum illa, ad compescendum,
Sagittarios ipsius vrbis (honestiores populi) armasset; isti
& Sagittariorum quosdam, impetu facto, ceperunt, &
quattuor fortè obuios Senatorum. Nec nisi agrè sedari
à *Paullo* ipso potuere, quin vitâ eos mulctarent. Tum &
in Arcem, vbi diuersabatur *Maria*, incurrunt, & adi-
gunt tot malis trepidam virginem, antea cta condonare,
& alia pro arbitrio suo sancire. Iam vt species etiam pu-
blicè noui popularis imperij esset, additi *Paullo*, custo-
diæ causâ, viginti satellites, & menstruum ex ærario sti-
pendium.

pendium. Atque ex eadem deinde publicâ pecuniâ lasciuiebant, potabant, conuiuia, velut ad societatem & fidem stabiliendam, agitabant. Sed agitantibus, opinione maturiùs *Maximilianus* aduênit: quo propinquo, minui potentia *Paulli* cœpit, & stipatores à Senatu adempti. Tamen ipse *Maximilianus* præsens, nihil etiam pro Principe agere, neque vlens hoc tangere, nisi compos nuptiarum decreuit. Ergo iterùm post abitum insolescere *Paulliani*, stipatores reposcere, & res miscere. Sed edoctus de totâ re & periculo denique *Maximilianus*, *Engilbertum Nassouium*, Brabantiae Seneschallum, cum equitatu Louanium præmisit, ipse mox secuturus. Diffugiunt ad Solem nebulae & nebulones, *Paulus* in Zelandiam, atque ibi agnitus capite luit. Pleraque horum, & certè initia, absente *Ludouico Pinnoccio* Prætoris gesta (is in Germaniam, inter Legatos, iuerat) qui ut vir erat, animo promptus, manu strenuus, oppressisset, aut quidem repressisset: Deo & fato aliter visum. Sed ut finiam, hæc quoque seditio urbem minuit, multis non è plebe solùm, sed optimatium in agros aut prædia sua dilapsis, atque illic sedem locantibus, tædio tot turbarum. Videtis causas & tempora, quibus florentissima olim vrbs defloruit, & ex veteri gloriâ & copiâ non nisi umbram istam habet.

Anno 60.
cccc.
LXXVIII.

CAP. XIII.

De arce Kesselseiniâ aliquid: tum Eiconismus urbis.

DVM in his sermonibus sumus, & ego atque illi intendunt, fugit nos deflectere, quâ ad montem rectâ ibatur. Itaque progressi etiam paullùm, hæremus: &

K 3

ego

ego circumspiciens, Amici, inquam, omnia me fallunt, aut via fefellit, de quâ uxorem scio monuisse. Vbi etiam domus illa rustica, quam signauerat? atque ibi ductor noster quærendus, aut potius euocandus. nam (Iuno mea hoc curauit) expectat. Ecce illam à tergo. hem, & hoc viæ frustra etiam confecimus, & arduus ille adscensus manet? succumbemus. Vir bone, vis nos ducere in hunc verticem, ad arcem illam famosam & vetustam? Volo equidem Domine, inquit: aut pro me hæc filia mea. nam ego senex à pedibus laboro. Et tu sustinebis? arrectus ascensus est. Confido, inquam. Iuimus duce mulierculâ, peruenimus: atque ego (mirantibus meis & gaudentibus) vno tenore, & sine interquiete, cliuum peruasi. Ostendit rudera aliquot muri, & lapides in aceruo: sed lapides rudes, ex indigenis illis, & arenaceis. dixit, murum olim ibi fuisse. Ego & fossas statim adnotaui, satis grandes & conspicuas, etsi vepribus vel arboribus obsitas: quæ fossæ cinxerant hoc quidquid ædificij fuit. Ducimur deinde ad cauum subterraneum: sed recenti lapsu os eius clausum erat, & lapides illuc accumulati. Quid fuit? inquam. Illa, Grande subterraneum atrium, fornicato opere, & lapidibus alibi ferro inter se deuinctis. Intraisti? inquam. Sæpius, ait illa, & meus parens atque omnis vicinia. magnitudo est pedum quadraginta aut plurium: tum murus è latere coctili iterum occurrit. Quid deinde? inquam. Illa, Aiunt obseptum ibi aditum: sed subterraneas cryptas esse, quæ Louanium vsque in Diui Petri ducant. Ibi risi, & ad meos: Non sapuisset nobis cibus, sine hoc fabellæ condimento. sed res neque magna, neque vetus nimis hæc fuit: quid-

Handwritten text in a column on the left margin, likely a library or archival inventory list.

78-11
E

17244




- A. Heuterla, Praetorium.
B. Bancum, cenobium.
C. Mons calvarie.
D. Fliederbecka, cenobium.
E. Parcum, cenobium.
F. Silva Heuterlaensis.
1. Porta Archiepiscopalis.
2. Porta Diethemensis.
3. Porta Themiensis.
4. Porta Paracensis.
5. Porta Heuterlaensis.
6. Casanda major.
7. Casanda minor.
8. Porta Brussellensis.
9. Porta Vincarum.
10. Turris impenle superuacua.
11. Porta Mechlinensis.
12. Area tunc Burgus.


13. Commendataria S. Joannis.
14. Duodecim Apostolorum Xenodochium.
15. S. Martini cenobium.
16. Sancta Genoveva. Xenodochium.
17. Sancta Catharine facellum.
18. Sancta Maria exortoris facellum.
19. Sanctus Nicolaus. Xenodochium.
20. S. Marie Visitationis facellum.
21. S. Quintini templum, parochia.
22. Collegium Viglii Zuichem.
23. Beguinagium.
24. Nigra lorera, cenobium.
25. Carusia, cenobium.
26. Sacellum S. Crucis.
27. Capucin, cenobium.
28. Annunciatz, cenobium.
29. Alexiani fratres.
30. S. Jacobi, parochia.

31. S. Laurentius. Xenodochium.
32. Praetorium, Palatium.
33. S. Margareta facellum.
34. Collegium Vanhianum.
35. S. Vitale cenobium.
36. Bogardi, nunc Fliederbeckensis, cenob.
37. Vinea S. Mariz, cenobium.
38. S. Gertrudis, parochia & cenobium.
39. Porta lapidea.
40. S. Spiritus porta.
41. S. Michaelis porta.
42. S. Quintini porta.
43. Lupina porta.
44. Molaria porta.
45. Praetens porta.
46. Franciscanorum porta.
47. Biffensis porta.
48. Leidenis porta.

49. Castrum porta.
50. Castrum, pedagogium.
51. Augustiniani, cenobium.
52. Albe Dominz, cenobium.
53. Clarissae, cenobium.
54. S. Donatiani collegium.
55. Patres Societatis Iesu.
56. Archidiaconi collegium.
57. Dalesae collegium.
58. Seminarium regium.
59. Collegium Theologorum duplex, Maius & Minus.
60. S. Annæ collegium.
61. Sacellum S. Antonij, vulgò Clericorum.
62. Pulchra Domus Vago.
63. Lipij domus.
64. Franciscani, cenobium.
65. S. Barbara facellum.
66. Dominiani, cenobium.

67. Peellianum collegium.
68. Magnum Xenodochium.
69. S. Eligij facellum.
70. D. Petri parochia.
71. Collegium trilingue.
72. Curia Senatorum.
73. Halla, sive Athenaeum.
74. Liliam, pedagogium.
75. Vicus artium.
76. Collegium Sabaudiae.
77. Collegium Iuris.
78. Falco, pedagogium.
79. Collegium Wiceliamum.
80. Collegium Posticum.
81. Porcus, pedagogium, & Standonck collegium.
82. Cranendonck collegium.
83. Druji collegium.
84. Hautele collegium.





quidquid fama attollat. Nam & Gygantes aiunt inhabitasse. At nos ad verticis hoc labrum eamus, nisi fallor, sub oculis omne opidum & vicina habituri. Videtisne? ô delectabilem adspectum! tanti fuit venisse, ut hoc frueremur. Quis pictor hîc est, qui delineet, & penicillo suo omnia loca effingat? potest: & vos adspicite. Ecce *Diui Petri, Michaelis, Gertrudis, Iacobi*, templa alia: ecce *collegia* illa atque illa, & notabiles etiam domos. Iterum desidero pictorem, & qui in tabellâ repræsentet.

Curavi tibi lector: atque ecce habes.

CAP. XV.

*De incendiis in hac urbe. tum de ade D. Petri, eius
Canonicis, & Prapósito. Denique de turre.*

AVD. At nobis magis suaue (nam oculis satis antè v-
furpauimus) per te discere initia præcipuorum ope-
rum, vel auctores. Hæc cupido nos tenet. LIPS. Id
quoque indulgebo, & paullum sedeamus. Tu mea, ac-
cipe munusculum, atque abi. Primum moneo, vetusta
aliqua ædificia frustra hîc quæri. non quin fuerint; sed
verè fuerint, & ignis violentia semel iterumque absum-
psit. Nam ecce memoriæ publicæ habent, principatu
Godefridi Primi Ducis, anno ∞. C. XXX. TOTVM
LOVANIVM *fortuito igne absumptum*. Auditis, *to-
tum*? itaque nihil superfuit operis vetusti. Surrexit ta-
men iterum, vel ex nouâ materiâ, vel rediuiuâ: iterum-
que *exustum penè totum* (eadem Memoriæ) *cum prima-
rio ipso templo*, annis paullò plus quadraginta à priore
flammâ.

flammâ. Ergo frustra ea, vt dixi, quæramus : quæ exstant, videamus. Conspicitis in vrbe mediâ templum *Diui Petri*. quis condidit? *Lambertus Primus* Comes, & honori huius Diui illud sacrauit, & opidum tutelæ commisit. Idem & Canonicos instituit : etsi alij ad filium eius *Lambertum Baldericum* referunt, qui etiam Bruxellæ in Diuæ *Gudilæ* collocauit. Certè iste *Decimas agri Louaniensis* iis legitur *adsignasse*. Initio septem fuerunt, iiq̃ue *Fratres* primò appellati: mox *Domini*, ad discrimen Minorum, qui accesserunt. Nam vt erat maiorum pietas, quidam & è priuatis opes suas huc contulerunt, & augendo collegio Canonicatus instituerunt. inter quos vnum *Simon Grindelius*, è Patriciis, anno ∞. c. LXIII. & post viginti quattuor annos alium, *Godefridus* Prætor vrbis. Alios deinde (nam ad octodecim peruenerunt) aut Duces ipsi nostri, aut item ciues. *Godefridus* quidem *Primus* Dux legitur duos instituisse, anno ∞. c. XL. Sed discrimen tamen erat, vt tetigi: quòd illi primi septem, opibus præminebant, & *Decimas* soli possidebant; donec anno ∞. CCC. XI. sponte illorum, Minores in diuisionem admissi, & sic æquales omnes facti. Sponte, inquam: & ô miram raramq̃ue benignitatem! nam iure laudanda est: & hoc æuum, vereor, exempla non donet. Sed hi Canonici: quibus *Præpositus* etiam, præter Decanum, velut caput præest, magna dignitas, & olim non nisi in Principum aut Procerum filios collata. Notantur certè ex Ducum nostrorum liberis, item è Lucemburgensium, aliisq̃ue. Adhæret dignitati honos, quòd is à nouo Principe, quoties auspiciâ imperij suscipit, iuramentum sollenniter exigat, capiatq̃ue:

piatque : in quo & *Aduocatos se Canonorum Diui Petri fore* profitentur. Equum deinde Principis, cui infidet, donatium habet : quem tamen olim *Cantor* vindicabat, & lis inter eos fuit. Est nunc in hac dignitate, vir eâ & aliâ dignissimus, *D. Georgius Austrius* : qui ipso nomine inclytum genus prodit, & virtutes pro genere habet. Amorem certè & cultum studiorum, quæ laudatissimi illius *Maximiliani Primi* nepotem decent. Sed heu, defero hanc ædem, & non sine gemitu : vt collapsa est ? quàm lacerâ & fœdâ nunc facie ? Mali fati (si ausim dicere) ea fuit, semper ignibus aut ruinis afflictâ. Nam præter incendia dicta, arsit etiam anno ∞. cccc. lviij. & tota edacibus flammis absumpta est : ipsum æs Campanum liquefactum : sed omnia statim reparata, & Turris intervallo aliquo addita anno ∞. 15. vii. id est, quinquaginta circiter post annis. Fuit ea inter egregias Belgicæ : sed ruinæ deformarunt. prima anno ∞. 15. lxx. mense Nouembri, me audiente & ad strepitum procurrente, sub vesperam ; iterum, anno ∞. 15. lxxviii. denique vltimò iam nuper Ianuario mense, ante biennium. Quis excitat & reponit ? calamitas temporum vetat, aut & frigus in talia, cùm ad suum modò quæstum priuatim quisque calet & callet.

CAP. XVI.

Reliquæ Parochiæ, & earum annuum percursum: & si quid notandum.

SVNT & alia illa Templâ maiora, quæ videtis, & quas *Parochias* (alijs *Paræcias* malunt) appellamus. *Diui*
L Mi-

Michaëlis portæ murorum veteri superstructum, anno ∞. C. LXV. Fallitur enim vulgus, qui vetustissimum censet. & quod *Chrisma* sacrum illinc petitur, & ad *D. Petri* deferitur; non ea causa est, sed quia in viâ Leodicensi est situm: *Chrisma* autem Leodico mitti olim solet, & illuc igitur decorè deponi. Sed partitio ipsa fit deinde in æde *Petri*, ut vetustissimâ, & primariâ. Turrim initio & hæc ædes habuit altiore: sed corruit cum vicinarum ædium detrimento, anno ∞. CC. XXV. neque iterum esteducta.

Tertia est *Dini Iacobi* ædes, ævo istis proxima: quæ anno ∞. CC. memoratur exstructa. Est in exteriori urbe, sed scire licet iam tunc ea loca ædibus hominibusque frequentia fuisse: & ideò templum novum aptatum. Neque alia item causa *Michaëlinæ* ædis superstructæ in portâ fuit, quàm ut vicinior atque opportunior esset illis suburbanis. Flagrauit *Iacobæum* de cælo tactum, anno ∞. CCC. L. reparatum est, & pars veteris turris etiam manet. Collegium Canonorum habet, sed ex translatione. primitus enim Eincuriæ fuit: agente autem apud *Nicolaum Quintum* Pont. Duce nostro *Philippo Bono*, anno ∞. CCCC. LVI. huc est translatum. Mouit eum, opinor, solitudo aut inopia opidi, sic etiam attollendi: mouit & Academiæ aspectus, quam Canonici decorè colerent, & ipsi ab eâ excolerentur.

Quarta, *Sanctæ Gertrudis*, quæ *Henricum Primum* Ducem auctorem inscribit. Condita est anno ∞. CC. VI. statim à *Iacobæâ*. Sacellum antea erat: fecit aut fieri curavit ille Princeps Parochiam: itemque *Canonicos*

cos Regulares ibi collocavit. Fama habet, turrim istam satis egregio opere, emolitos lanifices esse, idque collatio inter se ære: potentem hinc scilicet frequentemque tunc nationem. Canonici isti initio *Præpositos* habuere, fuitque primus *Franco* quidam, qui obiit anno ∞. CC. XXX. Sed anno deinde ∞. CCC. XLIII. *Henricus Furenensis* nomen *Abbatis* Romæ impetrauit, prætulitque. Non item successor *Henricus Rodius* (cuius, nisi fallor, maioribus) qui modestiæ amans illum *Præpositi* recepit, & duo item alij secuti. Tum *Gualterius Moliardus* iterum *Abbas*, anno ∞. CCCC. LXVI. & posteritenuerunt: inter quos nunc est & præsidet *Arnoldus Eynhoudtius*, pius, industrius, prudens vir, & qui cœnobium pulcherrimo ædificio auxit & ornauit. Est ab eo perpetua & magna *Porticus* circum hortos, in membra & cubicula supernè distincta: ad usum duodecim è nobili stirpe adolescentium (nam tales admittuntur tantum) quos hinc alij, & scientiæ ac pietate voluit informari. Insigne opus, & institutio: laus hinc auctori & gratia, præmium in melioribus locis esto.

Quintum, *Sancti Quintini* templum, structum sub idem cum priore æui. Non maximum, sed vel pulcherrimum, meo iudicio, inter omnia est: benè & aptè commensuratum, multâ luce vndique collustratum. Atque hæc nunc sunt quinque illæ *Parochiæ*: olim vnica *D. Petri* erat, mansitque ad annum ∞. CC. LII. Sed notant, grandi iam tunc populo, curas eius Parochi alleuandas fuisse, & quinque istas designatas, quas dedi.

CAP. XVII.

Vivorum Cœnobia.

SVNT & Cœnobia plura, aut Sacella: quæ lustrabo, & siquid dicendum videbitur, non omitam. Primi

DOMINICANI: qui & tempore sunt inter religiosos hîc primi. Venerunt in urbem, sub annum ∞. CC. XXVIII. haud diu sanè post primam institutionem. Sed locum iis suum assignavit & cessit (mira pietas!) *Henricus Tertius*, anno ∞. CC. LVI. Cessit, inquam, iis ipsâ Aulâ suâ, quam in Diliæ insulâ habebat, medio ferè urbis loco: quam Annales nostri *Bassam Curtim* (id est, *Inferiorem Aulam*) vocant, ad discrimen illius superæ, quam *Burgum* diximus fuisse. Ille idem Princeps templum, & alia, ibi struxit: exstantque ab illo ævo (satis notabile) ipsæ fenestræ vitreæ in Choro, quas ille & liberi donarunt. Fama tenet *Albertum Magnum* Ratiponensem Episcopum huc venisse, & altaria quædam in anteriore templo sacrasse, anno ∞. CC. LXXVI. Aiunt & discipulum eius, inclytum illum *Thomam Aquinatem*, comitem fuisse, & Evangelium de loco superiore cecinisse: ac pulpitem ipsum servant, quo ferunt vsum. Familiarem fuisse Principibus nostris, illud constat: & *Aleidem*, viduam dicti *Henrici*, ad eum Parisiis agentem scriptitasse, & consilia vitæ dirigendæ petiisse, atque accepisse.

FRANCISCANI à tergo adhærent, brachio fluminis diuisi. Ipsi in memoriis habent (nam alij aliter:) sed ipsis credi-

credimus, huc venisse quinquennio post *D. Francisci* mortem, qui esset annus ∞. CC. XXXI. non diu post Dominicanos. Initio fuere, qui *Gaudentes* vocantur: successere anno ∞. ID. II. qui *Coletani*: & post sedecim deinde annos isti, ex vero *Observantes*. Cœnobium vetus est: choris templi nouus, altus & illustris, structus anno ∞. ID. XXXVI. & consecratus IIII. Nonas Iulij, quem vt Dedicationis templi diem sollenniter nunc seruant.

AVGVSTINIANI cœperunt anno ∞. CC. LXIII. qui (sicut & Franciscani) stipe collatâ templum & ædificia struxerunt.

BOGARDI fratres, olim Laici, vt appellamus, & texendo vitam tolerabant; certis tamen inter se legibus & communione deuincti. Fuere ab anno ∞. CC. LXXX. vel antè. nam exstat tunc Diploma *Ioannis* Ducis, recipientis eos in tutelam.

MARTINIANIS tenue principium ab *Henrico V Velleo* fuit, in Diui Petri Sacellano, anno ∞. CCCC. XXXIII. *Fratres* initio dicti. Aucti numero & opibus, quindecim circiter post annos, mutarunt institutum, & *Canonici Regulares* facti, ex normâ Diui Augustini. Inter eos floruit, & famam studijs scriptisque fecit patrius meus maior, *Martinus Lipsius*: qui obiit in Eburonum terrâ, cœnobio, quod *Crucif-Lemum* dicunt, Præfectus: anno ∞. ID. LV.

CARTVSIANI cœperunt circa annum ∞. CCCC. LXXXIX: neque vnum auctorem operi inscribunt. Alij alias cellas dederunt: sed eminet *Ioannes Ouerhofius* Ant-

uerpiensis, Nassouiorum Quæstor. Fuerunt & duæ fæminæ auxiliatrices, *Margareta*, *Eduardi* regis Angliæ soror, vidua nostri *Caroli Audacis*; & *Maria Magdalena Hamalia*, vidua item *Guilielmi Croij*, vtraque pietate, & liberalitate in pios, insignis. Est in hoc Cœnobio spectabilis Porticus, magnitudine & opere: nec scio an hîc, aut in finitimis locis, alia comparanda.

PATRES SOCIETATIS IESV, primùm duo venerunt circa annum ∞. 10. XLII. Pietas & eruditio statim prouexit, plures accesserunt, & Collegium est factum: quod *Leuini Torrentij*, Episcopi Antuerpiensis, & amici nostri, liberalitate mirificè auxit, qui moriens opes suas ei legauit.

CAPVCINI vltimi, & per medias turbas ingressi. *Jacobus Bayus* Theologiæ Doctor, piè & liberaliter accepit, aream ædificiis, & hortos, itemque alia ipse largitus aut ab alijs impetrans, *Conditoris* nomen meruit habere.

CAP. XVIII.

Fæminarum cœnobîa, aut cœtus.

SUNT & Fæminarum sacri cœtus, omni sanctimoniâ & castimoniâ compositi: quæ precibus hymnisque Deum die & nocte venerantur ac placant. Sunt

BEGINÆ, non propriè aut strictè Religiosæ, sed quæ tamen eas æmulantur. Æuum earum vidi in templi lapidibus sculptum: *Anno ∞. CC. V. hæc curia incepit.*

HOSPI-

HOSPITALE magnum, siue Xenodochium, *Diue Elizabethæ* sacrum. Institutum ab *Henrico* illo *Tertio*, qui Dominicanos: & sub idem ferè tempus.

ALBÆ DOMINÆ quæ vocantur, primùm fuere *Conuentus pœnitentium*, ordinis *S. Mariæ Magdalene*. Mutarunt, & assumpserunt *S. Victoris Parisiensis*, anno ∞. CC. LII.

S. VRSVLÆ in mediâ Plateâ, cœpit à priuatâ liberalitate *Elizabethæ VVeseliæ*, quæ vidua domos ibi in ipso loco suas, & hortos, & vineas, legauit hoc fine: anno ∞. CCCC. XV. Sunt *Regulares*, & *Priori Bethlemitico* subiectæ.

GRISÆ SORORES, à leucophæâ veste. Dicunt se à ducentis annis huc venisse, è cœnobio Thenensi. Subiunt *Abbati Gertrudano*.

NIGRÆ SORORES, suâ ipsæ industriâ surrexerunt. Vna aut altera cœpit, & curâ agris impensâ (nunc quoque faciunt) nummulos corrogarunt, domum emerunt. Aliæ iunctæ sunt, in regulam *S. Augustini* transierunt anno ∞. CCCC. LXII. Templum paullò post struunt, quod consecrauit *Libertus* Episcopus Berytensis, anno ∞. CCCC. LXXVIII.

CLARISSÆ, id est *D. Clara* asseclæ, ordinis *Diui Francisci*. Instituit nobilis matrona *Catharina Oppendorpia*, vidua *Joannis Bloisy*, Equitis, anno ∞. 15. XVI.

SVB-CASTRENSES, vt vocantur, Ordinis *Cister-tiensis*: quibus conditor *Gualterus Templius*, vir nobilis:

lis : & accessit in partem eadem *Catharina Oppendorpia* iam dicta. Anno ∞. 10. XVIII. Abbatissam habent.

ANNVNCIATÆ, Ordinis *D. Francisci*. Prima institutio in Galliâ à *Ioannâ*, filiâ *Ludouici Vndecimi* regis, vxore autem *Ludouici Duodecimi*. Cui cùm diu ante regnum nupisset, *Duci* adhuc *Aurelianensi*; in ipso regno, suasu ministrorum, & suo ambitu, ne Britanniae Ducatus abalienaretur, *Annam* eius Ducissam vxorem cepit, hac dimissâ. Causa diuortij, metus præferebatur, & quòd non sponte duxisset: neque ista opposuit, & libens ad alterius æternique regis cultum se conuertit. *Ducatum Bituricensem* donum acceperat, cuius fructibus se tolerauit, & alia piis vsibus impendit. Instituit has Virgines, in honorem cultumque *DIVÆ VIRGINIS*, anno ∞. 10. I. Diffusæ sunt in Belgicam, & Brugas venerunt: illinc huc parse earum traducta, faciente *Mariâ Hamaliâ*, de quâ dixi. Ingressæ primitus *vinginti* sunt, è quibus *sex Brugenses*, quæ regimen aut exemplum nouellis essent.

C A P. X I X.

Profana aliquot loca.

ABSOLVI. an & pauca in profanis opidi locis noto? sed pauca. Ecce *CVRIA* ista spectabilis est, siue Senatorum domus: tota è secto per artem lapide, figuris & emblematis variè ornata. Magnitudo iusta est, symmetria bellissima: & insigne maiorum elegantiae vel opulentiae monumentum. Exteri cùm vident, laudant, an & inuidet dicam? Strui coepit anno ∞. cccc. l. & intra

intra decennium (ita notant) est absoluta. Causa struendi, abominatio prioris Curiae, illius infastae Foro veteri, vbi Patriciorum laniena, quam descripsi. Ab eo tempore abhorruerunt adire Senatores, & in Sagittariorum ædibus conuenerunt, donec hoc opus absolueretur.


TURRIS in mœnibus, longè conspicua, quam *Impense perditæ* vocant. Laterculo muri introrsum structi, lapide deinde candido vestiuntur: rotundâ formâ, in altum æquabiliter surgit, non in alium (& hoc fine factam credo) quam Speculæ vsum. Circumiecta enim ad *quatuor millia* passuum, & ampliùs, vndique detegit. Structa, anno ∞. CCC. LXIII.

CATARACTES pulchro & operoso opere, in ipso *Dilia*, atque illi coërcendo, aut dispensando, anno post *Turrim* illam factus. Qui tamen ex insidiis urbem, meo æuo, pænè oppressit. Nam ecce, anno ∞. ID. LXXIII. cum ingentes pluuiæ fuissent, & nix item soluta, VI. Idus Ianuarias, negligentia Curatoris euēnit, vt obijces parum in tempore leuarentur, aquamque transmitterent. Stetit se annis igitur, & magnâ mole intumuit, & mœnia iam ipsa æquabat; quæ iuxta Cataractem denique perrupit, & toto impetu urbem inuasit. Pecudes, & hominum quosdam abstulit, ædificia deiecit, libros corrupit, vt aliam supellectilem & penum ciuium omittam. *Theodorus Canterus* noster, in selectâ Bibliothecâ suâ ingens tunc damnum & maiorem accepit.

IVSTI LIPSI
LOVANIVM:
siue
OPIDI ET ACADEMIÆ EIVS
DESCRPTIO.
LIBER TERTIVS.

CAPVT PRIMVM.

Initium Louaniensis Academia, & hinc condita causa.



ED heus amici, an non fatis iam vidimus, fatis sedimus, & fatias etiam sermonum vos capit? AVD. Nos? vt verfu tibi dicam,

Ante diē clauso componat vesper Olympo.

At te ne fatigemus, illa cautio est. LIPS. Ergo surgamus, in urbem vorforiam capiamus. nam & Sol in meridiem inclinat. Descendimus, & in viâ iterum eramus, cum AVD. Urbem habemus, sed præcipuum eius membrum, an animam dicam, omisisti, publicam Scholam, & quam *Academiā* solemus appellare. Animam dixi. quæ enim vita aut vigor sine eâ huic opido sit? quis adue-

adueniat, aut frequentet? Nos certè exteros non congeries hæc lapidum, aut pratorum colliumque adspectus trahit, sed Musa & Minerva, quæ hîc sedem habent, & tu earum sacerdos Lipsi. Age, originem eius explica & progressum: quod nos aliosque iuuet nouisse. L I P S I. Non hercules inuitus fecero: & quis sermo magis me delectet? Miles castra aut prælia, rusticus agros & segetes loquitur: hæc mea castra sunt, hic ager quem colo, hîc seges aliqua gloriæ, quam meto. Ordiamur. Cùm Louanium seditionibus, vt dixi, afflictum & paulatim vacuefactum esset, mercimoniis plerisque in Angliam aut aliò dilapsis; miseratio & cura Principem etiam nostrum habuit primariæ vrbis instaurandæ, & aliâ aliquâ viâ frequentandæ. Hæc occurrit, quam in manibus tunc habebat. Præerat nobis *Joannes* Dux, miti imperio: & cùm bella cessarent, artium amor subiit, & exemplum etiam, quod aliæ iam prouinciæ præbebant. *Coloniæ* enim & *Lutetiæ* Academia erat: cur non florens & copiosa hæc Belgica haberet? cur liberos suos magno impendio ad longinqua loca mitterent, prompto, sub manu & oculis eos habere? Itaque voces iam & consilia apud Principem: ac didici *Engilbertum Nassouium*, in flagrante tunc gratiâ, & animi honestum, præcipuum auctorem fuisse, & *Joannem* ad Academiam instituendam perpulisse. Vbi de re sedit, de loco deliberatum est; & multi *Mechliniam*, aëre & munditiæ commendabilem, suggerebant: sed vicit *Louanium*, præter miserationis adspectum, quem dixi, quòd ingenio loci hominumque non alia vrbs aptior otio studiorum videretur. Et benè iudicasse, quis non iudicat?

M 2

Situ

Situ quid salubrius, vel amœnius? Aër purus & ridens: loca passim vacua & delectantia, prata, agri, vineæ, luci, & rūs, vt rem dicam, in ipsâ vrbe. Mœnia conscende, & perambula: quæ subiecta facies? cuius frontem animumque non explicet ista, rara alibi, & delectabilis varietas? Hîc segetes, poma, vix crescunt; hîc pecudes balant, aut mugiunt; ibi aues garriunt & cantillant. Iam pedes aut oculos extra mœnia effer. sunt riuuli, aut flumen Dilia, vago flexu; sunt villæ, aut Cœnobiâ; est superbum illud Prætorium *Heuerléa*; arboreta, aut siluæ intermixtæ; & vbique meræ locorum deliciæ. Nam de hominibus ciuibufque, quid prædicem? Solem non videre magis ad humanitatem & benignitatem factos. Appello vos, qui insedistis: probitatem & candorem vidistis, officia & alacritatem ad ministrandum. Itaque mirabile, & verum est, velut Homericam Ioton hîc esse; & qui semel gustarunt, vix auelli, aut auulsos desiderare identidem & respectare. Hæc ipsi sensimus, hæc ab aliis audiuius: & ô salue amœna & amata nobis vrbs,

*Saluete Athenæ nostræ, Athenæ Belgicæ,
O fida sedes artium, ô fructus bonæ,
Lateq; spargens lumen & nomen tuum!
Te Gallus, & Germanus, & te Sarmata
Inuist, & Britannus, & te duplicis
Hesperie alumnus. quàm frequens frequentia
Stipauit olim, & aduenarum copia!
Quæ minuit aliquid ciuicus, fateor, furor
Et Mars cruentus: sed fuere, quis neget?
Et fructus etiam apparet. ô quot millia
(Ita dico) protulistis insignes viros,*

Auxi-

*Auxilia vel consilia publicæ rei?
 Quot Famæ in æde consecrastis nomina,
 Perennibus victura scriptionibus?
 Et porro proferetis, & sacrabitis,
 Si donat aliquam mitior pacem Deus.
 Donabit autem. vota vos modò & preces
 Concipite, & in partem aduocate Virginem,
 Patrona quæ vestra audit, & Dei parens.*

CAP. II.

*Martinus Quintus approbavit. Natalis Academia,
 & Lætionum.*

SED hem, ne extra lineam me eiiciat affectus. A V D.
 Sæpè sic eiiciat, & tu tales voces: sed perge. LIPS.
 Decreto igitur iam de Academiâ, & de loco: visum mit-
 tere legatos ad Pontificem, cuius veniâ & auctoritate o-
 pus erat ad instituendam grauiorum artium Scholam.
 Præerat tunc Ecclesiæ *Martinus Quintus*, è gente *Co-
 lumniæ*: id est, primariâ Latij familiâ, & quæ bello ac
 pace insignia lumina rei Christianæ dedit. Sed hic Pon-
 tificex bonarum etiam artium sciens & cupiens erat: eoq;
 faciliùs de Academiâ impetratum. Diploma datum est
 signatumque, anno .m. cccc. xxv. quod nobis con-
 stat, & hîc asseruatur: frustra exteri ambigunt de anno
 sequente. Potestatem faciebat amplam omne genus ar-
 tium docendi, doctos producendi & titulis honoribus-
 que afficiendi: solâ tamen Theologiâ, reginâ scientia-
 rum, exceptâ. Quid mouerit, nescio: fortassè vulgare
 doctrinam eam & spargere, haud ex vñ censuit, neque

M 3

campum

* Iacobus,
Hollandiae
Comite.

campum nimis aperire disputationibus & sermonibus super rebus diuinis. Quod tamen ipse abnuit, statim post annuit *Eugenius Quartus*, quinto ipso anno à Scholâ institutâ: cum super hac re legatos ad eum *Philippus Bonus*, tunc noster Princeps, misisset. Nam *Ioannes* magno illi operi haud diu superfuit; vix famam etiam, nisi ab eo, & discidio cum * vxore, habiturus. Sed à Diplomate primo impetrato, non statim etiam lectiones habitæ, ne erretis: & reiectæ ex in annum sequentem, id est *vigesimum sextum*, fuerunt. Quid ita? credo, quia Scholæ cathedris sedilibusque instruendæ; quia Doctores eligendi; quia ipsa iuuentus conuocanda erat. quod fecit publico edicto *Joannes*, & in eo inuitat exteros & indigenas ad nouam Scholam: *inquâ*, inquit, *Doctores & Magistri lecturas suas, quilibet in suâ facultate, & alios actus Scholasticos, secundâ die mensis Octobris, inhababunt.* Ecce, auspicalem diem videtis, ipso Duce sic adfirmante: & hodie hæc Schola seruat, & illo exemplo, eo die lectiones quotannis renouantur, siue ipso nostrorum verbo, resumuntur. Hoc ita verum videtur: tamen aliæ memoriæ, itemque diligens talium *Ioannes Barlandus*, tradiderunt Septembri mense initium factum, idque pridie *Natalem Diæ Virginis*. Credo utrosque vera dicere. sed hos de auspiciis primis loqui, id est, cum velut in possessionem missi professores sunt, & oratio publicè habita est, magno Procerum conuentu (nam & id notant) perorante *Nicolao Prunio* Iuriconsulto. Sed oratio tantum: & lectiones dilatae in sequentem mensem, ut dictum.

C A P.

CAP. III.

Regimen Academia, Rector, Conseruator, Promotor, Senatus. obiter & de Cancellario.

INITIVM Academiae habetis : noscite & faciem aliquam eiusatque administrationis formam. *Rector* & *Senatus* sunt qui regunt, & *Dux Joannes* olim, monitu Pontificis, omne ius suum in eos contulit, ac liberam potestatem in Studiosos permisit. *Rector* à Senatu Academico creatur, idque singulis semestribus, ut nunc res habet. Antea reperio, trimestrem modò dignitatem fuisse, atque id durasse ad annum ∞ . CCCC. XLVI. id est per viginti circiter annos. Atque inter primos illos laetis animi oculis vidi *Ioannem Eeckhoutium*, nobilem virum, è maioribus meis : qui patris mei auunculus maior, in Burgundicâ aulâ postea vixit obiitque. Magna est hæc dignitas, & splendorem ei dant Accensi, siue *Bedelli*, ut vocamus : quorum vnus, prælato grandi argenteo sceptro semper præcedit & ducit, famulis sequentibus, interdum & octo præeunt, cum suis quisque sceptris, sed in sollenni processione, aut die festo. Obuertunt omnes ora, venerantur & cedunt : atque alius quivis honor fasces huic submittit. Dicamne etiam ? sed narrantium fide. aiunt *Carolus Quintum*, Imperatorem illum verè Augustum, cum fortè hîc esset, loco cefsisse, & latus Rectori texisse. Magna humanitas, si non debuit, magna, etiamsi debuit. Amplius, insigne potestatis purpuram gestat, & in humeros extensam epomis dem reicit, cuius oræ pellibus variegatis prætexuntur.

Capu-

Caputium vocant, nec abs re: nam olim caput eo velare solent, & sic gestare. Hoc palàm liquet ex Pontificio diplomate, in quo Rector describitur & ornatur: estque à Principum imitatione & exemplo, quorum talis ille olim cultus. Hic Rector, ut tètigi, ius omne in Scholasticos habet, causas audit, decìdit, mulctat, punit. Cui rei *Promotor* etiam est (sic Prætorem nostrum appellamus:) qui iubente aut consentiente Rectore, neque aliter, manus iniicit, in custodiam & vincula etiam ducit. Grandioris noxæ conuictos punit, vel capite, si visum est, sed rarò visum: & omnis ista iudiciorum seueritas in pecuniarias ferè mulctas definit; mitigatque crimen vel ætas adolescentiæ, vel & fauor qui studiis debetur. A V D. Ita discimus. sed inuisum hoc *Promotoris* nomen vnde ductum? LIPS. Neque ego satis scio. an quia ius promouet, & lites intentat? vnde unde, de munere constat: & in eius aui vocibus nec Varro satis Latinos fontes indaget. Barbara multa sunt, ab Italis aut Gallis inuecta: quod notare potuistis & in *Bedellis*, quos scitiùs alij putant dicere *Pedellos*. A V D. Alia etiam quæstiuncula. recens ego à Batauis sum: neque Rectoris ibi tam magna & mera potestas. Apud vos autem hoc ambigo. si ciuis cum Studio agat, aut contrà, quod forum aut iudex est? LIPS. Distinctè dicam. si ciuis agit, rei forum sequitur, id est ad Rectorem venit: si studiosus in ciuem, aliud huic rei tribunal repertum est, neque ad vrbani aut sæcularem magistratum itur. Est enim *Conseruator* (nomen illi, quia iura nostra tuetur & seruat:) qui tribunal suum habet, & Adfessorem iuris peritum, ad quem causæ hæ tales coniciuntur & aguntur. Imò licet
ad

ad eum è totâ Brabantia euocare, etiam æs aut aliud debitum petere: magno studioforum commodo, qui domo se, aut certè opido, non mouent. Quid si aliquis non pareat? dices. Scito igitur Ecclesiasticum hoc tribunal esse, & idèò telum aut fulmen *Excommunicationis* posse exferere: quod item Rector. Qui autem & hoc contemnunt, in eos Iudex à seculo aduocatur. Singulare hoc ius est, & olim ac nuper (ego vsus sum, & scio) latè obtinuit: nunc peruicaciâ opidorum, quæ suos tuentur, itèmq; remissione aut frigore nostrorum, restringitur: & causas alias non dico. Si tamen sic pergitur, breui non nisi nomen & memoria eius erit. Huic muneri solet præfici aliquis Antistitum, & ferè *Abbas Gertrudanus*, qui in vrbe agit. Est & alius in Academia honos, super illum *Conseruatoris*, quem *Cancellarium* dicunt. Is iurisdictione abstinet, dumtaxat titulos & honores, exactis studiorum spatiis, auctoritate Pontificiâ confert: dico *Magisterij*, *Licentiæ*, *Doctoratus*, vt Academicarum mos nunc habet. Hoc munus vindicat *Præpositus Diui Petri*, & illo absente *Decanus*: ac proximum à Rectore in conuentibus publicis locum tenet. Dixi regimen & capita: sed *Senatum*, qui omnia adgubernat, quem appello? Quinque classes, siue vt loquimur *Facultates*: *Theologiæ*, *Juris Canonici*, *Juris Civilis*, *Medicinæ*, *Artiumq;*. In has Doctores omnes veniunt, adsciscuntur & aliqui non doctores, vt prudentia aut vsus ab iis suadent: in illam autem *Artium*, præcipui è Magistris. Hæc & *Decanum* habet, seorsim in consessibus honestandum. Hic Senatus Rectorem, vt dixi, creat: idem omnia moderatur & temperat, & Re-

N

ctor

*Et*or et si nomen magnum, tamen potentiâ ferè vt Veneratorum Dux est, & à Senatu suo pendet.

CAP. IV.

Hala nostra, sine Schola publica: item Padagogia, & Collegium trilingue.

HÆC administratio & regimen est Academia: quæ studiorum ratio, fundamenta, aut adiuumenta, dicam. Primum, est publicus locus, vbi tres primariae scientiæ docentur, *Theologia, Iurisprudentia, Medicina*: prima, inferiùs; supernè duæ reliquæ; & sunt auditoria in vniuersum quinque. Ædificium vetus est, nec huic vsui primò structum: structum autem lanificibus, cùm ij in flore essent, anno ∞. CCC. XVI. quod duplex inscriptio parietibus inserta docet. Vocant *Halas*, vt solent ista hominum aut mercium receptacula: liceret Latine *Basilicas* dixisse. Vt autem nunc vsus est, *Athenæum* appellemus; & huic rei, id est auditioni præcipua membra adaptarunt. Scitis etiam me ibi docere, & Historias aut antiquitates explicare. Sed præter hunc locū, qui liberis auditionibus seruit (nemo enim adigitur:) sunt etiam *Padagogia* quattuor, vbi strictior disciplina, & pueri vel adolescentes in primis artibus, atque ipsâ Philosophiâ maximè, instituuntur. Egredi, aut abesse, sine veniâ non fas: & præceptores ius suum tenent, & tempus non temerè dispensant. Sunt ea quattuor, *Lilium, Falco, Castrum, Percus*: ita enim nomina ab insignibus suis habent. Denique tertius est locus, linguarum notitiæ destinatus, quem à re vocant *Collegium trilingue*:

gue: nam *Hebraica*, *Græca*, *Latina* illîc præceptores suos habet. Alio nomine *Buslidianum* dicitur, nimirum ab auctore *Hieronimo Buslidio*, Præposito Arienfi, gratioso apud *Carolus Quintus* viro, & qui moriens opes suas in studiorum vsus communiter reliquit. Neque enim propriè Collegium tale instituit; sed vertit & flexit eò Curatores testamenti *Erasmus Roterodamus*, qui iacere partem hanc istîc videbat, & dolebat. Viros aliquot insignes, & Professores habuit: inter eos *Petrum Nannium*, qui alios post se, vt meum iudicium est, reliquit, & fortassè relinquet. At nunc iacent ibi omnia & silent: heu tempora, an & heu iudicia dicam? sed refræno. A v d. At non ego; & publicum desiderium votumque est, præsertim *Græcæ* linguæ. Quando habebimus? LIPS. Tempestiuitas expectanda est: tamen & ego eos qui præsumt hortor intendere, & illud *Tertulliani* seriò cogitare: *Litteraturam, instrumentum esse ad omnem* De Idolat. *vitam*. Vetus etiam versiculus est,

Διπλοὶ ὁρῶσιν ὁ μαθόντες γράμματα.

Qui litteras didicere, bis tanto vident.

CAP. V.

Collegia alenda iuuentuti, Theologia, Iuris, miscella.

PERGAMVS. nam & aliud Collegiorum genus est, vbi non tam docetur, quàm alitur iuuentus, & subsidia studiorum in certos annos habet. Pulchrum inuentum, & quod in Angliâ magnificè vsurpatur: neque treddam in orbe terrarum simile esse, addam & fuisse. Magnæ illîc opes & vectigalia: verbo vobis dicam? vnum

N 2

Oxo-

Oxonienſe collegium (rem inquiſui) ſuperet vel decem noſtra. At nos plura, & ſparſa habemus: primumque omnium inſtituit, quod *Theologorum* dicitur, *Ludovicus Rijckius*, vir hîc Patricius & Principis Quæſtor. Ipſe, inquam, inſtituit anno ∞ . cccc. xlii. ſed alij auxerunt, & fundamentis ab eo iactis, vt ſic dicam, ſuperſtruxerunt. Diuiſum eſt, & vt facilius regimen eſſet, alterum factum, quod *Paruum* appellant. Accepi *Befſarionem* Cardinalem (ô magnum in Græcis virum!) hîc fuiſſe, & hoſpitio exceptum, memoriam ſui reliquiſſe, Biblia manuſcripta. Id fuit anno ∞ . 15. xiii. cùm Legatus à S. Sede in Belgium eſſet. Eminent iisdem Theologiæ ſtudiis dicatum, *Collegium Pontificium*, ab auctore *Hadriano Sexto*, poſteà Pontifice: ſed cùm cœpit, Decanus hîc in æde Diui Petri erat. Alij etiam auxerunt; & indiſtriâ ac probitate Præſidum incrementa cepit, ac nunc capit. Alia ſunt, ſacrata ſacris etiam ſtudiis, ſed minora: & ſatis ſit in deſcriptione vrbiſ, breuiculo inſeruiſſe. At in Iure primum fuiſſe opinor, quod *Diui Iuonis* titulo dedicarunt, & *Collegium Iuris* appellarunt. *Robertus à lacu* præcipuus auctor, alii que deinde ſtudij eius Antecceſſores, anno ∞ . cccc. lxxxiii. Succeſſit quadriennio poſterius *S^{ti} Donatiani*. quod nomen ita habet, quia primus auctor, *Antonius Haueron*, Præpoſitus eius ædis *Brugis* erat. Ille cœpit, & domum ac vectigalia aliqua dedit, ſed tenuiter: poſteà *Joannes Carondeletus*, Episcopus Panormitanus, apud Cæſarem gratioſus, reparauit, ornauit, auxit, ſic luculentè, vt meritò alter conditor habeatur. Eſt & tertium *VVinckelianum*, Iuri dicatum, etſi (quod mireris) à Doctore medico

Ioanne

Ioanne VVinckelio, anno ∞. 15. LII. Ab his exemplis alia successerunt, aut & quædam præiuerunt: sed longum sit referre, nec possim nisi referre. Duo tamen sunt ædificiis conspicua, *Sabaudianum*, & *Dalianum*: atque illud iuuentute etiam frequens satis est, & floret; hoc minimè, sed ob splendorem Princeps sibi in Palatium lêgit & huc veniens eò diuertit.

CAP. VI.

*Vetus Academiarum specimen in Oriente, itemq³
Acthiopiâ, Africâ, Nouo orbe.*

DE Academiâ, mei iuuenes, alia non habeo quæ vtiliter dicam. A V D. At ego, quod quæram. Scire lubet, & sæpè cupido fuit, an & antiquitus in Græciâ aut Latio Academiarum iste mos, & tali disciplinâ atque exercitio habita iuuentus? L I P S. Fuit, & non fuit. Loca habuisse studiis destinata, id verum est; talibus studiis haud prorsus, neque hac item facie aut formâ. Longiùs repetam, & peregrinabor paullisper, iucundâ recordatione, per orbem terræ. In Oriente, vnde omnia bona & pulchra, reperio Academiam in Iudæâ fuisse, quæ *Dabir* dicta, & priùs vocabatur *Cariatsepher*, id est ciuitas litterarum. Græca Biblia, Τὸ ὄνομα δαβὶρ. ἡ πόλις γραμμάτων τὸ πέρτερον. Iosue cap. XV. & XXI. Sed & opidatim præterea Scholas habebant, quas suo nomine *Batte Midras* vocabant (à peritis sic accepi) instituendæ pueritiæ. In Ægypto olim *Sais* & *Heliopolis* fuere, & artium ibi doctores Sacerdotes. Homerus eò discendi causâ, Solon, Thales, Plato, alij iuerunt: & sacræ litteræ palàm, *Moyse* in-

N 3

stitutum

stitutum omni disciplinâ *Ægyptiorum* : ergo loca fuere,
 ubi docerentur . Inter quæ *Alexandria* postmodum e-
 minuit, & iam à conditore illo coepit. Multa exempla,
 sed illustre de *Iulio Cæsare* : qui cum post Pompeij ne-
 cem eò venisset, τὴν πόλιν ἀεικλόν, ait Appianus, τὸ κάλ-
 λος ἐθαύμαζε, ὃ τῶν φιλοσόφων μὲν τὸ πλῆθος ἐς ὧς ἠκοῦντο·
 urbem circumiens, mirabatur pulchritudinem, ἔς τὸ
 inter plebem Philosophos audiebat : nempe in publicis
 auditoriis & gymnasiis. Sacras etiam ibi litteras ab an-
 tiquo floruisse, Eusebius Cæsariensis docet, ubi de Pan-
 tano. *Docēbat is*, inquit, *Alexandria*, ἐξ ἀρχαίης ἔθες τὸ
 διδασκαλεῖς τῶν ἱερῶν λόγων παρ' αὐτοῖς συνησθότος, ὃ καὶ παρ' ἡ-
 μᾶς ᾤδατείνεσθαι : cum ex antiquo Schola illic constituta es-
 set sacrarum litterarum, quæ ἔς ad nostra tempora per-
 uenit. Viguit & Medicina, ex Ammiano, & quidem
 eximiè : adeò, inquit, ut pro omni experimento sufficiat
 medico, ad commendandam artis auctoritatem, si *Ale-
 xandria* se dixerit eruditum. Ostendit idem scriptor,
 in eadem urbe doctrinas varias semper floruisse : donec
Aureliano imperante ciuilibus dissidiis concussa, amisit
 regionis maximam partem, quæ *Bruchion* appellatur,
 diuturnum prestantium hominum domicilium. Igitur
 is locus fuisse videtur, ubi auditoria, & domicilia docto-
 rum : etsi mox surrexerunt iterum studia ostendit. Certè
 Gregorius Nazianzenus, ἐργαστήριον πάσης παιδείας, offici-
 nam omnis doctrinæ, appellat : & diu post (id est ante an-
 nos cccc. & quod excurrit) *Beniaminus* Iudeus scri-
 bit, se extra urbem ad discium vidisse magnum ἔς spatio-
 sum, quod fuisse dicebatur *Aristotelis GYMNASIVM*,
Alexandri praeceptoris : in quo VIGINTI ferè Schola
 sunt,

11. Ciuil.

Lib. v. Ec-
clef. Hist.

sunt, à TOTIVS ORBIS hominibus olim frequentata. De Aristotele, remitto : reliqua veritatem habent. Iam in alio Oriente, item Scholæ. De Indis, certum est Brachmanas & Gymnosophistas fuisse, & cœtus suos docendi discendique habuisse. Manent hodieque, & nomen ipsum Brachmanum durat. At in Iaponiâ, Bonzj sunt : & ij magnos discantium cœtus in primariis opidis habent, & legi, qui cum Parisiensi aliquâ Academiâ componant. Quid in Africâ ? omitto Abyssinos, quos qui nuper lustrarunt, aiunt iuventutem litteris & Philosophiâ imbui, & nouo nobis more, ad Scholas ire in elephantis. Sed de viciniore Africâ, certum est olim studia viguisse, & Al-manzorem regem, iis propagandis, in opido Maroco superba ædificia instituisse : de quibus Joannes Leo testis atque arbiter oculatus : Templum esse, quo maius vix reperiatur in toto orbe : in cuius Porticu centum circiter librariorum officinas, itemq; alias totidem è regione fuisse. Præterea, Collegium ibi nobilissimum, in quo triginta Aula, siue Atria, & in medio vnum amplissimum : ubi legere publicè solent, dum vrbs ea, & ibi litteræ, florebant. Sed hæc omnia periisse, vel certè vacua & sine vsu, iam suo quo (Leonis Decimi Pontificis) fuisse : & quod reliqui, Fessam migrasse. In hac ipsâ Fessâ, ducentas ferè numerari Scholas, quarum quælibet formam habet amplissimæ Aula : & in ambitu dispositi gradus, quibus pueri ceu sedilibus vtuntur. Dicit præterea, & publicas Scholas esse, quas aliter tamen non describit. Item, notabile : præmia fuisse etiam Poëtis. atque eos solere, certo anni tempore (quamdiu reges ex Marinorum familiâ imperarunt) in regiam venire, ibi carmen

carmen è loco eminentiore, presente rege aliisque, ut in theatro recitare: & qui victor iudicatus esset, equo insigni donari, item ancillam feminam, centum aureis, & veste quam rex indutus tum fuisset. Ceteris etiam omnibus, qui certassent, quinquaginta aureos adnumeratos. Considerate, magnus ingeniorum honos & excitatio fuit: ubi in nostro ævo aut orbe reperienda? Quid etiam? ad Novum orbem ibo? Sanè ibi barbaries: sed tamen apud Mexicanos lego, Scholas in Templis fuisse; & ad eas, diuites præsertim nobilesq, filios suos misitare solitos ab anno ætatis quinto: ubi à præceptoribus suis docebantur, cœreabantur, neque egredi fas erat. Et ad usum iuuentutis huius, terra & agrierant, è quibus fructus & annonam colligebant.

Lupus Go-
mata.

CAP. VII.

Idem in Graciâ, Asiâ, Italiâ, & Romæ.

AD notiora, & propiora venio. Et de Graciâ, quis ambigit? aut quis nescit, acceptam ab Orientalibus doctrinam, non ibi solùm profeminasse, sed in Asiam, Italiam, Galliam, Hispaniam, Siciliam propagasse? Ita res est: & ubicumque Græcanicæ coloniam, coctus statim & exercitia doctrinæ. In ipsâ Græciæ Bæotiâ, vetustam Scholam re-
Lib. VII. perio Mycalessi: quam Thucydides fuisse ostendit Peloponnesiaco bello. Narrat urbem eam ex improviso à Thracibus captam, & inter clades præcipuam fuisse, quòd Ἀπιδεσόντες διδασκαλείῳ παίδων (ὅπερ μέγιστον ἡ αὐτῶν, καὶ ἄρτι ἔτυχον) παῖδες ἐσεληλυθότες) κατέκοψαν πᾶσι: incidentes in ludum litterarium (qui MAXIMVS ibi erat, &

& pueri etiam paullo antè ingressi) omnes interfecerunt.
 Sed hanc & alias vetustate, opinor, certè celebritate &
 gloriâ, *Athenæ* superarunt. de quibus Iustinus: *Litteræ*
ac facundia, & hic civilis ordo disciplina, velut TEM-
PLVM Athenas habent. Adeoque super reliquam Græ-
 ciam fuerunt, vt Philo scitè scripserit: ὅπερ ἐν ὀφθαλμοῖς
 κῶρη, ἐν ψυχῇ λογισμὸς, τὸτ' ἐν ἐλλάδι ἀδύναι: *Quod pu-*
pilla in oculo, in animâ mens siue ratio, hoc in Græciâ A-
thenæ. Atque alius breuiter, ἐλλὰδος ἐλλάδα, *Græciæ Græ-*
ciam, eas dixit. Hanc vltra laudare aut describere, sit
 Soli lucem dare: fatum eius deplorandum est, quòd iam-
 tum *Synesij* tempore (sub Arcadio & Honorio vixit) *nil* Epi. cxxx-
vi.
nisi mellis ferè opifices illic agerent, bonâ omni arte in
 exsilium pulsâ. Nunc autem vicus est, & paucule etiam
 domus. Post *Athenas*, *Rhodus* in famâ & frequentiâ ma-
 ximè fuit: & celebres in Asiâ vrbes, *Ephesus*, *Tarsus*,
Mitylena, & quas longum sit numerare. In Italiam ve-
 nio, atque ibi statim *Thurij* occurrunt. quorum legisla-
 tor magnus ille *Charondas*, inter alia sciuit, τὰν πολιτῶν
 τὰς ὁμὰς ἀπαντας μανθάνειν τὰ γράμματα: *Cinium* OMNES Diod. lib.
xii.
filios discere litteras. Et quia videbat fore, vt pauperes in-
 opia fortasse non possent; amplius statuit, vt e publico
ciuitatis arario honoraria preceptoribus soluerentur. Di-
 gna lectu, quæ in laudem eius instituti Diodorus pruden-
 ter adiungit. Occurrit in eadem Italia *Heraclea*, *Meta-*
pontus, & *Croto*; vbi Pythagoras etiam ille (ait Liuius)
cætus habuit iuuenum, æmulantium studia doctrinæ. Iam
 in Italia interiore *Falisci* fuerunt, & nota eorum Scho-
 la perfidiâ magistri, & generoso Camilli facti. Nec lon-
 gè *Gabij*: quò, vt ad publicum ludum, ablegatos Ro-
 mulum

O

mulum

Agellius
lib. xvii.
Noct. cap.
vlt.

mulum & Remum Dionysius ac Plutarchus faciunt, ibique *institutos Græcanicis litteris, item musicâ, & tractatione armorum*. Quid *Tusculi*? Lilius apertè, in Dictatoris Romani ingressu, *ludos litterarum strepuisse discientium vocibus*. Sed ipsa iam *Roma* me vocat, illæ Athenæ, vt sic dicam, nostri Occidentis. Ea enim vrbs, postquam ipsa litteras accepit, statim vnà cum imperio diffudit & sparsit in has omnes terras. Accepit autem, paullò post Punicum primum bellum; cùm *L. Lilius* poëta docere fabulas Romæcepit: & sub idem tempus ludum aperire, ac mercede Grammaticam docere *Sp. Caruilus*, qui libertus *Sp. Caruilij* erat, eius qui primus Romæ ab uxore diuertit. Ita palàm Plutarchus in Romanis Quæstionibus, & Caruilij huius æuum (ex Agellio, Valerio, aliis) est quale iam dixi. Tamen Suetonius in hac pugnare videtur: qui libello *De Grammaticis*, vbi in ætatem eorum inquit, *Primus*, inquit, quantum opinamur, Grammaticæ studium in urbem intulit *Crates Mallotes*, qui missus ad Senatum ab *Attalo Rege*, inter secundum ac tertium bellum Punicum, sub ipsam *Ennij* mortem. Pugnare, inquam: sed opinari se, dicit, significatque alios aliter tradidisse. Id quidem eius æuum sexaginta ampliùs annis posterius sit: nec mihi persuadeat Suetonius, cùm & *Neuius* fabulas diu antè dederit, & versus scripserit *Ennius*: & probabile, cùm fructus iam essent, institutores, & liceat ita dicere, cultores fuisse. Minùs à priore sententiâ *Licinius Porcius* ab- it, cuius hi versus:

*Punico bello secundo, Musa pennato gradu,
Intulit se bellicosam in Romuligentem, feram.*

Signi-

Significat celeri passu, & velut cursu, Musam & litteras tunc ingressas: & ita fuit. AVD. Quid ergo? non iam ante Romæ ludos palam Liuius agnoscit, vbi de Virginiâ? *Virgini*, inquit, *venienti in forum (ibi namque in Lib. III. tabernis litterarum ludi erant) minister Decemviri manum inicit.* Idem Dionysius: & suprâ, loca à te laudata. LIPS. Ludi fuere, sed litterarij, id est in quibus legere & scribere, nec vltra, docebantur. Ij doctores, *Grammatistæ* Græcis dicuntur, nobis *Litteratores*: at *Grammatici* nomen honestius, & plura complectitur, & Poetas atque Historicos illustrat & docet. Ij Latinè *Litterati* appellabantur. Qui statim sub bellum Punicum secundum Romæ sic increuerunt, vt *temporibus quibusdam* (verba Suetonij) *super viginti Grammaticorum celebres Scholæ fuisse in urbe tradantur.* Addit, *ne clarissimos quidem viros abstinuisse, quò minus & ipsi aliquid de eâ arte scriberent.* Neque longè post *Rhetores & Philosophi* Romæ: denique omne genus doctrinæ, quod ingenuum hominem deceret. AVD. Iterum de Rhetoribus ambigo. nam in Chronico Eusebiano disertè: *Primus Quinctilianus publicam Scholam Romæ, & salarium e fisco accepit: idq; in æuo Domitiani.* LIPS. Quid velit Eusebius, non planè scio. si de *publicâ Scholâ*, id est in quâ publicè doceretur; errat, & Suetonius reuincit, qui de *Epidio Rhetore: Ludum docendi aperuit, docuitq; inter ceteros M. Antonium, & Augustum.* Idem in pluribus aliis certum verumque est, publicè docuisse: vel ipsum Suetonium in *claris Rhetoribus* vide. Sed hoc opinor Eusebium voluisse, quòd publicè data ei Schola fuerit, itemque salarium: at alij priuatim alibi ludum ape-

Cap. XVIII. *spasianus* (vt idem Suetonius de illo) *primus è fisco Latinis Græcisq; Rhetoribus annua *centena constituit.* Atque inter istos primos, potuit *Quinctilianus* esse. Honorem quidem *Iulius Cæsar* diu antè habuerat: sed honorem, atque is (iterùm Suetonius) *omnes medicinam Romæ professos, & liberalium artium doctores, ciuitate donauit.* Ciuitate, sed non stipendio: obseruate. Primus ergo *Vespasianus*, sed *Rhetoribus*: addidit *Philosophos* *M. Antoninus Pius*, & liberalitatem etiam per prouincias diffudit. *Rhetoribus & Philosophis*, ait *Capitolinus*, per OMNES PROVINCIAS, & honores & salaria constituit. Quæ salaria prouincialia (nam in vrbe *Vespasiani* statutum fortassè tenuit) fuisse *sexcentos Rom. aureos*, siue Latinè efferendo, **sexagena sestertia*, obseruauit doctissimus *Casaubonus* è *Tatiano*. qui philosophos auaritiæ increpans, *tantum*, inquit, à nontemptu opum absunt, ὥς ἐκ παρὰ τῶν Ῥωμαίων βασιλέως ἐπιστῆς χρυσοῦς ἐξακοσίαις λαμβάνειν ἴδαι: vt à Romano Imperatore quidam illorum ad *sexcentos annuos aureos accipiant*. Quidam, neque opinor omnes: & *Luciani* notabilis locus est, qui huc facit. In *Eunucho*, vbi *Philosophos* solens sugillat, ait obisse diem aliquem ex *Peripateticis* doctoribus, in cuius locum alij (inter eos eunuchus quidam) subrogari contendebant. Nec immeritò, inquit. nam stipendium grande ab Imperatore constitutum erat singulis *Philosophorum generibus*: & quod illud? *decem millia drachmarum in singulos annos*. Ecce, minus illo quod è *Tatiano* dictum est: & sunt hæc saltem Romano sermone, **quadragena sestertia*. Variasse igitur videntur, & certum est:

* Bis mille
& quingentos
Philippi.

Iul. cap.
XLII.

* Nobis
mille quin-
genti Phi-
lippici.

* Mille
Philippici

est: siue ab ingenio Principum, siue à meritis doctorum. Inter quos si quis excellens, longè amplius sanè, sed extra ordinem, capiebat. Tale de Eumenio, qui vel **sexcenta* *Quindecim milia Philipp. videtur tulisse. Ipse in *Oratione pro Scholis* proficitur, *salarium se accipere à liberalissimis* *Diocletiano & Maximiano. *Principibus, in sexcentis millibus nummum.* Et ea dictio ac scriptio ter iteratur, in vetustis etiam libris. Cur diffidimus, aut rescribimus? Laudat *liberalitatem* Principum: & ipse antè in dignitate Palatinâ, & *Magister memoriae* fuerat; atque extra ordinem electus Scholæ huic instaurandæ, cur non plus aliquid, imò largiter, acceperit? Alij tamen *sexagena* hîc rescribunt (quem dixi, Casaubonus:) alij ad vnâ donationem referunt, Eumenio ipso (qui *Salarium* appellat) abnuente. Vt cumque hoc habuit, olim iis honores & præmia: atque illud ab *Hadriano* benignissimè, quòd *Doctores, qui professioni suæ inhabiles videbantur* (æuo, aut morbo) *ditatos honoratosq; à professione dimisit.* O bonum factum! & cur non, vt militibus, emerita sua iis essent? Manserunt stipendia ista ad Symmachi æuum (*Valentiniani, Theodosij, Arcadij* Principum:) cum rebus labentibus, artiumque etiam contemptu, *Romana iuuentutis magistris*, inquit, *detracta sunt subsidia sollennis alimonie.* Quæ tamen postea restituta dicas: certè sub *Athalarico* Gothorum rege habuerunt. cuius pulcherrima, & digna legi epistola est apud Casiodorum, iubentis *sine deductione ea solui, & semestribus etiam singulis.* O Gothos iam non barbaros! & alia multa laudabilia eorum tunc legas.

Sym. lib. v.
epist. xxx.
111.

Lib. ix.
epist. xxi.

CAP. VIII.

Idem in Prouinciis, & Galliâ nostrâ: nec tamen eadem planè cum hodiernis Scholis facies.

ROMÆ igitur ista: sed statim à capite in reliqua imperij membra hæc cura & amor diffusa. Suetonius: *Tradunt L. Apuleium (Grammaticum) ab Esicio Caluino Equite R. prædiuite quadringenis annuis conductum ad docendum. Nam in prouincias quoque Grammatica penetrauerat, ac nonnulli de notissimis doctoribus peregrè docuerunt, maximè in Galliâ Togatâ. Apuleius ille inter primos Grammaticos fuit: & extra Romam alibi docuit, tali illâ mercede annuâ, quam corruptè legi tamen mihi est certum. Nam scribendum, quadragenis: qui sunt ipsi mille Philippæi nostri. Alia summa exorbitat, & est equestris census. Addit Suetonius in Galliâ Togatâ increbuisse: & verum est, ac pulcherrima ibi ingenia, Catullus, Liuius, Plinij, Tacitus noster: sed & Mediolanum scholam statim aperuit, quæ grandis pro vrbe fuit. ad quam & Diuus Augustinus docendi causâ euocatum se scribit, impertitâ etiam publicâ euectione: id est, cursu publico, & eius gratuita exhibitione. Iam in eadem Galliâ, quis nescit Massiliam fuisse, illam, vt Tacitus dixit, studiorum magistram? Quis Augustodunum, Burdigalam, Tolosam? & locis pluribus viguere studia, ait Ammianus, laudabili doctrinarum, incohata per Bardos, & Eubages, & Druidas. Ad quos vltimos, ait Cæsar, magnus adolescentium numerus concurrebat, disciplinæ causâ. En, vestigia vbique Academicarum,*

Lib. v.
Confess.
cap. xiii.

miarum, & ab antiquo : sed sæuitiâ temporum deinde, & barbarie inuadente, oppressa. adeò, vt laus hæc *Carolo Magno* ab Annalium scriptoribus iure tribuatur, vindicasse doctrinam, & litteras in Galliam postliminio reduxisse. Ille enim iterum à Româ artis *Grammaticæ*, Annales à Pythæo editi. & *Computatoriæ*, magistros secum adduxit in Franciam, & ubique studium litterarum expandere iussit. Ante ipsum enim Dominum regem *Carolus*, in Galliâ nullum studium fuerat liberalium artium. Ab illo Auctore Parisiensis Schola, mater pænè dicam cæterarum : etsi *Bononia* antiquior esse iactat, & à *Theodosio* Imp. sed documentis parùm certis. Et loquor iam de Scholis, in hunc ferè nostrum morem dispositis & ordinatis. Quæ incredibile est, quàm in Germaniâ pullulauerint : & illa regio, in quâ, Taciti etiam ætate, *litterarum secreta viri pariter ac femina ignorabant*, pænè plures nunc Academiæ habet, quàm reliqua Europa vniuersa. Sed satis sit huius excursus : & de hodiernis Academiis seorsim etiam libri exstant : eos videte. A V D. Exstant : sed in formâ & ordine an veteres illæ cum nostris conuenerint, nondum à te dictum. L I P S. Scilicet non conuenisse. Illæ Eloquentiam & Philosophiam, duo præcipua studia habebant : nostræ Theologiam, Iurisprudentiam, Medicinam. Illæ doctores nullos, nisi à re & merito, sciebant : nostræ titulos & honores suos habent, ac donant. In discipulis etiam, Collegia aut alimenta non video : nisi quòd obiter in *Alexandri Seueri* vitâ apud Lampridium, *Doctoribus auditoria & salariâ decreuisse*, & *discipulos cum annonis, pauperum filios, modo ingenuos, dari iussit*. Sanè ibi annonæ & ali-
menta

menta pauperum sunt, sed nescio an post ipsum (imò non puto) diuturna. Fuit & Alexandriae *Muséum*, sed viris doctis institutum: pulcherrimo inuento, & quod dilaudavi ac proposui in libello *De Bibliothecis*. At cui bono? pauci legunt, pauciores attendunt: & mihi credite, pigere incipit salutarium monitorum, quæ suggerimus, quo, nisi conscientiae, fructu? Neglectus optimarum rerum est, imò contemptus: & breui de bonis honestisque licebit dicere, *Vixerunt*.

CAP. IX.

Loca suburbana percurſa, & descripta, id est tria Cœnobia.

SED finem denique sermoni nostro imponamus: nec vos vltra abducite, rogo quæsoque. Nam ad plenam urbis descriptionem suburbana dumtaxat ista loca pertinent, quæ breuiter perstringam. Est *Bancum* illud, quod videtis ad laeuam, ipsâ viâ Bruxellensi, teli iactu à portâ. Cœnobium Virginum est, Ordinis *D. Augustini*: & auctorem habet *Henricum Primum* Ducem, cuius Diploma asseruant, datum anno ∞ . c. xvii. Inter alia, peculiari instituto, obligantur iudicare de Leprosis: & iudicatos recipere atque alere, qui sunt quidem Louanienſes aut Heuerleensēs. Numerum nouenarium non excedunt, & promisit Dux *Joannes* non vltra se nominaturum, anno ∞ . cccc. xxi. Princeps nouus, priusquam Louanium intret, illuc quoque iuramentum ad altare *S. Georgij* solet edere, & precibus nuncupatis, dono aliquo honestare. Vterius *Fliederbeka* est, cui vicini

vicini iam fuimus, Ordinis D. Benedicti cœnobium, quod auctorem præfert *Godefridum Primum* Ducem anno ∞. c. xxv. Filia & vt sic dicam, tradux est Cœnobij *Affliginiensis*, quod è suis quosdam misit, formandæ disciplinæ. Extremis his temporibus Oeconomix laude non floruit: accessit & à bellis calamitas, & denique (ruinas vidistis) pulcherrima ædificia pleraque & templū ipsum ignis absumpsit. Nunc in vrbe agunt, & præest *Abbatis* titulo *Liebertus Chalonius*, vir genere nobili, idemq; cum probitate & modestiâ industrius: & conatur attollere, Deus vires & successum donet. Iam è regione hîc nostri *Parcum* videtis, item cœnobiū, sed Ordinis Præmonstratensis. Nomen habet ab ipsâ re & vsu, quem antè præbuit. fuit enim *Viuarium*, siue locus clausus, alendis feris ad delectationem Principum, quod genus *Parcos* nostri & finitimi dicunt. *Godefridus* ille idem, quem dixi, paullò post *Fliederbekam* instituit, & locum hunc ad meliores vsus, vt ipse in Diplomate fatetur, vertit. Vocauit eò ab vrbe Lauduno Gallix *Præmonstratenses*, quorum celebris tunc pietas & eruditio: & operam egregiam Antuerpiæ etiam nauauerant contra *Tancelinum* hæreticum, qui venena opinionum variè in Belgicâ spargebat. Factum anno ∞. c. xxix. quinque circiter annis ante mortem ipsius *Norberti*, *Magdaburgensis Archiepiscopi*, qui Ordinem hunc Præmonstratensem instituit, condiditque. Abbas primus fuit *Simon* quidam: & ab eo *vigintitres* alij, vsque ad *Theodericum Tuldelium*, qui mitræ gestandæ ius à Pontifice impetrauit. Vir hic non pius solum, sed prudens fuisse legitur, multa in amplificationem loci fecisse: atque idem carus *Carolo*, & mox *Maximiliano*

P *Austrio*,

Austrio, Principibus nostris, & consiliis eorum mixtus. Succedere alij ad hoc æui circiter triginta : & plerique omnes, diuino quodam beneficio, laudabiles, legum & disciplinæ tenaces, in œconomiâ etiam boni. Præest nunc *Ioannes Drutius*, ab iisdem aliisque laudibus æstimandus. Amœnus hic locus est, siluâ, piscinis, riuo, pratis delectabilis : & studiosos sæpè ad se trahit.

C A P. X.

Heuerléa breuiter laudata, & lustrata.

SE D quàm magis *Heuerléa* ista, quæ nunc se aperit, & pergentibus pulchrâ facie occurrit? O videam, & fruâr te, nostræ deliciæ! ô insistamus, & fixo pede atque oculo, pænè dicam osculo, libemus! Hæc est *Heuerléa* olim dicta, *Heuriam* nunc compendio vel mutilatione appellant: & *Dominium* siue Toparchia, non *Baronatus*, vt nunc titulus est, fuit. Sed potens satis *Dominium*, & *Berthemium*, *Eegenhouiam*, *Siluum-Merdaliam*, *Altam-Heuerléam*, aliâque finitima, ad ipsas vrbs portas habuit subiecta. Domini se inscribebant, *Cubicularios Ducis Brabantie* : habuitque veteri stemmate & propagine proprios suos, vsque ad *Ranxonem Grauium*, *Henrici* generum; quo defuncto, emit *Antonius Croyns*, inter prudentes & opulentos Principes censendus, & qui magnâ apud *Philippum Burgundum* gratiâ, valdè familiaræ suæ decus stabilivit vel auxit. Ille enim & *Comitatum Bellimontanum*, cum opido; item *Ceruiam*, egregia sanè membra, adiunxit. Obiit ipse anno .cccc. lxxvii. At in *Baronatum* *Heuerléa* postea transijt, cum
Phi-

Philippus Croyus primus *Dux Areschotanus* est institutus. Sed prima igitur emptio ab *Antonio*; ornatus & cultus deinde, à *Guilielmo Croyo*: quod clarum apud nos nomen esse scitis, & meritis suis illustre. Ille est, qui pro *Carolo Quinto*, postea Augusto, in sacro fonte sponondit; ille, qui eiusdem iuventutis rector & moderator datus; ille qui Hispaniis præfuit; ille, qui pace & bello omnia apud magnum hunc Cæsarem fuit. Prudentiâ & virtute insignis, sed & felicitate notabilis, quod ad extremum vitæ æquabili gratiâ vel auctoritate viguit: neque vel alienus liuor, aut Principis frigus, minuit vel detraxit. Itaque magnas opes vel relictas à maioribus, vel partas à se habuit: sed neque iis, neque potentiâ, nisi in publicum bonum vel ornatum usus, hîc atque alibi egregia monumenta reliquit, alter *M. Agrippa*, ut cum ad simili viro componam. Cùm enim liberos non haberet, etsi in iuuenili & nobili coniugio *Mariae Magdalene Hamalis*; multa sibi suisq; struxit, plura Deo, & in usum religionis aut sacrorum. Alia nunc omitto, sed ab eo ecce pulcherrima hæc Atrix, etsi opere (mors enim interuenit) imperfecto: ab eo templum & cœnobium hoc amplū Cælestinorum, quod vxor perfecit. Nam obiit, dum curis publicis intendit, in Germaniæ *VVormatiâ*, anno . ∞ . . ID . . XXI . cuius defuncti corpus relatum, * *Areschoti* primò sepultum

* Quem locum in *Marelio-natum* attolli curauerat.


est, mox in hoc templo, chori medio, ubi & monumentum superbum & titulos est videre. In latere etiam ad parietem, veram eius in tabellâ effigiem. Neque defuncto amorem & honorem *Carolus* noster non exhibuit: imò ipse exsequiis interfuit, & raro in Cæsaribus exemplo, funus deduxit & honestauit. Ille igitur auctor

præcipuorum operum : sed ecce Ill^{mus} & Excell^{mus} qui nunc præest, *Carolus* primus *Dux Croyus*, & quartus *Areschotanus*, immane quantum auxit & ornauit. Deus bone, quot ille opera struxit, quæ apparent, & non apparent? multa enim terrâ conduntur: & valles sustulit, & montes deduxit; & quidquid hîc viarum, arborum, sepium, fontium, viridariorum, hortorum est, illi auctori inscribendum. Omitto ædificia quæ fecit, coepit, aut concepit: quibus perfectis, credite, non erit in Europâ prætorium quod iure se anteponat. Quò maximè facit facies ipsa loci, à Deo & naturâ sic amœna. Ecce inter modicè decliues colles Arx iacet; flumen Dilia prætercurrit à fronte; à tergo *Fura* riuus; tum prata, agri, siluæ, pulcherrimo aspectu recreant animum & diffundunt. Quid fontes, vias, & manu facta, aut facienda, dicam? Quin videte in hac Tabulâ & discite: quam ipse ille Princeps delineari iussit; & est expressa tota *Heuerléa*, qualis est, aut qualem mente deformauit. Videte.

Inferenda hic Tabula HEVERLEAE.

Satis vidistis, imò non satis (quis enim fastidiat?) locum amœnitati & Musis factum. Has addo, quia ipse Ill^{mus} Princeps impendia sua & curas eò confert. Deus donet perficere, donet ipsum & ex eo posteros frui. En & Epigrammatium quod olim lusi

IN






1. Porta opidi, quæ Heverleensis dicitur, quia huc ducit.
2. Porta nova, quæ Baronum Heverleæ à ditione Lons-
3. Pulcherrima Via, quæ ab ipso opido, recto limite, ad usque
4. Parcum siue Viuarium, quod feris est destinatum.
5. Via, Wauriam municipium verius.
6. Riuus, qui à Patenti Cenobio in Diliam manat.
7. Piscina, numero septem, suauis aspectu & opportuno situ,
8. Silua Heverleensis, magna, vnanus apta.
9. Domus & receptaculum venatorum.
10. Area subiecta, itemque riuus & piscina.
11. Silua Medallensis, lata, diffusula.
12. Dilia flumen.
13. Prata adita.
14. Fura riuus, cuius cursum in precipua parte opus & ma-

15. Agri arui, & prata.
16. Hortus pomorum.
17. Limes ad flumen, nueris alii confusus.
18. Templum Parochiale Heverleæ, antiquum.
19. Agri arui.
20. Viuarium cuniculis aut lepore, itemque Columbarium.
21. Domus in vsum nobilium, itemque ad-
22. Via, quæ ad Siluam Heverleensem tendit.
23. Area ante Equile.
24. Ipsum Equile, & area inter-
25. Area ante Arcem, lata & p-
26. Tiliz arbores dispositæ.
27. Hortus prunorum, perfic-
28. Hortus florum, cum suis
29. Fons, qui alie subiles m-
30. Pergula, rotario opere,
31. Agri arui.
32. Prata.

33. Fons publici vius.
34. Hortus cerarum, varij generis.
35. Hortus holcorum, & herbarum edulium.
36. Fons in co-tem è marmore, & tali vasto labro.
37. Via & arbores aditæ, iuxta flumen.
38. Idem ante cenobium.
39. Templum, & cenobij multiplex edificium: in quo vi-
40. Hortus religiosorum.
41. Area cenobij.
42. Collegium, quod destinatum, ut parus Academia, Lectio-
43. Hortus Cenobij.
44. Aula inferior cenobij, & piscina.
45. Hortus pitorum Cenobij.
46. Agri arui.
47. Prata.

48. Agri arui.
49. Parcum, siue locus clausus in siluâ, ad feras.
50. Arborea, fons primarius & taxuigo, item piscine.
51. Arx ipsa, domicilium Principis: superbum opus, si per-
52. Fons in eâ pulcherrimus, alre saliens, & labris marmoreis
53. Fossæ circum arcem, latæ, profundæ, nitidâ aquâ plenæ.
54. Hortus voluptatis.
55. Molendinum duplex: frumentis frangendis, & secandis
56. Venatorum domus, & Falconiariorum.
57. Area ponè Arcem.
58. Prata.
59. Fossæ minores, vel Elices è riuo Furi.
60. Via & aditæ arbores, itemque sepes.
61. Agri arui.
62. Communes agri.
63. Via, quæ Bancum cenobium ducit.
64. Ipsum Bancum.
65. Via regia, quâ Bruxellam itur venituræque.
66. Porta Bruxellensis.





IN HEVERLEAM.

MÆSTA ô Belgica nostra, tolle vultus,
 Tolle, & lumine latiore lustra
 Magni PRINCIPIS hoc opus, sacratum
 MVIS ET VENERI, & venustiorum
 Quidquid est hominum. superba gaude
 His adaucta Palatijs & Hortis,
 Hisce Fontibus, hisce & Arboretis,
 Xystis, Limitibusq;, & Ambulacris.
 O dispar facies vetustiori!
 Antè scabra loca hæc, & absque cultu
 Horrida, ardua, iniqua, sabulosa:
 Nunc quàm splendida, quàm polita rident?
 Ades GRÆCIA tu vetus, vetusque
 Ades ROMA: mea, ecce, BELGICA audet
 Se conferre, an & ausit anteferre?

Sed iam pedem in portam ponimus: benè est, venite re-
 ctà ad ædes meas, prandebimus vnà, & miscebimus alios
 sermones. Quid subducitis? tu, inquam, Rubeni, tu San-
 tene, tu Vvvene, tu Del-Plani.


Lubet subtexere hunc SCAZONTEM, quem
super inclinatione Urbis scripsi.

LOVANIVM loquitur.

VRBS Urbium fuisse gloriior quondam,
Lumen decusq; Belgica, & caput regni
Quod à Lothario inclytum trahit nomen.
Quàm lata muris, & frequens fui tectis?
Quàm densa cine? sicut ather hic stellis.
Nam multi honesti & nobiles suam sedem
Istic habere, multa plebs suam sedem.
Vulgus Minerva sacrum & amulum, lanam
Trahebant & texebat, exteris mercem.
Quid nobiles? ferocis ij magis Martis
Pulli audiebant, bella & arma poscebant.
Meus ille cuius (credet hoc sequens animum?)
Domi forisq; claritudinem & nomen
A Marte peperit: ille adoreas crebras
Eques pedesq; patria tulit terra.
Germanus hunc miratus, acer & Gallus,
Pugnax simul Britannus. & quid hac iactō?
Hunc Asia vidit terra, vidit Aegyptus,
Et axe vidit altero ferox Lino,
Itemq; Lithuanus, & Scythia, & Moscus.
Sunt vera, & hac fuisse gloriior quondam,
Sed heu, fuisse: iam quid esse me dicam?
Ludibrium status prioris & fati,

Vm-

*Vmbramq̃ somniumq̃ floris antiqui.
Huc me redegit contumacia, & fœda
Seditio, ab impotente plebe concita
Semel iterumq̃. quod luit quidem magno
Suo ipsa damno, pulsa, cesa, & afflicta:
Sed & ego sensi. solitudo nam vasta
Mox insecuta: quam fugare dum Princeps
Parat Ioannes, nobile hic Athenaeum
Instituit: & res hæc habere successum
Iam cœperat, iam cœperamq̃ florere,
Cum ciuica, ecce, bella, tristia heu bella,
Iterum dederunt infrequentiam priscam.
Heu fata rerum! abite, & alta spirate:
En illa cecidi ego alta, nec caput tollo
Lumen decusq̃ Belgica, & caput quondam.*



INDEX

INDEX CAPITVM

LIBRI PRIM I.

OCCASIO sermonis, & in rem præparatio. Caput i.
Paginâ i.

De æuo & nomine Louanij, reiectæ opinionationes leues, aut fabellæ. Cap. ii. 4

Conditus opidi ad Normannica tempora relatus: & de iis igitur prædictum, & immani tunc vastitate. Cap. iii. 7

Louanij Normanni fuerunt, federunt, & graui ibi prælio attriti, aut deleti. Cap. iiii. 9

Diei eius lætitia, & nunc etiam memoria. Initium interioris opidi, & postea portarum è lapide, ac murorum. Cap. v. 14

De arce siue Burgo, non videri per antiquam: nec nisi Comitum domicilium fuisse. Cap. vi. 17

Opidi exterioris initium, incœnium operositas & magnitudo. Cap. vii. 19

Nomen Louanij paullò vetustius, itemque Comitum, qui huic loco fuerunt. Aliquid de Lotharingiâ præmissum. Cap. viii. 21

Reges & mox Duces Lotharingiæ, itemque Archiduces: Comites nostri in hac parte, & stirpe. Cap. ix. 24

Comites hîc perpetui: & de Carolo Duce dictum, à quo nostra magnitudo. Cap. x. 27

Lambertus Comes, aliique ex ordine, ad Godefridum primum Ducem. Cap. xi. 30

De Marchionatu Rienfi, quis ille, & quando accesserit. Cap. xii. 36

Idem in Brabantiâ quæsitum: qualis, & vbi ea? Cap. xiii. 38

LIBRI SECVNDI.

Dignitas Ducum Brabantia, atque opidi Louanij: Cuius nomen in titulis præualuit. Ea ipsa caput Lotharingiæ. Cap. i. 43

Frc-

Frequentia olim Louanij, & incolentium mira multitudo.	
Cap. II.	46
Nobilitatem multam fuisse, in septem familias diuisam: eiusque origo quæsitæ. Cap. III.	48
De hominibus S. Petri, qui item nobilitatis ius habent. Origo, & honores. Cap. IIII.	49
Plebs olim in militiâ: & hoc fine exercitia, & Gildæ. Tum de Lanificio. Cap. V.	52
Opes Louanienſium, vt illo æuo, notabiles: & pauca exempla. Cap. VI.	54
Pietas & Probitas Louanienſium. Cap. VII.	56
Facta militaria eorum, & expeditiones pro religione. Virtus Guilielmi Rodij. Cap. VIII.	57
Facta alia militaria, & virtus in præcipuis præliis. Cap. IX.	61
Labes vrbis, & in eâ seditiones. Prima leuior, secunda grauissima, Conterelliana: eaque accuratè descripta. Cap. X.	66
Seditio tertia, & diro facinore horrenda. Cap. XI.	72
Seditio quarta, & vltima, cum motu minisque magis quàm præſenti noxâ. Cap. XII. (siue XII. nam in ordine Capitulum error subrepsit, quem Lector ignosce, & emenda.)	76
De arce Kesselſteinâ aliquid: tu Eiconismus vrbis. Cap. XIV.	77
De incendiis in hac vrbe. tum de arce D. Petri, eius Canonicis, & Præposito. Denique de turre. Cap. XV.	79
Reliquæ Parochiæ, & earum æuum percurſum: & siquid notandum. Cap. XVI.	81
Virorum Cœnobia. Cap. XVII.	84
Feminarum Cœnobia, aut cœtus. Cap. XVIII.	86
Profana aliquot loca. Cap. XIX.	88

LIBRI TERTII.

Initium Louanienſis Academiæ, & hic conditiæ cauſſa. Cap. I.	90
Martinus Quintus approbauit. Natalis Academiæ, & Lætionum. Cap. II.	93
Regimen Academiæ, Rector, Conſeruator, Promotor, Senatus. obiter & de Cancellario. Cap. III.	95
Halæ noſtræ, ſiue Scholæ publicæ: item Pædagogia, & Collegium	

Q

gium trilingue. Cap. iv.	98
Collegia alendæ iuuentuti, Theologiæ, Iuris, miscella. Cap. v.	99
Vetus Academiarum specimen in Oriente, itémque Æthiopiâ, Africâ, Nouo orbe. Cap. vi.	101
Idem in Græciâ, Asiâ, Italiâ, & Romæ. Cap. vii.	104
Idem in prouinciis, & Galliâ nostrâ : nec tamen eadem planè cum hodiernis Scholis facies. Cap. viii.	110
Loca suburbana percurfa, & descripta, id est tria Cœnobia. Cap. ix.	112
Heuerlæa breuiter laudata, & lustrata. Cap. x.	114

A D T E X T V S.

PAG. 22. *Reperio etiam inter veteres Comites Louanienses Anselmum, qui in Diuos relatus, & cuius hic memoria in æde D. Petri: nec vltra.*

PAG. 24. Ludouicus & Carolus. *Addenda vox, patrui: ne ad alios trabas.*

IBID. *Quomodo, nescio. Plenè quidem & planè nescio: etsi Diuisio exstat in Pythæanis scidis, sed partim mutila, partim in nomenclaturis obscura. Denique alibi hæc res examinanda sit: nunc obiter tetigi.*

PAG. 32. *Qui obseruo Defensores. Scribe, Quia obseruo.*

A P P R O B A T I O.

Hoc Iusti Lipsij Historiographi ac Professoris Regij de Louanio scriptum si emittatur in lucem, posterioris aui historiis multam adferet lucem. Datum Louanij, 28. Septemb. 1605.

Guilielmus Fabricius Nouiomagus, Apostolicus
& Archiducalis librorum Censor.

P R I-

P R I V I L E G I V M C A E S A R E V M.

R V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria imprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, imprimis pertinere existimamus. Cum itaque ab iis, quorum nobis spectata fides, quique iudicare de Litteris possint, acceperimus, insignes te animi ingenique tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeo & raram doctrinam, quæ magnam de te apud doctos quosque viros opinionem excitarit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes sermionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores misceæ recrees, & eorum pectus ad prudentiam, probitatemque informes: haudquaquam prætermittere volumus, quum Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

Q 2

aut

129
aut aliorum, qui librariam negotiationem exercent, eos libros, quos tu edituruses, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperi fuerint, vendicandis, priuari, sed triginta etiam Marcharum auri puri mulcta, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iusticiamve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscunque modis coërceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacre Cæsareæ M^{tes} proprium.

Io. Baruitius.

Additum sigillum Cæs. M^{tes} in cerâ rubrâ.

SVM-

125
SUMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sancit, nequis, IUSTI LIPSI Historiarum in alina Vniuersitate Louanienfi Professoris, & item Historiographi sui libros quoscunque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secus sancit, præter librorum confiscationem triginta marcharum auri puri illatione mulcabitur. Vti latius patet in litteris, datis Bruxelle, XIV. Febr. M. D. XCVII.

Signat.

Verreycken.

SUMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarræ Rex Christianissimus, singulari priuilegio sancit, nequis per vniuersos Regnorum suorum fines, IUSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus sancit, præter librorum confiscationem, ter mille florenorum illatione mulcabitur, vti latius patet in litteris, datis Parisijs, XIII. Iulij, M. DC. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hos meos de OPIDO ET ACADEMIA LOVANIENSI Libros tres typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

122

ANTVERPIÆ,
EX OFFICINA PLANTINIANA,
APVD IOANNEM MORETVM.
M. DC. V.

172



1.7.244

122

IUSTI LIPSI
LOVANIVM:

siue


OPIDI ET ACADEMIÆ EIVS
DESCRIPTIO.

LIBRI TRES.



¹²
ANTVERPIÆ,
EX OFFICINA PLANTINIANA,
Apud Ioannem Moretum.
CLC. ILC. V.

Cum Privilegiis Casarum & duorum Regum.



ILL^{MO} ET EXCELL^{MO}
PRINCIPI
CAROLO,
DVCI CROYO-
ET ARSCHOTANO,
S. R. I. PRINCIPI,
EQVITI AVREI VELLERIS.



OVANIVM & HEVER-
LEAM, quæ descripsi,
& quamquam nota, in
maiorē notitiā &
lucē protraxi, ea cui
potius, quā tibi Ill^{me}

PRINCEPS, donarem & dicarem? Scis
vetus vinculum meum, & obsequij ve-
lut sacramentum, quo obstringor: sed
ipsa res huc etiam ducit, quid dicam



2

tem-

temporis opportunitas ? De re , ecce
 LOVANIVM, quid nisi veteri affectu
 & incolatu est tuum ? Inhabitaſti, & a-
 maſti olim , & optimas ibi artes hauſi-
 ſti: quarum fructu ſuauiſſe paſceris , &
 aut otia temporum fallis , aut triſtitias
 accuras, quæ (vt ſunt humana) inter-
 ueniunt , mitigas ac ſolaris. Sicut He-
 lena illa, apud Homerum, pharmacum
 habuit ac propinauit

*Quod lu-
 cium at-
 que iras
 minuat,
 mala de-
 nique tol-
 lat.

*Νηπιόδες τ' ἄρχοντες, κακὰν τ' Ἰππληθον ἀπείτων:

tale ſunt amœniores, & magis graui-
 ores illæ litteræ, quas Philoſophiam ap-
 pellamus. Vtraſque Louanium, noſtra
 Helena, propinauit: & gratiam debes, ac
 refers; & vel HEVERLEA tua dicet. Quæ
 tu illuc opera ſub terrâ, in terrâ , & ſupra
 eam paraſti, aut paras ? quot ædificia,
 vias, hortos, fontes , arboreta inſtruxiſti
 & adornaviſti, ingenio vel effectû admira-
 anda ? Certè LOVANIVM, & in eo ſtu-
 dioſi,

diosi, id est è pleraque Europâ iuuentus,
obligantur, & voluptatem ac delectatio-
nem suam DVCI CROYO & ARSCHOTANO inscribunt. Magne & magna-
nime PRINCEPS, fruire hac gloriâ: &
illud à maximo Aristotele dictum tibi
habe: *Οὐ γὰρ εἰς ἑαυτὸν δαπανηρὸς ὁ μεγαλοπρεπὴς, ἀλλ' ^{* Non qui}
εἰς τὰ κοινά. ^{in se infu-} Alij in luxum, conuiuia, aleam ^{rit, ma-}
impendunt, vt nunc sunt mores: tu po- ^{gnificus;}
steritatem habes in oculis, & vix, nisi alie- ^{sed qui in}
num fructum, in operibus tuis spectas. ^{publica.}
Ergo iure hæc vtraque tua TIBI offero:
& offero, nisi fallor, Opportunè. Quid
enim? Nuptiæ tuæ sunt, quas Belgica
nostra fauore & plausu prosequitur: &
priuatim multi votis, quæ voce, scriptis,
donis testificantur, & cōsignant. Visum
idem facere, monumento quod æuum
ferre posset, & memoriam ad posteros
propagare magnæ huius diei. Iungitur
tecum stirpe illustrissima, dotibus ani-

mi ac corporis laudatissima, DOROTHEA
CROYA, cognata tua: & iungitur vin-
culo, quod nisi sola mors non dissoluit.
O felicem copulam! coeunt Regum &
Principum stemmata: & cum vtrim-
que Hungariæ sceptrâ fulgeant, illa
etiam Hierosolymorum adfert & mi-
scet. Nomen ipsum sponsæ quanti est!
DIVINVM DONVM: & ita accipe, ma-
gne PRINCEPS, atque è pulchrâ arbo-
re stirpem ac propaginem Deum po-
sce. Ecce patrem eius, Ill^{lum} Principem
CAROLVM-PHILIPPVM, Marchio-
nem Haurechium, inter Belgicæ cul-
mina; idem vouet, & tacitâ futuri gau-
dij spe pectus eius suauiter fouetur.
Quid nos tui? palàm vota concipimus,
eâque duplicia: TE cum TVA incolu-
mes esse, & ex VTROQUE superesse, qui
nomen & gloriam maiorum referant, &
in natos natorum propagent. Homini-
bus

bus singulis breue curriculum, & mor-
talitas: stipe & satione æterni fiunt.
Estote. & conceptis verbis proferam:

DEVS ET FECVNDITAS
GENTI CROYAE
STIRPE, MERITIS, GLORIA
ILLVSTRISSIMAE,
POSTEROS IN AEVVM,
ET IN BONVM PVBLICVM,
DONATE.

Louanij scripsit & vouit


EX^{TIÆ} TVÆ

PP. cliens

I. LIPSIVS.

AD

AD LECTOREM.



AMVS aliquid subitarium, & ex occasione natum, Lector, quam in Praefatione meâ vides. Historicum est, sed angustioribus finibus clausum, & nostros istos Louanenses vix ex- it. Ita nunc libuit, & decuit: alioqui fateor, eodem tenore & panè labore, Brabantie histo- riam pertexere potuissim. Nam initia tenebras aut sa- lebras suas habent: reliquus cursus est in proclini. Qua- dam ab aliis, & præsertim Petri Diuæ, huius Urbis ciuis, & talium rerum diligentis, scriptis hausi: plura meâ industriâ addidi, & è remotioribus etiam scripto- ribus conduxì. Non iactò. componi vellem: sed illud ad- do, pleraque omnia accuratiùs inquisita hîc esse, quæ a-
ex facili. liy *ἁπλῶς*, & quomodocumque tradita porrò tradunt, Securi, cadat an recto stet fabula talo.

Nos Veritati, nos Fidei litare, studium habuimus: & ubi non liceret, inopiam profiteri, nec impuris victimis sacrum profanare. Accipe, Lector, qualecumque hoc munus: & laborem nostrum pietatis titulo (patriam ornatum iuimus) vel excusa, vel quod malim ama. Ego te, & saluè hoc natali meo quinquagesimo nono, xv. Kal. Nouembr. ∞. 155. v.

IUSTI LIPSI
DE VESTA
ET
VESTALIBVS
SYNTAGMA.

CAP. I.

*Quid Vesta? aliis Ignem, aliis Terram esse.
deque eâ prisca fabula.*

INTER antiquas religiones, eam quæ
Vestam spectat, comperior vel præ-
cipuam fuisse: Romanis quidem. &
ergo ad prisce æui scriptorumque lu-
cem facere, siquis illustrat. Suscepi
hoc fine: pergite manus. & calame
hanc quoque operam natuare iis, quos vetus & melior il-
la doctrina capit: & simul Sacris quoque nostris au-
ctoribus, qui hæc tangunt in occasione, facem aliquam
præferre. VESTA igitur, plurimum sensu, Saturni ac Rheæ
filia, sorores habuit Cererem, & Iunonem, ipsa natu
prima: fratres, Plutonem, Neptunum, Iouem. Ita Apol-
lodoros: Ouidius in ordine aliquid mutat,

*Ex Ope Iunonem memorant Cereremq; creatam
Semine Saturni, tertia Vesta fuit.*

z. Biblio-
thec.

A

Nam

Nam Ops eadem, quæ Rhe. Alij tamen dissident, & Vrani siue Cæli uxorem Vestam faciunt: mystica hæc sunt, vt verbo absoluam, variè tradita, sed in re & interpretatione concordant. Nam Cæli vxor Terra fuit: ex iis omnia nata: & Vestam ipsam passim Terram interpretantur. Itaque & cum Cerere quidam confundunt, quæ ipsa est Terra: sed distinguenda, quòd hæc terra dumtaxat fertilis & frugifera; illa (Vestam dico) ea vniuersa. Inde & nomen petunt. vt Ouidius:

Stat vi Terra suâ, vi stando Vesta vocatur:

quasi, quod vi suâ stet & immota libretur. Alij (vt Seruius) *quòd variis vestita sit rebus. Ipsa enim* (inquit) *dicitur esse Terra.* Plato huc facit: qui *undecim Deos, chorago & presultore Jone, incedere facit, eiusq; currum sequi*: at, inquit, *μὲν ἐν Ἑστῇ ἐν θεῶν οἴκῳ μόνῃ*: *manet & sistit Vesta in Deorum domo sola.* Quâ domo? hoc mundo. quod Arnobius explicet: *Terram nonnulli Vestam pronunciant, quòd in mundo stet sola, ceteris eius partibus in mobilitate perpetuâ constitutis.* Vbi & ipsa Platonis verba expressa. Qui Plato, nescio an hac mente iterum: *Ἦν μὲν οὖν Ἑστία τε, οἰκίσεως ἰεργὸς πᾶσι τῶν θεῶν. μνηεὶς οὐδὲ δατέρας ἰεργὸς καὶ διεργὸς τοῖς θεοῖς*: *Terra & Vesta omnibus diis habitaculum sacrum est: nemo igitur secundaria quadam templa iis instituat.* Et videatur hîc distinguere à Terrâ, & Ignem facere, vt mox è Plutarchi verbis discas. Nam hæc quoque crebra imò passiva opinio, Vestam Ignem esse. Ouidius:

Nec tu aliud Vestam, quàm viuam intellege flammam.

III. De
Legib.

Vox Græca adsonat, qui *Ἑστία* Focum, siue *ἑστία* appellant. Cicero: *Cumq; Vesta quasi focius urbis, ut Græco nomine*

mine est appellata, complexa sit. Iterumq; alibi: *Vestano-* ^{11. De Nat.}
men sumptus est à Græcis. ea enim est, quæ illis Ἑστία dicitur:
visq; eius ad aras & focos pertinet. Seruius pariter, ad il-
 la Virgilij: *Cana Fides, & Vesta: Vestam,* inquit, *Reli-* ^{In 1. Æn.}
gionem dicit. quia nullum sacrificium sine igne est, ipsaq;
in omnibus inuocatur. Vesta autem dicta ὡς τῆς Ἑστίας,
ut digammos sit adiecta: sicut Er, Ver, Enetus, Vene-
tus. Est igitur ista quasi *Publicus focus*, sicut priuatim in
 ædibus alij consecrantur: eoq; haud absurdè Macro-
 bius, *Vestam inter Deos Penates, aut certè comitem eo-* ^{111. Sat. cap. 1111.}
rum, recenset. Sed quomodo Vesta, Ignis? duplex opi-
 nio. Prior ad ipsam Terram restringit & refert: in quâ
 Phurnutus. *quod vis ignea,* inquit, *quæ in mundo est, hinc*
nutriatur, ac per hanc subsistat: aut, quod fecunda Ter-
ra etiam animalium sit mater, quibus vis ignea vitæ est
caussa. A priorè illâ causâ Dionysius est. qui *Vestæ* idèò ^{Lib. 11. Antiq.}
sacrari Ignem tradit, ὅτι γῆ τε οὐρα ἡ θεὸς, καὶ τὸν μέσον
 κατέχουσα & κόσμου τόπον, τὰς ἀνάψεις & μεταστάσεις ποιεῖται
 πνεὺς ἀφ' ἑαυτῆς: *quod cum Vesta sit Terra, atque ea*
medium mundi locum sortita, accendat è sese superiores
illos ignes. Nora sententia plurium veterum, è Terræ
 vaporibus aurisq; sidera nutriri & exardere. Hac ipsâ
 mente fabula, *Vestam nutricem Iouis* esse, Marciano
 Capellæ scriptum. Aliter paullo Pythagoræi, qui Ignem ^{Lib. 1. Philol.}
 medium, non Terram faciebant (nobilissimum quippe
 elementum in loco tali esse debere) atque ipsum Vestam
 dici, & *custodiam Iouis* appellari. Aristoteles hæc tan- ^{11. De Calo, cap. 1111.}
 git: & plenissimè exsequitur Plutarchus, qui lucem ei
 donet. *Dicitur,* inquit, *Numa Vestæ adæm orbiculari* ^{In Numâ}
formâ igni perpetuo custodiam circumiecisse, non ut ad-

similaret Terræ figuram, tamquam ea Vesta esset, sed
 uniuersi huius Mundi, cuius medium Pythagorici Ig-
 nem esse arbitrantur, atque id Vestam appellant, & Vni-
 tatem. Terram autem neque immobilem esse, neque in
 medio circumlationis sitam; sed in orbe circum ignem
 suspensam, neque inter eximias aut primas mundi par-
 tes censendam. Eadem Platonem volunt iam senem sen-
 sisse de Terrâ, tamquam in alio loco sitâ; mediam autem
 dignissimamq; regionem alteri alicui præstantiori conue-
 nire. Summa horum, Terram mediam non esse, Ignem
 esse: atque hunc Vestam dici. Sed altera Phurnuti opi-
 natio, in Terrâ ipsâ mixtum esse Ignem. pro quâ & Ser-
 uius: *Vesta enim dicitur esse Terra, quam Ignem habere*
non dubium est, ut ex Ætnâ Vulcanoq; datur intellegi.
 * *crasiz* Atque hoc quidem satis * *παχυλως*; cum & aliter con-
 stet, Terræ passim mixtos genitabiles quosdam & vita-
 les ignes. Vides opiniones duas, siue Ignem esse hanc
 Deam, sed sensu vario; siue Terram ipsam. & pro hac
 etiam Euripides:

Καὶ γαῖα μήτηρ, ἐσίαν ᾗ σ' οἱ σοφοὶ

Βεβῶν καλοῦσιν, ἡμῶν ἐν αἰθέρι;

Et Terrâ mater, Vesta quæ sapientibus

Agnominaris, ipso in aëre & sedes.

Itaque magistri Græci deriuant Εσίαν παρὰ τὸ ἔσασθαι,
 ὃ ἐστὶν ἰδρύσασθαι. ἢ παρὰ τὸ ἐστάναι, ὃ ἐστὶν ἐν ἐνὶ τόπῳ ἰδρύσθαι.
 Sunt qui Statam matrem (in Festo) hanc eandem opi-
 nentur: sed opinentur.

CAP.

CAP. II.

*Quibusdam & Venerem dici. Sed Vestam, pro Igne
siue Foco, antiquitus & passim cultam: & à quo
exemplo Roma.*



ISTA igitur Vesta est. nam Augustini traditio, vt
fidem habeat, vix exempla, *Vestam etiam Ve-
nerem dici.* Ita enim ille: *Quis ferat, quòd cum* De Cirit.
lib. iiii.
cap. x.
*tantum honoris & quasi castitatis Igne tribuerint, ali-
quando Vestam non erubescunt etiam Venerem dicere?*
An quia Ignis est, & tale Venus? an quia (vt Macrobius
scripsit) *Physici terræ superius hemisphærium, cuius par-* i. Saturn.
cap. xxi.
tem incolimus, Veneris appellatione coluerunt: inferius
verò Proserpinæ? Sed hæc longinqua, aut aliena: magis
illud Apollodori, *vnam è quattuor Hesperidibus Vestam* ii. Bibl.
esse. Nihil ad nostram. quæ Græcis Latinisque culta,
inter præcipua numina, fuit: atque adeò inter duodecim
illa prima. Pausanias, de sacrificiis quæ sollemniter in
Olympiâ fiunt: *Θύουσι τὴν ἑστῖαν μὲν πρῶτην, δευτέραν δὲ τὰ ὄλυν- Lib. v.
πίω δὲ: Sacrificant Veste primū, tum secundo loco Ioui*
Olympio. Phurnuti nota huc facit: *Vesta, inquit, prima*
& postrema nata perhibetur, quòd in hanc (id est Ter-
ram) resoluantur quæ ab eâ producuntur; & ab eâdem
constituuntur. Quare & Græci ab illâ sacrificiorum prin-
cipium sumpserunt, & in illam postremò desinebant. Tra-
dit & Seruius, *Nullum sacrificium sine Igne esse, Ve-*
stamq; in omnibus inuocari. Ad principium, alludere ali-
quid Ouidij illud videatur:

A 3

-inde

-- inde precando

Dicimus, o Vesta quæ loca prima tenes.

11. De
Nat. deor.

Et si ipse ad vestibulum, ubi olim Focus, refert. De postremo autem loco, sic & Cicero: *Vis autem Vesta ad aras & focos pertinet. itaque in eâ Deâ, quæ est custos rerum intimarum, omnis & precatio & sacrificatio extrema est.* Virgilius seruauit:

1. Georg.

Dij patrij indigetes, & Romule, Vestaq; mater.

Velleius: *Iupiter Capitoline, Gradive Mars, perpetuorumq; custos Vesta ignium, vos publicâ voce obtestor.* Et alius alia exempla obseruet. Sed ad Romanam propriè Vestam ut veniamus (id institui:) vnde ei exemplum, & quando origo? Exemplum à Troianis, atque vnâ cum Æneâ in Italiam venit. Nam primitus culta in Illo, extulitque Æneas. Virgilius:

Sic ait, & manibus vittas Vestamq; potentem,

Æternumq; adytis effert penetralibus Ignem.

111. De
Ciuit. cap.
xviii.

Elaram Lauinij constituit, conditâ à se vrbe, & sede regni. Inde in Albam Longam transtulit Ascanius: & denique ab vrbe eâ matrice coloni Romam. Hoc est, quod Augustinus tetigit: *Sacra illa fatalia (Vestæ) quæ iam tres, in quibus fuerant, presserunt ciuitates.* Tres iam dictas, mali nempe fati, nec diuturnas. Prudentius ambiguit, vel ad Troiam, vel Athenas refert:

11. aduer.
Symmac.

- in his quoniam Vestalis origo fauilla

Vrbibus, ut memorant, primo de fomite sumpta est:

Sacrauitq; focos aut Phryx, aut Graius, alumnos.

Et Athenis quidem Ignem cultum, mox dicam: sed prior tamen certiorque origo à Troianis, & Albâ: imò mansit sacrum Albæ, etiam si Roma iam accepisset. Notandum

tandum est. & Iuuenalis ita intellegendus:

Ignem Troianum, & Vestam colit Alba minorem.

Scholiaſtes ibi vetus: Romanos Tullo rege mouere ea ſacra, & transferre voluiſſe: ſed magnam lapidationem de calo factam. Et iuſſi, inquit, ex libris Sibyllinis Pontifices ex S. ſacra Albæ renouare inde ibi perſeueranti deo. & Vestam minorem dixit, ad compositionem. Ecce, Tullo rege, notum Albam dirutam, & ciues Romam tractos: tamen ſacra illa Veſtæ ait Scholiaſtes manſiſſe, monitu diuino, & lapidatione territos amouere. Addit & de libris Sibyllinis: quid? an ſub Tullo? non tunc erant, & conſenſu ad Tarquinium Superbum acceptos cuſtoditosque eos referunt: ideoque poſt ex S. c. liberâ rep. putem renouationem eam iuſſam. Additque, perſeueraffe. quod clariuſ in eo meliuſque ſcribas: renouare. Inde ibi perſeuerant. ideo & Vestam. Sanè perſeuerarunt, etiam Symmachi æuo: atque ille in epiſtola quadam: *Inceſtum Primogeniæ, apud Albam Veſtalis antiſtitis.* Iterumque in epiſtolâ ſequenti. Igitur etſi Romam inde traducta, non tamen Albæ ſacra eſſe deſierunt: ſed quando traducta? Plutarchus ambigit: & *Famaeſt*, inquit, *Romulum etiam Ignem ſacrum inſtituiſſe, & Virgines legiſſe, quas Veſtales vocant: ſed alij tribuunt hoc Nume.* Propertius quidem palàm Romulo, de Tarpeiâ, quam facit ſacerdotem Veſtæ:

Lib. ix.
epiſt. cxx.

In Ro-
mulo.

Lib. iiii.
eleg. iiii.

Et ſatis vna male potuit mors eſſe puella,

Quæ voluit flammas fallere Veſta tuas?

& paſſim, totâ Elegiâ. Sed Dionyſius abit, atque adeò refellit, aitque: *Romulum dumtaxat focos ſingulis cu-*

Lib. ii.

riis conſtituiſſe, nullum Veſtæ publicum, memorem dede-
coris,

coris, quod mater in Dea eius sacerdotio subisset. Argumentum huic rei certum, quod Vestæ ædes sita sit extra Romam quadratam, quam Romulus condidit: non futurum, si ille auctor. Nam publicum, inquit, focum solent omnes in præcipuâ urbis parte collocare. Tamen & Cicero in priorem ire videatur: *Quod sacrificium tam vetus est, quàm hoc (Vestaliū) quod à regibus æquale huic urbi accepimus.* Si æquale, ergo à Romulo. Sed tamen communior fama ad Numam refert. de quo Liuius: *Virgines Vestæ legit, Albâ oriundum sacerdotium, & genti conditoris (ob Iliam scilicet) haud alienum.* Idem Dionysius, Plutarchus, alij.

De Ha-
rusp. resp.

CAP. III.

Numam templum sacrasse, atque id rotundum: viris noctu interdictum. Nulla ibi statua: & tamen vulgò eius imago.



ATQUE adeò Templum Vestæ instituit, & quidquid ad certum & sollemnem eius cultum. Id fuit situm inter Capitolium & Palatium, medio ferè spatio: disertè Dionysio scriptum, & extra Romulæam urbem, quæ radicibus Palatij ferè terminabatur. Indicat & Liuius: *In Noua viâ, ubi nunc sacellum est, supra ædem Vestæ.* Nam via hæc Noua ex Palatij parte, iuncta Romano foro: & in Fori parte ipsa ædes. Condidit Numa anno urbis quadragesimo, id est regni sui secundo. quod Ouidius ita notat:

*Dena quater memorant habuisse Palilia Romam,
Cum flammæ custos urbe recepta Dea est.*

Regis

*Regis opus placidi, quo non metuentius vllum
Numinis ingenium terra Sabina tulit.*

Ostendit deinde olim vile, nunc ære & marmore nituisse. Ære, in tecto: sed vt opinor, aurato.

*Quæ nunc ære nitent, stipulâ tum tecta virebant,
Et paries lento vimine textus erat.*

Addit, rotundam olim & tunc fuisse.

Forma tamen templi, quæ nunc manet, antè fuisse

Dicitur: & formæ causâ probanda subest.

Causâ addit plusculis versibus, quia Vesta Terram notat, Terra autem rotunda. Quod ipsum in Festo: Rotundam adẽ Vestæ Numæ rex consecrassẽ videtur, quod eandẽ esse terram, quâ vitæ hominum sustineretur, crediderit, eamq; in pilæ formam esse, vt simili templo Dea coleretur. Seruius amplius suggerit, Adẽ hanc potius quàm Templum fuisse, neque inauguratum à Numâ, ne Senatus ibi haberi posset. Et si tamen nefas nõ fuit viros intrare, sed penetrare. Dionysius indicat: qui scribit, de die patuisse OMNIBVS, at PERNOCTARE fas fuisse nemini masculo. Docet & Neronis factum (in Tacito) qui super profectiõne suâ veneraturus deos, adiit ^{xv. Annal.} Capitolium, & Vestæ quoque templum iniuit. Sed & Piso (apud eundẽ) peruasit in adẽ Vestæ. Viri igitur intrabant, sed non pernoctabant, neque ad intima, vt dixi, penetrabant. Ideò Metellus Pontifex, sacra ab igne erepturus, apud Ovidium profatur:

Sacra vir intrabo, non adeunda viro.

nempe illa penetralia, & quò solæ Virgines ibant. In hac autem æde negant simulacrum vllum fuisse. Cuidius:

Esse diu sũlius Vestæ simulacra putavi,

B

Mox

Mox didici curuo nulla subesse tholo.

In Co-
rinth.

Simile in Græciâ. Pausanias : παρελθούσι δ' ἐς τὸ τῆς Ἑσίας, ἄγαλμα μὲν ἐστὶν οὐδὲν, βωμὸς δ', καὶ ἐπ' αὐτῷ θύουσι : *Progre-
dientibus in Vestæ, simulachrum nullum occurrit, Ara
tantum, & in eâ Vestæ sacrificant.* Caussam Fasto-
rum ille conditor reddit :

Ignis inextinctus templo calatur in illo,

Effigiem nullam Vestæ nec Ignis habent.

Quæ ut ita sint, tamen Vestæ imago passim in Nummis
aut Statuis expressa; hodieque exstat. Plinius sedentem
effingi solitam ostendit, à stabilitate: sed Nummi hoc
amplius, & sedentem exprimunt, & alterâ manu fa-
cem, alterâ discum siue pateram libatoriam præferen-
tem: cum inscriptione, VESTA. P. R. QVIRITIVM.
De Face, ad ignem pertinet: de Disco, ad sacrificia sol-
lenniter & perpetim oblata. Suidas Tympanum ei tri-
buit: nescio an in veteribus spectationibus obseruatum.
Γῆς ἄγαλμα. inquit. γυναιῖκα πλάττουσι τὴν ἑστίαν, οἷον εἰ
τὴν γῆν τύμπανον βασιάζουσιν, ἐπειδὴ τοὺς ἀνέμους ἡ γῆ ὑφ'
ἑαυτὴν συγκλείει: *Terræ effigies. mulierem formant Ve-
stam, tamquam Terram, Tympanum præferentem: quo-
niam ventos terra intra se concludit.*

CAP.

CAP. II II.

*Aliud ab Augusto Vestæ templum. item de Regiâ,
& Atrio Vestæ.*

ATQUE hoc Vestæ igitur templum: estne aliud? aliud, Falsum, & Verum. Falsum, quod antiquarij hodie adtribuunt, ad Tiberim, iuxta Forum Piscarium, sub Aventino. Ædicula exstat; formâ rotundâ, & extra murum interiorem columellæ XVIII. velut porticum formant. Quia rotunda, quia extra pomerium Romuli, faciunt veterem illam Numæ esse. Falli arbitror. nec assertor huic opinioni, in isto quidem loco, erit: & quis nescit aliorum quoque Deorum templa sæpe eâ formâ fuisse? Quod autem extra Romuli pomerium: valdè quidem. etiam extra Numæ: sed antè docuimus, hanc veram à nobis descriptam, item extra finitionem illam fuisse. Ergo hæc valeat: altera est vera, & à me eruenda, in Palatio collocanda. Ovidius in extremâ Metamorphosi palàm de eâ:

*Vestâq, Cesareos inter sacrata penates,
Et cum Casareâ tu Phæbe domestice Vestâ.*

Viden' duo numina in Palatio dicata, Vestam & Apollinem? Quod idem poëta clariùs etiam, in Fastis:

*Aufert Vesta diem. cognati Vesta recepta est
Limine: sic iusti constituere patres.*

Phæbus habet partem, Vestæ pars altera cessit:

Quod superest illis, tertius ipse tenet.

Diem quartum Kalendarum Iunij, inquit, *Vestæ aufert.* Quare? suntne tunc Vestalia? non illa prisca quidem,

B 2

quæ

Lib. II II.
extremo.

Lib. VI.

quæ incidunt in quintum Idus Iunij, ipso Ouidio attestâte, & marmoreis Fastis. Nam in his hodie insculptum eo die legitur, VEST. NE. PR. quod significat, VESTALIA. NEFAS PRÆTORI. Prior autem ille dies iisdem Fastis in Aprili non signatur: quia nouellus, & dedicationis modò index. Nam Augustus, cùm omnino in Palatio habitare vellet, & mos tamen ac cerimonia haberet Pontificem Max. in domo publicâ, iuxta Vestæ, habitare: ipse Vestam potiùs ad se transtulit, & Sc. partem domus suæ publicauit, atq; alteram illi consecrauit. Ouidius notat, Patres ita censuisse: qui scilicet proni tunc valdè in Principum desideria siue affectus. Et poëta quidem clarissimè: sed & in aliis scriptoribus sunt quæ eò ducant.

Lib. IIII

Dio scribit: Επειδὴ τε τοῦ λεπίδου μετὰ Ν. ἀξίουτοῦ ἀρχιερέως ἀπεδείχθη, οὐτ' οἰκίαν πινὰ δημοσίαν ἔλαβεν, ἀλλὰ μέγας ἡ τ' ἐκαστὸς, ὅτι τὸν ἀρχιερέα ἐν κοινᾷ πλὴν οὕτως οἰκεῖν ἐχρήν, ἐδημοσίωσε: *Postquam Lepido mortuo Pontifex max. designatus est (Augustus) nullam domum publicam accepit, sed partem suæ, quoniam omnino Pontificem in publico habitare oportebat, publicauit.* Imò non partem tantùm,

Lib. LV.

sed mox totam. Ita enim idem scriptor: Ο ἃ αὐγουςτο τὴν οἰκίαν οἰκοδομήσας, ἐδημοσίωσε πᾶσαν, εἴτε διὰ τὴν σωτέλειαν τὴν πρὸς τὸ δῆμον οἱ γενόμενον, εἴτε ὅτι ἀρχιερέως ὡς, ἢ ἐν τοῖς ἰδίοις αὐτοῦ καὶ τοῖς κοινῶς οἰκίῃ: *Augustus domum cum exadificasset, totam publicauit: siue quia collato ære à populo struxerat, siue quia Pontifex max. cùm esset, ut in propriis simul & publicis adibus habitaret.* Secunda causâ verissima est. Suetonius, de Iulio Cæsare:

Cap. XLVI

Habituavit primò in Suburrâ, post autem Pontificatum max. in Sacrà viâ, domo publicâ. Agnosce

Domum

Domum publicam in Pontifice? & quidem Sacra viâ: an non in *Regiâ* ipsâ? Ita enim præire idem ille Dio, bonus ad antiqua ductor, videtur, post superiora illa è libro LIIII. verba. Nam addit: Τὴν μὲν τοι τὸ βασιλέως τῶν ἱερῶν ταῖς ἀειπαρθέναις ἔδωκεν, ἐπεὶ ὁμοῦ τε καὶ ταῖς οἰκίαισιν ἀπὸ τῶν λῶ: *Nihilominus illam, quæ Pontificis erat, Regiam Vesta Virginibus dono dedit, ut quæ contigua earum adibus esset.* Itaque olim in *Regiâ* habitabant, in propinquo, & velut inspectores Virginum arbitri quæ, ut mox dicam: sed Augustus spreuit (parua enim hæc *Regia*) & colorem publici loci in priuato quæsiuit. * Alibi In Plinij Pancgyr. etiam de hac Principum domo publicâ memini me legere, & adnotare, nec ab alio fonte. At monui, exiguam hanc *Regiam* fuisse. Ita palàm Ouidius:

Hic locus est Vesta, qui Pallada seruat, & ignem:

Hic fuit antiqui regia PARVA Numæ.

Meminit Cicero: *Nuper quidem ad Regiam me penè* Pro Mss. *consecit.* Horatius:

Vidimus flauum Tiberim, retortis

Littore Etrusco violenter undis,

Ire deiectum monumenta Regis

Templaq; Vesta.

Ibi Scholiastes: *Regiam* dicit *Numæ Pompilij*, qui ad *Vestæ* suam habuit *regiam*. P. Victor, in descriptione urbis: *Regia Numæ, & Templum Vestæ.* Ibidem & *Atrium Vestæ*; quod *Regiæ* huic adiunctum. et si Ouidius confundere videatur:

Hic locus exiguus, qui sustinet atria Vestæ,

Tunc erat intonsi regia magna Numæ.

Nempe & ille locus pars *Regiæ* erat: non ipsa illa tota.

B 3


Hoc

Lib. I.
cap. XII.

Hoc Atrium Virginum habitationi seruiebat, vt Regia propriè dicta Pontificum. Agellius: *Virgo Vestalis simul est capta, & in Atrium Vestæ deducta*: sicut nupta in domum. Plinius: *Virgines cum vi morbi Atrio Vestæ coguntur excedere, matronarum cura custodiæq; mandantur*. Obserua igitur illuc egisse: sed vi morbi exisse, quia locus scilicet parum laxus, nec ægrorum curæ. Etsi maior tamen, iam ab Augusto, Regiâ etiam, vt dixi, iis concessâ: sed neque sic amplius.

C A P V.

Vestales sacerdotes, Virgines captas. quo auro? quo numero?



ATIS de ipsâ Deâ, & templo: de ministerio alioque eius cultu videamus. Ministræ Vestales fuere, atque eæ Virgines. In Ouidio duplex causâ. Prior, quòd Iuno & Ceres, sorores Vestæ,

Vtraque nupserunt: amba peperisse feruntur:

Restitit impatiens de tribus una viri.

nempe hæc Vesta. Ergo,

Quid mirum, virgo si virgine læta ministrâ,

Admittit castas in sua sacra manus?

Altera causâ, quòd Vesta Ignis, qui nihil gignit,

Nataq; de flammâ corpora nulla vides.

Jure igitur virgo est, quæ semina nulla remittit,

Nec capit: & comites virginitatis amat.

Cicero & duas alias dedit: *Vestæ colendæ*, inquit, *virgines præsumt, vt aduigiletur facilius ad custodiam ignis: & sentiant mulieres, in naturâ feminarum omnem castitatem.*

tatem peti. Aduigilent faciliùs. quare? quia libera à viro, prole, aliis curis. Castitatem peti. quomodo? cùm virgines placere Diis vident, ipsæ, pro parte suâ quæque, sint castæ. Alij libri, *pati* habent, non *peti*. Tum mallem, *mulieres, naturam.* Potest & ab exemplo esse. nam Plutarchus scribit, *in Graciâ quoque, vt Athenis & Delphis, & sicubi seruetur æternus ignis, præesse si non Virgines, tamen Viduas & à viro castas.* Eius ergo Romæ obtinuit, vt parvæ & tenerâ ætate caperentur, certæ pudicitia, & vitij expertes. Labeo Antistius scripsit, *minorem quàm annos sex, maiorem quàm annos decem natam, capi fas non esse.* Prudentius aspicit:

Ac primum parua teneris capiuntur in annis,

Ani è voluntatis propriæ quàm libera secta

Iusta maritandi condemnet vincula sexus.

11. contra
Sym.

Et Augustus, apud Suetonium: *Cùm in demortuæ Vestalis locum aliam capi oporteret, ambirentq; multi ne filias in sortem darent: adiuravit, si cuiusquam neptium suarum ætas competeret, oblaturum se fuisse eam.* De ætate, palàm vides: & hoc quoque, egrè parentes in hanc velut custodiam, & adaectam virginitatem, suas dedisse. Etsi multæ tamen non erant, nec crebræ istæ lectiones. Nam Numa in vniuersum quattuor eas instituit, cepitque: *Geganiam, Veraniam, Canuleiam, Tarpeiam:* vti nomina hæc à Plutarcho produntur. Duas deinde alias Seruius Tullius addidit, vt Plutarchus: siue ante eum potius Tarquinius Priscus, vt Dionysius adserit. & addit, *ad suam ætatem eum numerum sic mansisse.* Quò fortasse Valerius respexit, cùm de hoc Tarquinio: *Dilatauit imperij fines, cultum deorum nouis sacerdotiis auxit.*

Neque

Epist. 11.
contra
Sym.

Neque enim legere memini, de aliis ab eo sacerdotibus institutis. Ceterum de numero isto, etiam Festus: *Sex Vestæ sacerdotes constituti sunt, ut populus pro sua quisque parte haberet ministrum sacrorum: quia ciuitas Romana in sex est distributa partes, in primos secundosque Titenses, Ramnes, Luceres.* Vnus Ambrosius aliter, qui septem eas facit. *Quot tamen illis Virgines premia promissa fecerunt?* (puto, ferunt, legendum) *vix septem Vestales capiuntur puellæ.* An tamen non sex potius ibi rescribendum? an Augustum, qui pleraque sacerdotia numero, etiam Vestale hoc censemus auxisse? Aliud quod suspicer non habeo. nam quod quidam prætendunt aut excusant, *Vestalem maximam* extra senarium illum numerum fuisse, ab Ambrosio autem includi: quis dicit? aut quæ ratio est? Quin vel maximè ea Vestalis, & in ministerio sacrorum solâ ætate antecedens.

C A P. V I.

Alia in capiendo spectata, seruatæque. Sortem, aut Oblationem, interuenisse.



VO T capte fuerint, vidimus: nunc & Modum capiendi collustremus. Hoc enim verbo sollemniter utebantur: causamque dat Agellius. *Capi virgo propterea dici videtur, quia Pontificis maximi manu prehensa, ab eo parente, in cuius potestate est, veluti bello capta abducitur.* Cepit primas ipse Numa: & ut Dionysius ait, *ius deinceps capiendi voluit apud Reges esse.* At pulsus Regibus, Pontifex maximus in locum venit: sed non liberâ prorsus electione, legibusque suis adstri-

adstrictâ. E quibus *Papia* fuit (in Agellio) *quâ cauetur*, Lib. I.
cap. XII.
uti Pontificis maximi arbitrato, virgines è populo vi-
ginti legantur: sortitioq; in concione ex eo numero fiat:
Et cuius virginis ducta erit, ut eam Pontifex max. ca-
piat, eaq; Vesta fiat. Ait primùm, *Pontificis arbitrato*
legi. quo sensu? nempe ut ius probandi reiiciendiq; ipse
 habeat, & sitne idonea diiudicandi. Nam non *Ætatem*
 solum, sed *Genus, Corpus*, quæque adhærent, inspicere so-
 lent, & ut omnia apta honestaque ministerio essent. In
 Genere quidem, ne, *cuius parentes alter ambòve serui-*
tutem seruissent: aut in negotiis sordidis diuersantur.
 Item excusari, *cuius pater Flamen, Augur, Quindecim-*
uir, aut Septemuir, aut Salius est: & talia minuta, quæ
 in Agellio legas. In Corpore, *ne lingua debili, sensuue*
aurium deminuta, aliave quâ corporis labe insignita sit.
 Quæ adhærent: *ut patrima sit Et matrима, ut ne eman-*
cipata sit: & talia, dicto loco videnda. *Sequebatur in le-*
ge, Virgines viginti. Magno satis numero, ad vnam dum-
 taxat capiendam: sed causa est, ut fors leuior accidat,
 sparsa sic per plures. Addit, *E populo.* Toto, inquam,
 populo, non è patriciis tantum, sed & plebeiis. Imò verò
 Augusti æuo, præter legem moremque veterem, etiam
 ex libertinis captæ. Dio Cassius: Lib. LV.
 ἐπειδὴ τε οὐ ῥαδίως οἱ
 πόλιν διήρπεις τὰς θυγατέρας ἐς τὴν τῆς Ἑσίας ἱερᾶταιαν ἐπεδί-
 δωσαν, ἐνομοθετήθη καὶ ἵνα ἀπελευθέρων γεχνυμένας ἱερᾶταιαι:
Quoniam haud promptè ij qui planè nobiles erant, filias
suas ad Vestale sacerdotium darent, Lege statutum est
etiam è Libertinis natas posse capi. Sequitur, *Sortitio-*
nem in concione fieri. In concione, comitiis, puto, Curia-
 tis: ut coram testibus res fieret, & dignitas sacerdotio

C


ad cresce-

adcrefceret dignitate actionis. Sortitio autem adhibita, ut quasi diuinitus legi excerptique è pluribus talis videretur. Facit huc Suetonij illud suprà, *Ambirent q̃, multi ne filias in sortem darent.* Tangit & Sortem Dio, post superiora illa verba, additque: *cùm sortitio facta esset, Libertinam nullam tunc ductam.* Nec tamen semper ad Sortem ventum: Oblatio locum habebat, & talis (si apta) præferebatur. In Agellio: *Siquis honesto loco natus ad eat Pontificem maximum, atque OFFERAT ad sacerdotium filiam suam, gratia Papia legis per Senatum fit.* Omittitur scilicet, Sc. interueniente, sortitio. Vox Augusti huc spectabat, *Si neptium suarum competeret etas, OBLATVRVM se fuisse eam.* Taciti item narratio: *Retulit Cesar (tanquam Pont. maximus) capiendam Virginem in locum Occia: egit q̃, grates Fonteio Agrippa, & Domitio Pollioni, quod OFFERENDO filias, de officio in rempublicam certarent.* Addit deinde in ipsâ oblatione electionem & arbitrium: *& prelatam Pollionis filiam, non ob aliud, quàm quòd mater eius in eodem coniugio maneret: id est, vniura esset. quæ ipsa species aliqua castitatis.* Habet deinde lex, *Eam Pontifex Max. capiat.* Atque ipsa verba sollennia, ex libro primo Fabij Pictoris, recenset illustris Noctium scriptor: SACERDOTE. VESTALEM. QVÆ. SACRA. FACIAT. QVÆ. IOVS. SIET. SACERDOTE. VESTALEM. FACERE. PRO. POPLO. ROMANO. QVIRITIBVS. Q. VTI. QVÆ. OPTVMA. LEGE. FOVIT. ITA. TE. AMATA. CAPIO. Adicit Agellius: *AMATA inter capiendum à Pontifice max appellatur, quoniam quæ prima capta est, hoc fuisse nomine traditum est.* Sed vbi prima capta? Si Roma, &

mæ, & à Numâ: Plutarchus redarguit, qui quattuor nominat, nec ullam inter eas *Amatam*. Sin Albæ, aut Lavinij; hoc nescio, & in medio relinquo.

CAP. VII.

Disciplina captarum: gradatio & adscensus: temporaria ministerij: & Virgo Maxima.

 E diam igitur captæ, & sic puellæ ac teneræ: quid deinde? Disciplina sequitur, & quomodo ad ministeria sua factæ. Deducebantur in Atrium Vestæ, atque ibi à senioribus ad ritus & cerimonias omnes (plurculæ erant) instructæ. Nam in tres velut classes, et si paruius hic numerus, diuidebantur: Discientium, Exercentium, Docentiumque. Seneca, De Vitâ Beatâ: *Virginum Vestalium more, quæ annis inter officia diuisis, discunt facere sacra, & cum didicerint, docent.* Cap. xxix. Dionysius etiam distinctius: *Tempus tricennale manere eas oportet, castas & à nuptiis vacuas, sacra ex more facientes. quo tempore decem annos discere debent, decem sacris operari, decem docere.* Pulchra diuisio: & eadem alibi in Plutarcho. Itaque non nisi xxx. annos obligabantur, An seni ger. sit Resp. & post id tempus licitum nubere, haud pessimâ adhuc ætate. Nam pone ab anno vii. (id licebat) ingressam: ergo anno xxxvii. fas virum quærere, & ætate etiam frui. Ambrosius hoc irridet: *Qualis est ista non morum pudicitia, sed annorum? quæ non perpetuitate, sed ætate præscribitur?* Ergo & interdum nubebant. vt illa in Prudentio,

Nubit anus veterana, sacro perfuncta labore.

C 2

et si

Lib. ix.
epist. c. i. i.

Lib. i.

et si antiquitus observatum, infaustas ferè & parum letabiles eas nuptias fuisse. Sed, ut dixi, non nisi triginta annis obligabantur: antè autem nefas excedere. Ideo Symmachus, ut Pontifex, Vestalem quādam increpat: *Diceris ante annos legibus definitos Vestali secreto velle decedere, nondum credo rumori, sed assertionem tuæ vocis exspecto.* Hoc illam tunc sub Christianis Principibus ausam opinandum est, nostræ religionis zelo siue velo: sed olim silendum manendumque, aut in mundo pœna erat. An eadem autem annorum terminatio Albæ, vnde oriundum hoc sacerdotium? Dionysius abnuat, si verba eius germana, de Iliâ: *πενταετὸς ὃ ὅτε ἐλάττω χεῖρον ἔδει ἀγνὰς διαμείναι γάμων: Quinquennio autem, nec minus, oportebat à nuptiis castas manere.* Itane quinquennio tantum? vanitas: imò *πεντηκονταετὸς, quinquaginta annos*, in Dionysio legendum, ut lex Albana paulo durior Romanâ etiam fuerit. quod Liuius subindicat, qui tradit de hac ipsâ Iliâ, *perpetuâ virginitate spem partus ei ademptam*: & item Zonaras, qui, *παρ' αὐτὴν διὰ βίου, virginem perpetuam* dicit. Consideretur ego observo, plerasque ad ultimam ætatem in sacerdotio perseuerasse: & exemplum in Tacito, de Occiâ: quam scribit, *septem & quinquaginta per annos summâ sanctimoniâ, sacris Vestalibus præsedisse.* Ergo xx. circiter annos mansit, ultra suum tempus. Quod *Præsedisse* ait, non traho ad dignitatem, & quasi *Maxima* fuerit (vix anni illi admittant:) sed omnes *Præsidere* sacris, itemque *Antistites* vel *Antistitæ* dicuntur. Liuius apertè, de omnibus: *ut assidue templi antistites essent.* & Symmachus: *Primogenie dudum apud Albam Vestalis antistitis.*

Lib. ix.

stitis. Et si ordo tamen inter eas fuit, sed ministerij & ætatis. Vna enim quæ vetustissima, *Maxima* dicebatur. Ad ætatem, inquam, id referendum. atque ita Ovidius:

Ignem cremat vitulos, quæ NATV MAXIMA virgo est. III. Fast.
 Suetonius, Iulio: *Testamentum eius demandatum vir-* Cap. LXXX
gini Vestali Maxime. Idem, in Domitiano: *Damna* III.
tam ab eo Corneliam virginem Maximam: quæ malè Cap. VII.
 in Plinij epistolis, *Cornelia Maximilla.* In lapidibus Lib. III.
 sæpe: v. v. MAXIMÆ. quod est, *Virgini Vestali Max* epist. XI.
Quæ ipsa Dioni ἡ παλαιότατος α: & Tacito, *Vestalium ve-* Li. I. III.
tustissima nominatur. xi. Ann.

CAP. IIX.

Munera earum, primumq; tutela Ignis. Perpetuum hunc fuisse: si desisset, pœna Virginum & flagra: iterumq; instauratio.



NVMERVM, *Capturam, Disciplinam, Ordinem,* habemus: ad *Munia* earum transeamus. Neque enim vacuæ vnquam aut feriatae habitæ: sed plures frequentesque operæ, & mireris tam paucas suffecisse. Tria præcipua, in quibus deditæ: *Vigilare, Adseruare, Sacrificare.* Vigilia ad Ignem spectauit, quem sine intermissione ali opus, & reparari. Itaque *Æternum* siue *Sempiternum* dicebant. Cicero: *Virginesq; Vestales* II. De Leg.
in urbe custodiunt ignem foci publici SEMPITERNVM.
 Silius:

*Et vos virginæ LVCENTES SEMPER in arâ
 Laomedontæ Troiana altaria flammæ.*

Florus, de Numâ: *In primis focum Vestæ virginibus co-*
 C 3 *lendum*

lendum dedit, ut ad simulacrum caelestium siderum custos imperij flamma vigilaret. Vult, sicut sidera æternum lucent, sic debere, virginum assiduam curam atque operam, hunc Ignem. Atque ita erat. Nam ignis σβέσει (ait Dionysius) ὑπὲρ ἅπαντα τὰ δεινὰ ῥωμαῖοι δεδρίκασιν, ἀφανισμοῦ τὸ πόλεως σημεῖον ὑπολαμβάνοντες, ἀφ' ἧς ποτ' οὐ αἰτίας γίνηται: *extinctionem, super omnia graua & timenda, Romani timent: interitus aut imminutionis reipublicæ id signum interpretantes, à quacumque tandem causâ euenerit.* Lib. xx. viii. *Liuius cum eo: Plus omnibus aut nunciat is peregrè, aut visis domi prodigiis, terruit animos hominum ignis in æde Vestæ extinctus.* Et miseras Virgines, si euenisset. Nam *ignis Vestæ* (ait Festus) *siquando interstinctus esset, verberibus afficiebantur à Pontifice.* Sed pudore virgineo tamen saluo, in loco obscuro, & velo medio interposito, uti Plutarchus notauit. Exemplum autem huius castigationis in historiâ. ut Valerio: *P. Licinio Pontifici Maximo virgo Vestalis, quia quadam nocte parum diligens ignis æterni custos fuisset, digna visa est quæ flagro admoneretur.* In Liuiio: *Ignis in æde Vestæ est extinctus, casâque flagro Vestalis, cuius custodia noctis eius fuerat.* Nota de *Flagro* utrobique: quæ seruilis castigatio. nota etiam de *custodiâ eius noctis*, ut per vices iuisse videatur, & singulæ suis noctibus dumtaxat excubasse. Quod si autem extinctus; sua & certa ratio accendendi iterum erat: quam Dionysius alibi se dixisse profiteretur: sed nempe in libris, quos fatum inuidit. Est ea tamen in Festo: & *Mos erat, inquit, tabulam felicitatis tamdiu terebrare, quousque exceptum ignem cribro æneo Virgo in ædem ferret.* Quam rationem eliciendi ignis Simplicius in

Lib. xx.
viii.

Lib. i.
cap. i.

Lib. xx.
viii.

in Aristotelem etiam agnoscit: *Ἀπὸ ξύλων ὃ πῦρ ἐκείνα ἄλλοι- 111. De*
σι, θάτερον τῶν ξύλων, ὡς τέρετρον, ἐν θάτερον περιτρέφοντες: Calo.

Ignem è lignis excutiunt, alterum lignorum, tanquam
terebram, in altero circumuertentes. Tangit & Isidorus Lib. 11.
Pelusiota: & hodie adfidue vsurpant occidui orbis Indi. epist. x.

Similem cerimoniam Græcis fuisse, Plutarchus tradit:
 sed paullo diuersam. Nam si quando sacer ibi ignis deu-
 xit, *negant eum fas esse ex alio igne accendi, sed nouum*
parandum eliciendumq; ex ipso Sole. Quod faciunt sca-
phiis siue vasculis, quæ cauata sint aequalibus lateribus
rectangulis trigonis: deurgunt autem ex circumferentiâ
in vnum centrum. Cùm igitur Soli opponuntur, vt radij
eius in ipsum centrum cogantur & implicentur, aëre at-
tenuato, fomenta leuissima & siccissima apponunt, quæ
facillimè per renixum & reflexionem concipiant accen-
sum ignem. Hæc ita alibi: Romæ, vt dixi. Addo, etiam
 sine interstinctione vllâ Ignis, solere nouum accendi, no-
 uo anno. Macrobius: *Primâ die Martij, ignem nouum* Lib. 1. Sa-
Vestæ aris solent accendere, vt incipiente anno cura denuo turn. cap.
seruari nouati ignis inciperet. Ouidius: XII.

Adde, quòd arcanâ fieri nouus ignis in ad-

Dicitur, & vires flamma resecta capit.

Vterque adducit, & argumentum habet, pro Martio, du-
 ce olim anni: vt sciamus annum, cùm Vestales à Numâ
 institutæ, nondum sic auctum & correctum. Nam Mar-
 tius certè postea non princeps. Addit Ouidius:

Vesta quoque vt niteat folio velata recenti,

*Cedit ab Jliacis laurea * cana focis.*

Eodem illo primo die reliqua scilicet innouabant, & lau-
 rus veteres tollebant, nouas surrogabant.

111. Fast.

* id est, ve-
 teris

CAP.

CAP. IX.

*Servabant & imperij pignus, variâ interpretatione:
et si plerique ad Palladium trahant. Quid illud,
unde, ubi?*



Lib. xxvj.

ALTERVM Munus dixi fuisse, *Adservare*. Quid
autem? arcanum IMPERII PIGNVS, vt appel-
labant. Liuius: *Vesta adem petitam, & aternos
ignes, & conditum in penetrali fatale imperij pignus.*

Lib. ix.

Lucanus:

-- in abstruso pignus memorabile templo.

vi. Fast.

Ovidius:

Vidimus Iliacæ transferri pignora Vesta.

III. Con-
trou. lib. i.

Seneca pater: *Veniet ad colendum Romani imperij pi-
gnus carnificis manu incesta? Quid autem pignus istud
& cuiusmodi fuerit, in arcanis habebant: & ideò variant
auctores. Dionysius ait: Εἰσὶ δὲ ἄλλες οἱ φασὶν ἔξω τοῦ πυλῶ-
ντος ἀπὸ τῆς τοῖς πολλοῖς ἱερᾶ καὶ ἀειλύα ἐν τῷ τευκίῃ τῷ θεῷ, ὧν
οἱ τε ἱεροφάνται τὴν γνώσιν ἔχουσι καὶ αἱ παρθέναι: Sunt qui
asserant, prater ignem, arcana & multitudini non effe-
renda sacra, in deæ templo esse deposita, quorum Pontifices
notitiam habeant, itemq; ipsæ Virgines. Addit signum
huic rei certum, quod cùm templum olim arderet, L. Me-
tellus Pontifex, trepidantibus Virginibus, irrupisse in ar-
dens penetrale dicitur, & Sacra è flammis eripuisse: id
quod subscriptum statuae eius in Capitolio legebatur.
Iterumque Dionysius: *Huic rei confesse, addunt conie-
cturas suas. alij servari sacrorum partem è Samothraciâ,
quæ Dardanus Troiam, Aeneas in Italiam aduexerit:*
alij*

alij celo delapsum Palladium, quod verum idem Æneas
 adportarit. nam falsum & adsimilatum Achiuos furto
 sustulisse. Hæc ille: videamus. Prima opinio de *Sacris*
Samothracum, quæ & in Plutarcho expressa: *censere* In Ca-
millo.
 quosdam, deos *Samothracum* hic condi. quos cum Penati-
 bus alij confundunt. Videaturque Tacitus in hac parte,
 vbi de Neroniano incendio: *Numæ regia, & delubrum* xv. Ann.
Vestæ, cum Penatibus populi Romani exusta. quasi Pe-
 nates ecce illic asseruati. Sed potest & aliter capi, vt
 Vestæ delubrum, itemque Penatium templum, haud
 procul inde in Veliâ, sint exusta. Altera opinio, de *Pal-*
ladio, quæ in vulgus maximè recepta est, & nobile illud
 fecit ac decantatum. Quid appellamus? Palladis minu-
 tam effigiem, Græcanicâ sermonis formâ. Eustathius:
 τὰ δὲ πάλλαδ' & εἰδωλα, παλλὰδια τοῖς παλαιοῖς ὀνομάζονται: In i. Iliad.
Palladis imagines Palladia antiquis appellantur. Mul-
 ta super isto multi: Apollodorus intellegendo sufficiet.
A celo hoc delapsum est, & Ilo regi traditum. 111. Bibl.
Erat autem magnitudine tricubitale: habitu quasi ingredientis:
dextrâ hastam sublatam præferebat, sinistra fufum & co-
lum. Exstant in gente Iuliâ Numi, quibus Æneas in-
 sculptus visitur, sinistra Anchisem humeris tolerans, de-
 xtrâ Palladium istud gestans. Itaque plurimum, vt dixi, hæc
 opinio. Liuij, vt apparet: *Quid de æternis Vestæ ignibus,* Lib. v.
signo que, quod imperij pignus custodia eius templi te-
netur, loquar? Signo, nempe hoc Palladis. Lucani certè:
 - nulliq; adpecta virorum

Pallas, in abstruso pignus memorabile templo.
 Obserua, nulli virorum: solis ergo Virginibus fas vide-
 re. Idem poëta, de Vestali:

D Troianam

Lib. I.

Troianam soli cui fas vidisse Minervam.

Sed nec Pontifici Maximo fas: etsi esse sciebat & coli, ex Dionysio suprâ adstructum. Itaque nec impune Metello fuit vidisse, vt servaret. Plinius: *Metellus orbam luminibus exegit senectutem, amissis incendio, cum Palladium raperet ex ade Vestæ.* Ceterum & Cicero in hac

Phil. xi.

sententiâ: *Qui (Brutus) ita conservandus est, vt id signum quod de calo delapsum Vestæ custodiis continetur: quo salvo salvi sumus futuri.* Nam ait, *de calo lapsum.* Propertius:

Lib. IIII.
el. IIII.

*Palladis extinctos si quis mirabitur ignes,
Ignoscat, lacrimis spargitur ara meis.*

Camillo.

Vbi & ipsum cultum ignium Palladi adscribit. Tertiam opinionem licet addere, ex Plutarcho: *Qui plus in his rebus volunt sapere, duo Dolia haud magna recondi aiunt. atque unum ex iis plenum esse, obsignatumque; alterum vacuum. utrumque tamen Solis virginum oculis usurpandum. Quæ dant & capiunt lucem è Lampridio, in Eligabalo: Qui penetrare, inquit, sacrum auferre est conatus. cumq; Seriam (siue Dolium) quasi veram rapuisset, quam Virgo Maxima falsam monstrauerat, atque in eâ nihil repperisset, applosam fregit.* Sed idem Lampridius an non subindicat in ipsâ Seria Palladium hoc fuisse? Nam de eodem principe, an pecude, ait: *Signum quod Palladium esse credebat, abstulit.* Incerta hæc igitur, & bono religiosoque animo Dionysius: *Ego, inquit, adservari à Virginibus non Ignem solum, sed & Sacra quædam vulgo incognita, multis inditiis colligo: sed quæ ista sint, neque me, neque alium qui religiosè deos & divina colit, inquirere curiosè oportere arbitror.* Atque ipsi sanè

fanè Romani velabant, si non vetabant. Itaque in oper-
to habebant, in adyto & Penetrati, quod *Penum* voca-
bant. Festus: *Penus vocatur, locus intimus in ade Ve-*
sta tegetibus septus: qui certis diebus circa Vestalia ape-
ritur. Ii dies religiosi habentur. De eodem etiam Lam-
pridius: Impius ille Eligabalus *Penum Vestæ, quò sola*
Virgines, soliꝫ Pontifices adeunt, irrupit. Ergo & Pon-
tifices? apparet, sed non vt viderent. Adire, hoc satis iis
fuit. Sed nōne ipse Eligabalus, exemplo omnium Prin-
cipum, tunc Pontifex maximus? certè, & Numi cen-
teni dicunt. Quid ergo Lampridi culpas? hactenus non
potes, nisi quòd abstulit tamē, & conatus videre. Ne-
fas. atque ita Herodianus, vt prodigiōsam rem narrat:
quòd Commodi imperio *Vestæ templum arserit, & nu-* Lib. 1.
dum visum sit Palladium, quod Romani & colunt ma-
ximè & celant: visum, dico, tunc primum post allatum
ab Jlio in Italiam. Legas, & hæreas. ergone tunc pri-
mum? Atqui & à Metello Pontifice raptum ex incendio,
& conspectum vnà dicas (vnde enim oculi aliter amissi?)
& in Dione scriptum, sub Augusto *Vestam arsisse, &* Lib. 1. 11.
Virgines Palladium extulisse, ac posuisse in domo Au-
gusti. Sed dicere licet ac credere, *nudum*, non visum,
quod in Herodiano erat: sed velamento suo, siue Seriâ,
obductum. Ac talis fortasse in Statio sensus, & allusio:
vbi Tydeus Palladi vota faciens, ait,

Peruigilemꝫ, foci ignem longa a sacerdos
Nutriet, arcanum non inspectura pudorem.

Lib. 1. r.
Thebaid.

Hic Scholiastes vetus: *Arcanum Pudorem dicit, aut eius*
simulacrum verum, id est Palladium: quo quidam (Me-
tellus) quondam viso, priuatus est visu: aut virginita-

D 2 tem

tem eius. Et si magis pro verbis Statij videatur altera interpretatio de *Virginitate*, siue Virginal mauis dicere: atque eam partem in hoc signo semper, religione quadam, obuelatam fuisse. Non ita in aliis, quæ nudare, lauare, ungere solenne erat. Satis de Palladio. vnum ex Lib.vi. Dionysio subtexo ambiguae vel obscuræ notitiæ: *Nautium quemdam è comitibus Æneæ, sacerdotem Minervæ Urbicæ fuisse, eiusq; simulacrum secum Troiâ extulisse. quod, inquit, asseruabant alij ab aliis suscipientes, quicumque eius gentis essent.* Estne de isto nostro, an alio? an iam olim dumtaxat adseruauit ea gens, ante conditum Vestæ templum? Et si Cedrenius à *Romulo Martis adem sacratam vult, & in eâ repositum tunc Palladium.* Ouidius etiam de auctore vel aduectore Palladij satis incertò:

vi. Fast.

•Diomedes.

Seu genus Adraſti, seu furtis aptus Ulyſſes,
Seu pius Æneas, eripuisse ferunt.
Auctor in incerto est. res est Romana: tuetur
Vesta, quod aſiduo lumine cuncta videt.*

CAP. X.

Sacra etiam aſidua faciebant. an & Aqua curabant? an Draconi? hæc inſiſta: & aliquid de Deo Fonte.

Cap.v.



ERTIVM dixi Munus *Sacrificare.* Atque id adſiduum penè erat, diu noctuq; Seneca, de Prouidentiâ: *Quid porrò? non est iniquum nobiliſſimas Virgines ad ſacra faciendâ noctibus excitari, altiſſimo ſomno inquinatas frui?* Prudentius:

Hoc

Hoc illud meritum est, quod continuare feruntur

11. contra
Sym.

Excubias, Latij pro maiestate Palatij.

Et in Numis passim Vestalis sacrificans, ipso habitu quem Festus describit: *Armata virgo dicebatur sacrificans, cui lacinia togæ in humerum reiecta.* De quo cultu aliquid & idem Festus: *Suffibulum, vestimentum album, prætextum, quadrangulum, oblongum, quod in capite Vestales cum sacrificant, semper habent: idq. fibulâ comprehenditur.* De sacrificiis autem ipsis, aut eorum ritibus, longum & tenue sit hîc dicere: omitto. quod dubium sit, magis inquirô. Etiamne Aquæ Virgines curabât? Ex Suidâ hoc adstruitur: Νομας τὰς ἐσιτάδας παρθένους ἔπυρε ἡ ὕδατος τὴν ἐπιμέλειαν ἔχειν προέτερε. *Numa Virgines Vestales ignis et aquæ curam habere demandavit.* Totidem ferè verbis hoc legas in Georgio Cedreno. Cur tamen alij veterum silent? aut quæ hæc Aquæ cura? Opinor non aliam, quàm quòd Fonti Camœnarium præessent, ex quæ eo solo aquam ad sacra peterent. Possit sanè aliquis ad Physiologiam referre, quasi duo rerum principia coli Numa voluerit: sed ad rem ritumque firmandum Plutarchus nunc adhibeatur. Ait, *Nu-
mam prætæcam, ubi plurimum cum Egeriâ versatus esset, Camœnis consecrasset:* tum addit: τὴν ὃ πηγὴν, ἢ καταρδὲ τὸ χωρίον, ὕδατος ἱερὸν δὲ ποιεῖσαι ταῖς ἐσιτάς παρθένοις, ὅπως λαμβάνουσαι καθήμεναι, ἀγνίζουσι καὶ παί-
νῳσι τὸ αἰάχεσθαι. *Fontem autem qui locum irrigat, aquam sacram Virginibus Vestæ attribuisse, ut ex eo cot-
tidie haurientes purificarent & aspergerent sacram
adem.* Nisi hæc aqua sit, cuius curam gesserint, non reperio: ad cottidianam quidem lauationem illam, scio

D 3

& Pro-

& Propertium respexisse, dum de Tarpeiâ Vestali scribit:

Sacra lauaturas mane petebat aquas:

Sat. 11. et si ex alio fonte ea (quippe sub Romulo) sumpsit. Item-
que in Persio hoc fine, *Vestales urnas* legas. Sed ut obi-
ter addam, ille Fons Vestalibus dedicatus, sacer habitus,
& in Deos etiam relatus, delubrum postea accepit. de
quo Iuuenalis:

Sat. 111. *Nunc SACRI FONTIS nemus & DELVBRALocantur
Iudeis.*

111. De Cicero: *Fontis delubrum Maso ex Corsicâ dedicavit.*
Diuinat.

Festus: *Fontinalia, fontium sacra, unde & Fontinalis
porta.* Imò singularem (& sic corrige) *Fontis sacra.* Sym-
machus: *Sed enim prater ea etiam Camœnarum religio,*
Lib. 1. epist. xiiij. *& SACRI FONTIS adnectitur:* ita malo, quàm aduer-
titur, ex scriptoris mente. Fuit & alia aqua Vestæ haud
longinqua, Iuturnæ fons & lacus: sed de câ, quod huc
faciat, nihil legi. Simili in ambage vel nube est, quod in
Siluestri Pontificis Actis quibusdam legitur, *Draconis
eum ora clausisse, & perpetuo ergastulo mancipasse:* cui
*Kalendis singulis à Virginibus Vestæ suppeditari solita
sunt alimenta.* Nam quis veterum tale aliquid? eoque
spèrni aut abiici à magnis viris, ut falsa, video: me cun-
ctante, an non Tertullianus huc adspexerit, hisce verbis:

1. ad Vxor.
cap. vi.

*Romæ quidem, quæ ignis illius inextinguibilis imagi-
nem tractant, auspiciæ pœnæ suæ cum ipso DRACONE
CVRANTES, de virginitate censentur.* Profectò dicit
& Ignem curasse, & Draconem: vtrumque in imagine
futurorum. Neque nimis abhorream, talia quædam,
præter morem veterem, nouitiâ superstitione, & causâ
aut casu aliquo, adsumpta: quæ idèò priscis nec dicta.

Draco-

Draconem quidem vnâ cum Bonâ Deâ cultum, hoc legi: sed quid ad Vestam? in quâ pergo.

CAP. XI.

Premia & priuilegia earum. Jus testandi, Licitor, Carpentum, aliâque data.

MVNIA & labores vidimus: nunc iustè *Premia* & honores, quibus ad illa excitatæ. Pleraque eorum Plutarchus exsequitur: & siquid defiet, addam. Ait: *Honores magnos Numa iis tribuit. veluti quòd viuo patre testari possint, atque alia facere sine auctore* (οὐδὲ ὡρεσάτω) *eo modo & iure, quo matribus trium liberorum id permissum. Item licitor præcedit exeuntes. Quòd si reo, ad supplicium qui ducitur, fortuitu factæ sint obuiæ, is pœna liberatur. Oportet autem iurare à casu, non à consilio, fuisse hunc occursum. Qui verò lecticam earum aut sellam quâ vehuntur subit, morte id luit. Hæc more nostro lustremus paullum, & illustremus. Ait primò, ius testandi habuisse.* scilicet quia statim exhibant è patriâ aliâque omni potestate: & ætatis deliquium leges benignè supplebant. Adeò vt vel *sexennes*, id est primo anno quo capte, testari possent. Sozomenus disertim: Οἱ παῖδες ἑπτὰ καὶ ὀκτὼ ἐτά-
uxas παρθένους, καὶ ἐξ ἑστέως ἔσας, ἐνομοτέδισται: Prisci Romani liberè testari Virgines Vestales, etiam sexennes, lege sanxerunt. Addit Plutarchus, Premia habuisse, quæ trium liberum matres. At reuera non Numa hoc (neque enim tunc de isto iure) sed Augustus instituit. quod Dio in loco & anno suo scripsit: Ταῖς, inquit, αἰ-

1. Eccl.
Hist. c. 12.

Lib. LV.

ωσφ-

παρθένους πάντας, ὅσα περ καὶ τεκοῦσαι εἶχον, ἐχαρίσατο: *Vestæ virginibus omnia, quæ matres habebant, indulgit.* Alius honos: *precedere & deducere lictorem.* Id quoque non à Numâ, sed Triumviris referunt acceptum. Dio Cassius:

Lib. xlvij. Ταῖς αἰ παρθένοις ῥαβδούχῳ ἐνὶ ἐκάστῃ χεῖρτάαι ἔδωκαν: *Virginibus Vestæ singulis lictore uno uti dederunt.* Et causam

siue αἰ φασιν addit. quod una aliqua earum vesperi à cænâ rediens, & incognita, malè habita ac violata esset. Tu-

1. Controu. 11.

tela igitur & decus, Lictor additus. Seneca pater: *Procedente hac lictor submouere iubebitur: huic Prætor viâ cedit: summum imperium Consules cedent tibi.* In eodem

vi. Contr. ult.

alibi: *Tibi magistratus suos fasces submittunt: tibi Consules Prætoresq; viâ cedunt.* Numquid exiguâ mercede

virgoes? Attende. omnem honorem huic sacro ministerio, & ipsos Consules cessisse. Quartum in Plutarcho:

morte liberaffe, illi addictos. Credo: sed de Iuramento fortuiti occurſus nodum aut remoram habet. quomodo

enim? cùm nec iurare omnino Vestalis deberet? Ita sanè in edicto Prætoris perpetuo, apud Agellium: *Sacerdotem Vestalem. & Flaminem Dialem, in omni iurisdictione*

Lib. x. cap. xv.

meâ iurare non cogam. Nec de iuramento controuerto: tamen in foro auditas, & pro testimonio dixisse, Ta-

11. Ann.

citus palàm firmat. *Missus est Prætor,* (de Vibullia quadam, gratiosa aulicâ) *qui domi interrogaret: cùm Virgines Vestales in foro & iudicio audiri, quoties testimonium*

dicerent, vetus mos fuerit. Venisse igitur in forum, testes adhibitas, liquet: sed, ex Edicti verbis, non iuratas dixisse, nisi si vellent. Nam est in Edicto, *non cogam.* Religionis igitur honore, voluerint vel iniuratis credi. Vltimum in Plutarcho: *Siquis lecticam subisset, morte*

plecti.

plecti. In Græco est, ὁ φορεῖον : *gestamen*. Quod commune nomen est, & plurimum Lecticam aut Sellam signat: atque ita latas, cum mos suadet, tum Ambrosij de ipsis verba: *Pompa lectice, ministrorum circumfusa comitatu*. Sed addo, & Pileto siue Carpentō plurimum vectas. Prudentius:

Fertur per medias, ut publica pompa, plateas

Pileto residens molli.

Tacitus: *Suum quoque fastigium Agrippina altius tollere, carpento Capitolium ingredi: qui mos * sacerdotibus* xi l. Ann. * Vide me in Comment.
& sacris antiquitus concessus, venerationem augebat

mina. Sacerdotibus, nempe istis Vestæ, sed & Flamini-
 bus olim. Liuius: *Ad Fidei sacrarium Flamines bigis*, Lib. i.

curru arcuato, vehi iussit. Quis ille currus arcuatus? carpentum, id est tectum supernè, & cameræ in modum. Talia enim hæc fuisse, Nummi hodie dicunt, qui plures exstant: neque à *Thensâ* nimis diuersum fuit. Id quoque enim vehiculum sacrorum. Quia igitur ita tectum, & velut solidum perfectumque vehiculum; Dio Cassius dixisse videtur & circumscripsisse, ἄρμα ὅλον. Ut in honoribus Iulio Cæsari, tamquam Deo decretis: ὅτερον δὲ Lib. xlii.

ἀρμα ὅλον ἐν ταῖς ἱπποδρομίαις, μὲν τῶν θεῶν ἀγαλμάτων, πέμπεσθαι ἐγνώσαν: Denique ἔς currum integrum, siue Thensam, ὃνὰ cum Deorum statuis, in Circum inferri decrêrunt. Simile in libro sequenti, de eodem Iulio: καὶ ἐν ταῖς ἱπποδρομίαις ὄχλον εἰσάγεσθαι ἐψηφίζαντο: Legendum videtur, ὄχλον ὅλον, ex prior loco: si tamen lectio illa certa. Id esset: *Et in Circensibus thensam introduci censuerunt*. Suetonius ad ista: *Quedam ampliora humano fastigio decerni sibi passus est, Thensam ἔς Ferculum*

E

Cir-

Circensipompâ. Itaque non nimis diuersa (quod ad formam) *Thensa*, *Carpentum* siue *Pilentum*: sed prius illud diis adtributum, alia eorum etiam ministris. Sed ad Vestales. quid ergo vult Plutarchus? *Siquis subisset*, inquit. nonne per proteruiam aut ludibrium, & quasi velandis illis reuelandis? Apparet hoc factitatum ab improbulis, in matronarum transuectione: sed hîc, honori Virginum, morte vindicatum.

CAP. XII.

Item ornamenta aut insignia: ut Vittæ, Purpura in veste, Stipendia & Agri, Auctoritas in deprecando.

AT QVE isti honores siue prærogatiuæ ex Plutarcho: alias alibi repperi, opportunè adtexendas. Sicut in ipso cultu aliquid eximium. inprimis *Vittæ* in capite, vt in Deo Deæve consecratis. Prudentius:

11. contra
Sym.

-sedet illa verendis

Vittarum insignis phaleris.

Idem explicat:

-cingunt

Tempora taniolis, & licia crinibus addunt.

Ouidius, de Iliâ iam compressâ:

Decidit ante sacros lanea vittæ focos.

Ingeniosè. quasi non iam Vestalis, amissâ virginitate, nec dignanda illis insignibus. Sic Dionysius scripsit: *Licere nubere, post annos impletos, ἀλλ' inquit, ἀποθείσας τὰ σέμματα, καὶ τὰ λοιπὰ τῆς ἱεροσύνης ἀξιώσιμα: sed depositis vittis, & quæ alia sunt Sacerdotij insignia. Quæ igitur alia?*

alia? In Ambrosio aliquid: *Infula vittati capitis, purpuratarum vestium murices*. Nota & vestes purpuratas fuisse: nempe prætextâ eas vsas, id est limbo in oris purpureo. Nam ita Magistratus, atque item (ex Liuiio aliis-que) Sacerdotes. Ergo & Vestales, vt suprâ in *Suffibulo* obserues. Non pugnat cum istis Suidas, qui scripsit: Οὐ μύρω, οὐχ ἀθέσει, οὐ χιματίῳ χεῖσθαι σιωχωμένους πλεὺς λαοκός: *Non unguento iis, non floribus, non veste uti concesserunt, nisi albâ*. Quæ vera sunt, & inducta contra lasciuiam: sed purpuratas eas, non purpureas dicimus fuisse. Veste albâ vsæ, sed limbo, vt diximus, punicante: non tamen floridâ, aut variegatâ, vt aliæ solent. In carbaso etiam aut tenui lino fuisse, ex Valerio, & Dionysio aliquis dicat: vbi de Æmiliâ Vestali. Dionysius quidem: *auulsiſſe & defregiſſe ait, ἀπὸ τῆς καρπασίνης ἐδῆρες, ὡς ἔτυχεν ἐν ἐδουκίᾳ τὴν τελαμῶνα*: à carbasinâ suâ veste quam indutui habebat, laciniâ, & imposuisse Aræ. Nec de cultu alia habeo: nisi placet addere, longo capillitio fuisse, & sparso eo incessisse: è Prudentio colligendum.

*Perfundunt quia colla comis benè, vel quia cingunt
Tempora teniolis.*

Etsi ambigas an non tonderi solitæ (ritu nostrarum Virginum quæ Deo sacrantur) ex Plinio: *Antiquior est lotos, quæ capillata dicitur, quoniam Virginum Vestalium ad eam crinis defertur*. Et Festo: *Capillatam vel Capillarem arborem dicunt, in qua capillum tonsam suspendebant*. Semel igitur tonsæ, atque in ingressu, opinor: aliâs comam alebant. Sed præter hæc Ornamenta aut Insignia, res & fructus etiam accedebant: id est, Stipendia & Opes. Liuius, de ipso Numâ: *His stipendium de*

E 2

publico

Lib. xvi.
cap. xliii.

publico statuit: ut vacuæ scilicet ab aliis curis, Deæ & sacris operarentur. Et credo agros à Numâ adtributos, quorum vectigalibus alerentur. Incertus auctor, de Limitibus: *Vt nominibus vetustis utantur. ut, vectigalis ager Virginum, Vestearis*: nempe, non Vestalis, ut vulgo. Hyginus item, de Limitibus: *Virginum quoque Vestalium & sacerdotum quidam agri vectigalibus sunt redditu locatim.* Sed & Augustus adiecit. de quo vniuersè Suetonius: *Sacerdotum & dignitatem & comoda auxit, PRÆCIPVE Vestalium virginum.* Aliquid in Catalogo Coloniarum, quem scriptum vidi: *Lanuuium muro cinctum, colonia deducta à D. Iulio. Ager eius, limitibus Augustæis, pro parte est adsignatus militibus veteranis, & pro parte Vestalium, lege Augustianâ, fuit.* Imò & alios agros habuerunt, à priuatis pietatis ergo (ut hodieque solet) legatos: quos omnes Fiscus eripuit sub Valente & Theodosio Principibus, inuidiosâ & disertâ fanè Symmachi querelâ: *Agros etiam, inquit, Virginitatis & ministris deficientium voluntate legatos Fiscus retentat.* Plura addit, atque arguit: & Ambrosius noster contrâ obducit: *Sola sublata sunt prædia, quia non religiosè utebantur iis, quæ religionis iure defenderent.* Sed præter Agros, video & Pecuniam interdum cepisse. Tacitus, de Tiberio: *Cornelia Virgini, quæ in locum Scantiae capiebatur, H. S. vicies dedit. quæ sunt nobis, quinquaginta Philippæorum millia.* Hem, vni virgini? sic fuit. nec immeritò obiicit iis Ambrosius, *Priuilegia maxima, LVCRÆ ingentia.* Atque inter Priuilegia, addamus: etiam ludis certo & honestissimo loco spectasse. Suetonius: *Virginibus Vestalibus locum in theatro separatim, & contra*
Præ-

In Aug.
cap. xliii.

Prætoris tribunal, dedit Augustus: de quo nostra in Amphitheatro, sis, vide. Denique, ut finiam, Auctoritas earum maxima, & in precibus, aut aliâ re, vix repudianda. Cicero, cum pro Fonteio causam diceret, sororis eius Vestalis intercessione usus: Superbum sit, inquit, eius obsecrationem repudiare, cuius preces si Dijs aspernarentur, hæc salua esse non possent. Atque inter exempla est Claudia Vestalis, quæ fratrem iniussu populi (in Suetonio) triumphantem, adscenso simul curru, usque in Capitolium prosecuta est, ne vetare aut intercedere cuiquam Tribunorum fas esset. Adeo & leges & magistratus reueriti sunt hanc impotentem, ut sic dicam, potestatem. Adde Suetonium in Iulio, cap. 1. in Vitellio cap. xvi. Tacitum iii. Historiarum, & plures.

Tiber.
cap. 11.

CAP. XIII.

Contrà, Pœna cum peccassent, cum auro varia: sed solennis & nobilis à Tarquinio Prisco. Pontifices arbitros fuisse: conuictam, defossam: & quæ huic rei.

HÆC Præmia igitur, sed Virginum: nam pollutarum Pœnæ etiam grandes & graues. Vetus lex fuit, Festo prodita: *Probrum virginis Vestalis ut capite puniretur, vir qui eam incestauisset, verberibus necaretur. Lex fixa in Atrio libertatis, cum multis aliis legibus incendio consumpta est, ut ait M. Cato. Sed cuius hæc lex? credam Numæ regis, qui simpliciter statuit incestam lapidibus obrui, sine aliâ supplicij pompâ: in Cedreno scriptum. Alia autem Albæ, ante Romam conditam: quæ iuberet pollutam virgis ad necem cadi, Dio-*

E 3

nyfio

nylio in rebus Iliæ tradente. Sed Tarquinius Priscus, qui numerum earum auxit, idem & poenam, & conspicuam magis horrendamque fecit. Sic enim in Zonarâ: *Vestaliū corruptam unam, specu subterraneo oblongo excavato, atque ibi lectulo posito, & lucernâ, & mensâ cibis refertâ, deducuntibus eam multis, viamque includens obstruxit. Et sic deinceps pollutas puniri obtinuit. Qui autem polluerint, in lignum biceps, siue in furcam, collum inserunt, in ipso foro: atque ita ad necem eos cedunt.* Dionysius pariter ad Tarquinium refert, & primam sub eo Pinariam quandam supplicio isto affectam. Quod vberius clariùsque tamen narrat, & verba eius digna apponi. *Pœna, inquit, delinquentibus graues constitutæ: quarum arbitri & exactores sunt, ex lege, Pontifices. Qui virgis quidem cadunt compertas leuioris delicti: probrosas verò & incestas fœdissimo & maximè miserabili mactant supplicio. Viua enim, funebri ritu & pompâ, efferuntur: amicis ac cognatis, cum luctu & lacrimis, comitantibus. Delata autem ad portam Collinam, intra muros, subterraneâ in cellâ, cum funeralibus ornamentis, deponuntur: nec monumento porrò dignatæ, nec parentalibus, aliisque sollennibus defunctorum.* Ita Dionysius: inhæreamus paullum, & magis etiam diffundamus. Ait, *Pontifices arbitros.* quod in omni earum culpâ siue delicto obtinuit, causamque apud hoc tribunal dixere. *Lib. 1111. Liuius: Postumia Vestalis de incesto causam dixit. ampliata, deinde absolutam, pro collegij sententiâ Pontifex maximus abstinere iocis, colique sanctè potius quàm scitè iussit.* Nota obiter, & iocos & cultum scitiorem vetita. Quo adpectu Declamatores Vestali dicam

dicam ob carmen istud scribunt: *Felices nuptæ. moriar,* Senece.
nisi nubere dulce est: & addunt, Tu carmen scribas, tu lib. vi.
verba pedibus suis emollias, & seueritatem templo debi- Controu.
tam modulatione frangas? Atque ibidem ostenditur, om- vlt.
nis cultus luxuriosior, conuersatio cum viris licentior, iis
interdicta. Amplius nota, Pontifices omnes, id est col-
legium iudicasse: Pontifice tamen maximo conuocan-
te, & præsidente. Plinius: *Cùm Corneliam Maximam* Li. iiii.
Vestalem defodere viuam Domitianus cupisset, ut qui epist. xi.
illustrari saculum suum eiusmodi exemplo arbitraretur:
Pontificis maximi iure, seu potius immanitate tyranni,
licentiâ domini, reliquos Pontifices non in Regiam, sed
in Albanam villam conuocauit. Vbi hoc culpat, non
Pontifices conuocatos, sed in talem locum, id est Alba-
nam villam: cùm sollenne esset, in Regiam conuenire,
quæ ad sita templo Vestæ. Ad hanc Pontificis maximi
cognitionem Statius respexit, Domitiano blandiens:

Templa superfulges, & prospectare videris,
An noua contemptis surgant pallatia flammis
Pulchrius? an tacitâ vigilet face Troicus ignis,
Atque exploratas iam laudet Vesta ministras?

In Equo
Domit.

Itemque Ouidius:

Si mihi bellandi pater est, Vestaq; sacerdos
Auctor, & vlcisci nomen utrumque paro.

v Fast.

Quæ facit Augustum dicere, parantem vlcisci mortem
Iulij, & Patris sui, & Pontificis maximi. Neque enim
aliud voluit, cùm *Vestæ sacerdotem* scripsit: curantem sci-
licet huic Deæ, & sacra cius tuentē. Lego & in lapidibus:
PONTIFEX VESTÆ. quo sensu? an quia proprius ali-
quis ei fuit? Præter hunc Maximum, Romæ nemo: &
magis

Lib. ix.
epist. cxx-
ii. & seq.

In Numâ.

Lib. vii.

magis fortasse sit tales titulos ad prouincias coloniasque referri: vbi cum nullæ Vestales, Pontifex aliquis & velut Fiamen proprius ei deæ fuit. Monco etiam, inferiore æuo aliquid huic Pontificio detractum. & cognouisse quidem de culpâ, poenam tamen non exegisse: quæ Præfecto vrbs reservata fuit. Disces è Symmacho clarè: qui *etate proximâ* id institutum ostendit, id est Christianorum Principum aliquâ lege, nisi fallor. Sed ad Dionysium. addit: *Funebri pompâ efferri.* quod Plutarchus etiam expressiùs: *Lectica inditam per Forum deferri, clausâ undique & loris reuinctâ, ut nec vox eius possit exaudiri.* Atque hoc de Foro, alibi item Dionysius, vbi de *Opimiâ* Vestali (Liuius est *Oppiâ*;) *quam Pontifices, inquit, damnarunt, & demptis è capite vittis, per Forum traduxerunt, viuâque defoderunt.* Vbi & Vittas atque ornamenta vides ablata, quia scilicet poluisset. Ouidius:

Nullaq̃, dicetur vittas temerare sacerdos

Hoc duce, nec viua defodietur humo.

Pergit Dionysius: *Amicos cum luctu comitatos.* Plutarchus autem, non amicos tantum, sed *totam ciuitatem in luctu & gemitu ponit, neque vllam in eâ diem tristiore.* *Obuios autem viâ decedere, vasto ubique silentio, attonitosq̃, omnes stare, aut comitari.* Amplius Dionysius: *Ad portam Collinam delatas.* ad locum nempe, qui *Sceleratus campus* ideò dictus. Festus: *Sceleratus campus proximè portam Collinam, in quo virgines Vestales, quæ incestum fecerunt, viua defodiuntur.* Item Liuius: *Eo anno Mucia Vestalis, factò indicio, viua sub terrâ, ad portam Collinam, dexterâ viâ stratâ, defossa Scelerato campo.*

campo. ab incestoid ei loco nomen factum. Plutarchus describit, *superciliosum & tumidum eum locum esse, & Latinâ voce Aggerem dici.* De quo Aggere (nec enim alius iste est) ego pluscula De Militiâ Romanâ in occasione scripsi, etsi non totum Aggerem huic vsui applicamus: proximam portæ tantum eius partem. Pergit Dionysius: *In subterraneâ cellâ.* Græcè dixit *ὄγκον ὑπὸ γῆν κατεσκαδασµένον*: *ediculam sub terrâ structam*: sicut Plutarchus *ὄγκον κατὰ γειον*, alibi *ὄγκουα*, at Plinius *cubiculum* dixere. Amplius: *Cum funebribus ornamentis.* quod accipio, ipsam ut cadauer velatam & cultam. Zonaras supra dicebat, *Lectulum appositum, & lucernam, & mensam cum cibis.* De lectulo, nescio: nisi si velut funebris fuit, vsui quem dicam. De aliis, Plutarchus etiam addicit, qui *lucernam ardentem, panis modicum, aqua & olei,* scribit deposita: *ne sacratissimum illud corpus viderentur fame consumpsisse.* Dionysius deinde, *in eâ cella deponi.* Hoc est, quod Satyricus:

Lib. v.
Dial. xiiij.

In Numâ
& Quæst.
Rô xcvi.

Sanguine adhuc viuo terram subitura sacerdos.

Quod tamen priusquam fieret (ex Plutarcho) *Pontifex maximus arcanas quasdam preces, manibus in calum sublati, fundebat: tum ipse suâ manu eductam è lecticâ in scalis constituebat: & sic carnifici ac ministris supplicij tradebat.* Plinius item de Corneliâ: *Cum in illud subterraneum cubiculum demitteretur, hæssisset q̃ (nempe in scalis) descendentis stola, vertit se ac recollegit. cumque carnifex manum daret, auersata est & resiliuit, scædumque contactum quasi planè à casto puroq̃ corpore reiecit.* Atque his gestis, ait Plutarchus, *scale attrahuntur, & adicula multa humo iniectâ contegitur, donec reliquo ag-*

F

geri

Quæst.
Rom.
xcvi.

vi. Fast.

geri solum adequetur. Sed vinctam illam ibi, aut stantem sedentemve obrutam, nemo declarat: putem in lecto depositam, de quo ex Zonarâ dixi. Claudit denique Dionysius: *Nec monumento, nec Parentalibus dignatus.* Et de monumento vel ideò monendum, quia inculpatæ in hoc quoque eximix, & *Vestalium cineres* (ait Plutarchus) *in Foro ipso recondi fas erat.* At de Parentalibus, controuertat aliquis ex eodem Plutarcho, qui scribit: *defossa Vestali, ne sic quidem Romanos quiescisse, religione liberos:* atque adeò μέγχι, νῦν, inquit, ἐναγίζουσιν οἱ ἱερεῖς βαδίζοντες ἐπὶ τὸν τόπον: usque ad hoc aui Pontifices parentant, ad locum ipsum euntes. Sed quamquam vterque eodem verbo ἐναγισμοῦ vtatur, putarim Plutarchum potius ad Expiationes aut Procuraciones, quàm ad vera Parentalia referendum. Habes supplicium, & causam eius ex Ouidio:

Sic incesta perit. quia quam violauit, in illâ

Conditur: & Tellus Vestâque numen idem est.

Etsi duplex etiam alia in Plutarcho. Vel, quia igne Romani mortuos cremant: igne autem funerare eam, quæ Ignem parum castè coluit, iniquum erat. Vel, quia corpus maximis consecratum ceremoniis occidere, aut manus mulieri adferre, nefas putauerunt. Sub terram igitur condi, cum victu apposito, vt quasi sponte exanimata videretur. Atque hæc sollennia: Principes interdum immutarunt, aut mitigarunt. vt Domitianus: qui incesta Vestalium virginum (Suetonij verba) *variè ac seuerè coercuit: priora* (sub patre aut fratre admissa) *capitali supplicio; posteriora* (suo Principatu) *more veteri.* Addit deinde, prioribus liberum mortis arbitrium permisisse;

Corne-

Corneliam virginem Maximam defodi imperasse: stupratorésque virgis in comitio ad necem cadi. Quod postremum de Stupratoribus, Zonaras è Tarquinij etiam lege fuisse ostendit. Apud Declamatores reperio, In- Sen. 1. Controu. 111. cestam de saxo deiici: sed scholicâ, opinor, & fictâ lege.

CAP. XIII.

Quando Vestales desierint? in Arnobio nodus, nec solutus.

FINIVI de *Vestalibus*: quæ & ipsæ finem suum sub Christianis mox Principibus inuenerunt. Quando? extremo Theodosij senioris æuo. Nam etsi concussæ antea, & periclitatæ sub Valentiniano, *Theodosio, Arcadio, quod ex Symmachi & Ambrosij epistolis constat: tamen animam traxêre ad vltimum Theodosij, id est, decimumseptimum Imperij eius annum: cùm ille *templa claudi, & sacrificia tolli* lege iussit. Præter alios, Zosimus clarè: *Theodosius maior, e-* Lib. v. *uersâ Eugenij tyrannide, Romam venit, & contemptum religionum in animis omnium excitauit, publicum sumptum ultra dare ad sacrificia abnuens. Pellebantur utriusque sexus sacerdotes, & fana sacrificiis abolitis deserta relinquebantur.* Hæc ille. & lapides atque inscriptiones etiam testificantur, Vestales ad hoc æui circiter perseuerasse. Itaque mirum, bis mirum, Arnobium doctum illum res veteres scriptorem, *Jgnem perpetuum* inter abolita aut desita iamdiu habere. Ita enim Romanos alloquitur, & arguit, *identidem in alios mores ac* 11. Adu. Gent. *ritus,*

ritus, priorum condemnatione, transisse. Tum adiungit & adstruit: *Numquid magistratus per populum creatis? in potestatibus obeundis leges conseruatis Annarias? in penetralibus Vesta ignis perpetuos seruatis focos?* quas interrogationes omnes negandi mente suscipi, palàm est. Atquin Arnobium Diocletiani temporibus vixisse & scripsisse, id quoque palàm est: id est, centum circiter ante Theodosij finem annis. Quis hæc defendit, aut soluit? nam vel maximè tunc sacra viguisse, Principibus eorum ex professo assertoribus, nemo neget. Quid etiam Symmacho & Ambrosio fiet, aliter proclamantibus? quid ipsi Arnobio in Arnobium dicenti? Nam ita in iisdem libris: *Sedent in spectaculis publicis sacerdotum omnium magistratuumque collegia, nec non & castæ Virgines, PERPETVI nutrices & conseruatores IGNIS.* De suo æuo dicit: nec ego, quid de priore loco dicam aut velem, habeo: manum tollo, & auxilium spectro.

Lib. IIII.

CAP. XV.

Alibi Ignis cultura, & simulacrum Vestalium.

Leuit.
cap. VI.

VBET autem pro Corollario addere, vbi locorum præcipuè cultus etiam Ignis, siue imago aliqua Vestalium fuit. Apud Iudæos primùm. & Dei iussio: *Ignis in altari semper ardebit, quem nutriet sacerdos subiiciens ligna manè per singulos dies.* Et mox: *Ignis est iste perpetuus, qui numquam deficiet in altari.* Habuère & Ægyptij. ac Diodorus vult seruandi ignem perpetuum, celesti similem, morem ab illis natum, & ad

ad alias gentes propagatum. Item Afri. & Plutarchus auctor, in Iouis Ammonis *λύχνον ἄσβεστον*, siue *lucernam* De Defectu orac. *inextinctam* arsisse. Silius videtur & in Arâ flammas statuere, vbi de hoc templo:

Inextincta focis seruant altaria flamma.

Lib. i i i.
initio.

Apud Indos, Ammianus: *Brachmanes ferunt, si iustum est credi, ignem calitus lapsum, apud se sempiternis foculis custodiri.* In Persis simile. & verba Procopij:

Lib. xxij.

Magnum hic Pyraum est (*πυρεῖον*, focus, siue *Vas igniarium*) Lib. i i.
bell. Perf. quod Persæ inter omnes Deos maximè venerantur: vbi Ignem perpetuum custodiunt Magi. Hic est

Ignis, quem Vestam olim Romani vocabant. atque alij plures de hoc Igne. Idem apud Cappadoces. Strabo: *Εστὶ πυραθία, σηκοί πινες ἀζιόλογοι. ἐν ᾧ τοῖς μέσοις* Lib. xv.

βωμόν, ἐν ᾧ πολλή τε σποδὸς, καὶ πῦρ ἄσβεστον φυλάττουσι οἱ μάγοι. *Sunt Pyrathéia, sacella quadam modica: & in iis mediis Ara, in quâ cinis multus, & Ignem inextinctum Magi seruant.* Iam in Græciæ Prytanæis, Pausanias sæpe commemorat ipsam hanc *Vestam & æternum focum*, itemque Athenæus, & alij: iterumque distinctè, *Mantineæ in templo Cereris, Athenis, in Minervæ; Delfis, in Apollinis.* Imò & Virgines ipsas aliquot locis habuere. Tertullianus: *Noueram virgines* Exhort.
ad castit.
cap. vii.

Vestæ, & Junonis apud Achaiæ ganeum, & Atrocis apud Delphos, & Mineruæ, & Dianæ. Et quem hîc *Atroce*, *Apollinem* interpretatur & indigetat De Monogamiâ idem scriptor. Dubitet aliquis, an non *Atrecem*, id est ἀτρεκήν siue *Veracem*, à diuinandi calliditate voluerit dictum. Video & Persas Soli virgines sacrasse. de quibus Iustinus: *Artaxerxem regem, ne* Lib. x.

P. Cieca,
& Augu-
stinus Ca-
rata.

Aspasiā pellicem filio daret, & honestè negaret, quod temerè promiserat, Solis sacerdoti praececiſſe, quo perpetua illi ab omnibus viris pudicitia imperabatur. Simillimum nuper, priusquam Hispani Regi & Religioni subegissent, in toto Perùano tractu. vbi crebra & magna templā dicata Soli, & in iis virgines saepe ducentas fuisse tradunt qui viderunt: è quibus si qua corpus polluiſſet, morte luebat, nisi tamen è Sole se concepiſſe (ride credulitatem superstitiosā) sanctè adiurasset. Satis de Vestā & Vestalibus: quas olim nobiles, sed æuo obscuratas, iterum in lucem protraximus, bono (ita confidimus) veterum scriptorum.

*Inscriptiones aliquot de VESTALIBVS in
memoriis priscis.*

Romæ, in basi, cui Statua olim superposita.

• Virgini
Vestali
Maxima.

• Sacerdos.

NVMISIAE. MA
XIMILLAE. * V. V.
MAX. TI. IVL. BAL
BILLVS. * S. SOLIS
DEO. IDIB. IAN.
L. ANNIO. FABIANO
M. NONIO. MUCIANO COS.

In urnulâ sepulchrali.

D. M.
TEIAE. EUPHROSINES
RVFINAE. V. V.
DELICATAE.

In

In basi.

COELIAE. CLAVDIANAE

V. V. MAXIMAE.

A. DIIS. ELECTAE. MERITO

SIBI. TALEM. ANTISTITEM

NVMEN. VESTAE. RESERVARE

VOLVIT.

COELIA. NVMERIANA. SOROR. VNA

CVM. PIERIO. CONIVGE. AC. LIBERIS

SVIS. ORANTES. VT. PER. *TOT. SECVLA

FACERE. DII. PERMITTANT.

* Quae
nepe ipsi
cu liberis
essent.
Egregia
adulatio.

Romæ.

*CLOELIAE. CLAVDIANAE

V. V. MAX

RELIGIOSISSIMAE. BENIGNISSI

MAEQVE. CVIVS. RITVS. ET. PLENAM

SACRORVM. ERGA. DEOS

ADMINISTRATIONEM

VRBIS. AETERNAE. LAVDIBVS

*S. S. COMPROBAT. OCTAVIA

HONORATA. V. V. DIVINIS

EIVS. ADMONITIONIBVS

SEMPER. PROVOCATA

COLLOCATA. XII. KAL. APRIL

C. AVFIDIO. ATTICO

C. ASINIO. PRAETEXTATO

COS.

* Supra
Celia:
si tamen
eadem.

* Sanctus
Senatus.

Romæ,

Romæ, trans Tiberim, item in basi.

TERENTIAE
FLAVOLAE. V. V.
MAXIMAE
AVREL. IVLIVS. BAL
BILLVS. SAC. SOL
OB. PLVRA. EIVS
IN. SE. MERITA
D. D. PR. NON. APRIL.
LAETO. II. ET. CERIALE
COS.

Romæ.

TERENTIAE. RVFILLAE
V. V. MAX.
DED. PRID. NON. MAI
TITIANO. II. ET NEPOTIANO
COS
*CVR. AVRELIO. NICETA.

• CITATIS

Romæ.

FL. MANILIAE. V. V. MAX.
CVIVS. EGREGIAM. SANCTIMO
NIAM. ET. VENERABILEM
MORVM. DISCIPLINAM
IN. DEOS. QVOQVE. PERVIGILEM
ADMINISTRATIONEM
SENATVS. LAVDANDO
COMPROBAVIT

AEMI-

AEMILIVS. FRATER. ET
 RVFINVS. FRATER. ET
 FLAVII. SILVANVS. ET
 EIRENEVS. SORORIS. FILII
 A. MILITIIS. OB. EXIMIAM
 ERGA. SE. PIETATEM
 PRAESTANTIAMQVE

Ibidem.

FL. PVBLICIAE. V. V. MAX.
 SANCTISSIMAE. ET. PISSIMAE.
 AC. SVPER. OMNES. RETRO
 RELIGIOSISSIMAE. PVRISSIMAE.
 CASTISSIMAEQVE.
 CVIVS. RELIGIOSAM. CVRAM
 SACRORVM. ET. MORVM. PRÆDI
 CABILEM. DISCIPLINAM.
 NVMEN.QVOQVE.VESTÆ.COMPROBAVIT.
 Q. VETVRIVS MEMPHIVS. V. E.
 * FICTOR. V. V. DIGNATIONIS. ERGA. SE
 HONORISQVE. CAUSA. PLVRIMIS
 IN. SE. CONLATIS. BENEFICIIS.

* Scripsi
 11. Elect.
 cap. xviii.

Ibidem, de eadem.

FL. PVBLICIAE. V. V. MAX
 MERITO. SANCTISSIMAE. AC. PISSI
 MAE. QVÆ. RITE. ET. PERVIGILL. ADMINIS
 TRATIONE. OMNES. GRADVS. LAVDE
 CVMVLATA. SACRA. SVA. VENERATA. VI
 VIT. VT. SECVLARI. ET. TATE. ET. MINISTERIO
 ADSIT. ET. IN FVTO. PERSEVERET

G

Q. TEREN-

50 I. LIPSI DE VESTA ET VESTAL. SYNT.
Q. TERENTIVS. RVFVS. ET. CÆNIA
VERISSIMA. PARENTES
TERENTIÆ. RVFILLÆ. V. V.
CVIVS. MVLT. TEMPORIS. BONITATEM
ET. HVMANITATEM. EIVS. CIRCA. SE
IN. BREVI. SENSERVNT.

Ex his talibus vides adulationes laudesque erga *Vestales*
Maximas: apparetque magnas iis opes fuisse, ut dixi, &
administrationem permissam, copiamque benignè fa-
ciendi. Aiunt & ante annum erutas Romæ inscriptio-
nes, statuasque: videre mihi nondum fuit. Addat, si-
quis nanciscetur: quod idem de *Numis* potest. Nam
& pluresculi sunt, qui has spectant.

F I N I S.

APPROBATIO.

*Syntagma istud dignum luce est, quod ad Priscorum
lucem conferat plurimum. 7. Calend. April.*

Guilielmus Fabricius Nouiomagus Apostolicus
ac Archiducalis librorum Censor.

PRIVILEGIUM CÆSAREVM.

RUDOLPHVS SECVNDVS diuina fauente clementia electus Ro-
manorum Imperator semper Augustus, ac Germaniæ, Hungariæ,
Bohemix, Dalmatiæ, Croatiæ, Sclauoniæ Rex, Archidux Austriæ, Dux
Burgundiæ, Stirix, Carinthiæ, Carniolæ & Wirtembergæ, &c. Comes
Tirolis, &c. Nostro & Sacri Imperij fidei dilecto IVSTO LIPSIØ gra-
tiam nostram Cæsaream. Postquam inter alia, quæ DEVS immortalis ho-
minibus liberali manu dedit dona, illustria inprimis illa & quasi diuina
sunt, quæ in literis liberalibusque disciplinis consistunt, quibus scilicet
homines non tantum ab animalibus ceteris rationis expertibus, sed à rudi
etiam & imperito hominum vulgo ita distinguuntur, vt tanquam Dij
quidam splendescere in terris videantur: rem sanè præclaram seque di-
gnam illi præstant, qui diligentem iis ipsis in literis ac disciplinis operam
ponunt: præclarissimam verò & Reipub. vtilissimam, qui eas ita excolunt,
vt aliorum menti docendo, scribendo lumina præferant, eosque ex igno-
rantix tenebris quasi manu educant. Quos excitare, quos amare atque
animare ad dignitatis nostræ munus, ad quod Diuino vocati beneficio,
concessuque sumus, inprimis pertinere existimamus. Cum itaque ab iis,
quorum nobis spectata fides, qui que iudicare de Literis possint, acceperi-
mus, insignes te animi ingenique tui doctores tibi à natura insitas à primis
temporibus ætatis tuæ ita literarum ac disciplinarum studiis excoluisse at-
que exornasse, vt olim iuuenilibus adhuc annis præclara florecentis mi-
nimeque vulgaris eruditionis specimina præbueris, dum obscura in anti-
quis scriptoribus loca quæ quædam tanquam lustra erant, illustrasti, quæ-
que in iis iniuria temporum deprauata & corrupta fuerunt, restituissti, dum
vetusta Latinx antiquitatis rudera in nouam subinde structuram singula-
ri artificio eleganter conuertisti: ad exquisitam adeò & raram doctrinam,
quæ magnam de te apud doctos quosque viros opinionem excitavit, per-
uenisse, eamque variis abs te libris acri & graui cum iudicio scriptis atque
in lucem editis ostendisse, vt in eo quod tam feliciter tractes scriptionis
genere paucos tibi pares hodie reperire sit: iam verò matura te ætate vi-
rum, viro magis magisque digna, & viris doctis grata ac Reipub. vtilia scri-
bere, quæq. à primis illis Romanis olim auctoribus scripta fuerunt, à men-
dis purgare, & lectissimos quosque ex Musarum hortis, in quibus assidue
verseris, flores colligere, concinnare, quibus Lectores mirifice recrees, &
eorum pectus ad prudentiam, probitatemque informes: haudquaquam
prætermittere volumus, quin Reipub. ad quam hæc abs te ornamenta
conferuntur, causa, Cæsareo te nostro elogio decorandum, & quamuis
per te satis ipse animatus sis, animadum magis patrociniòq. nostro defen-
dendum pro benigna nostra in te suscipere mus voluntate. Quoniam ve-
rò lucubrationibus atque operibus tuis in lucem edendis, peculiarem te
eligere velle Typographum, accepimus, Diplomate hoc nostro priuile-
gioque te & Typographum tuum aduersus quorumcunque fraudem, qui
lucri causa, quod fieri solet, eadem excudere aut typis imitari fortè velint,
munitos cupimus. Quamobrem pro auctoritate nostra Cæsarea decerni-
mus, statuimus, vetamusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi hæredibusve tuis, auxilio Magistratus, ubicumq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiãve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo Nonagesimo secundo. Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

R V D O L P H V S.

Iacobus Curtius à Senfftenaw.

Ad mandatum sacra Cæsarea M^{ti} proprium.

Io. Baruitius.

Additum sigillum Cæs. M^{ti} in cerâ rubrâ.

SVMMA PRIVILEGII REGII.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalésve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxellæ XIV. Febr. M. D. XCVII.

Verreycken.

T*Ibi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti meum DE VESTA ET VESTALIBVS SYNTAGMA, typis tuis excudas ac diuulges. Nequis alibi alius præter te, cupio siue iubeo, ex lege quam magnus Caesar & Rex meus dixerunt.*

Iustus Lipsius.

56

ANTVERPIÆ,
EX OFFICINA PLANTINIANA,
APVD IOANNEM MORETVM.
CLD. ICCCIII.

55



17244

56

00564754